

## Kalaallit Nunaanni eqqartuussisarnermik inatsisip allanngortinneqarnera pillugu inatsit

(Inatsisit unioqqutinneqarneranni pinerluttoqarsimaneranik  
paasiniaanermut ilaatillugu politiit inunnik sunniiniartartunik atuinerat  
il.il.)

### § 1

Inatsimmut nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermi inatsimmi, ilaatigut inatsisimmi nr. nr. 572-imi, 10. maj 2022-imeersumi § 1-ikkut allanngortinneqartumi aamma kingusinnerpaamik inatsimmi nr. 414-imi, 25. april 2023-imeersumi § 2-ikkut allanngortinneqartumi, makkuninnga allannguisoqassaaq:

1. § 114, imm. 2-mi, nr. 1-ip kingorna normutut nutaatut ilanngunneqassaaq: »2) politiit tjestemandimit immikkut ittumik kiffartuussinermik ingerlatsisumit, aamma tamanna immikkut ittumik kiffartuussineq eqqarsaatigalugu kinaassutsip isertuunneqarnissaa pisariaqartinneqarpat,« Tamatuma kingorna nr. 2 aamma 3, nr. 3 aamma 4-nngussapput.

2. § 114, imm. 3, oqaaseqatigiinni siullerni, »imm. 2, nr. 3« ima allanngortinneqassaaq: »imm. 2, nr. 4«.

3. § 115-imi imm. 3-tut ilanngunneqassaaq:

»Imm. 3. Politiit tjestemandi imaluunniit politiini atorfeqartoq iliuitsinik § 349 a-mi taaneqartunik suliaqarsimatillugu, unnerluussisussaataasut piumasarippassuk, taassuma nassuiaanerani matut matuneqassapput.«

4. § 144-imi imm. 4-itut ilanngunneqassaaq:

»Imm. 4. Ilisimannittoq iliuutsinik § 349 a-mi taaneqartunik suliaqarsimappat, aamma suliap qanoq issusia pineqartumullu akuusumut imaluunniit inuiaqatigiinnut pingaaruteqarnerata tamanna naapertuuttutut isigisariaqartippagu, pisuni imm. 2-mi nr. 3-mi taaneqartuni eqqartuussiviup aammattaaq ilisimannittoq nassuiaateqaqqullugu peqqusinnaavaa.«

5. § 153, *oqaaseqatigiinni siullerni* »ilisimannittup kinaassusaa«-ta kingorna ilanngunneqassaaq: », taamaattoq § 458, imm. 2 aamma 3 takukkit«

6. Kapitalip 34-ip kingorna ilanngunneqassaaq:

»Kapitali 34 a

*Pinerluttoqarsimaneranik paasiniaanermi immikkut ittumik iliuutsit*

§ 349 a. Inatsisinik unioqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqutitsinissaanut imaluunniit inatsimmik unioqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqeroorfigineqarnera imaluunniit iliuutsinik aalajangiisoqarnera, politiit peqataaffigissanngilaat, ima pisoqartinnagu:

- 1) inatsimmik unioqutitsisoqalersoq imaluunniit inatsimmik unioqutitsineq misilinneqarsimasoq pillugu pissutissaqartumik pasitsaassisoqartoq,
- 2) pinerluttoqarsimaneranik paasiniaanermi iliuseq pinerluttoqarsimaneranik paasiniaanermi pingaarutilimmik kinguneqartussatut isumaqarfigineqartoq, aamma
- 3) pinerluttoqarsimaneranik paasiniaaneq immikkut ittumik sakkortuumik inatsisinik unioqutitsinermut imaluunniit pinerluttulerinermi inatsimmi § 85, imm. 1-ip imaluunnit 2-ip, § 104-ip, § 105-ip, § 108-ip, § 111, imm. 1-ip, imaluunniit § 111 a-p unioqutinneqarnerannik tunngassuteqartoq, inatsisinillu unioqutitsineq internetti atorlugu unioqutitsinerutillugu, Ikiaroomartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqutitsinermik tunngassuteqartoq.

*Imm. 2.* Kialluunniit inatsimmik unioqutitsinissaanut imaluunniit inatsimmik unioqutitsinerata ingerlatiinnarnissaanut kajumissaarneqarnissaa siunertaralugu iliuutsit, politiit inatsimmik unioqutitsisoqartillugu pissutsit pingaarutilimmik sunniivigissanngippassuk, imaluunniit taamatut kajumissarineq

taamaallaat pisinnaatitaaffinnik, pigisanik tigussaasunik imaluunniit atortussanik allanik, erseqqinnerusumik annertussusilinnik internettikkut tuniniarneqartunik taamaallaat pissarsineruppata, iliuitsit kialluunniit inatsimmik unioqqutitsinissaanik imaluunniit ingerlatitsiinnarnissaanik kajumissaarinissaq siunertaralugu aalajangerneqartut, imm. 1-imi ilaatinneqassanngillat.

**§ 349 b.** Iliuitsit § 349 a-mi taaneqartut, inatsisunik unioqqutitsinerup annertussusaata peqqarniisaarnerulluunniit annertusineqarnissaanik kinguneqassanngillat.

*Imm. 2.* Politiini tjenestemandinit aamma politiini atorfilinnit pinerluttoqarsimaneranik paasiniaanissamut immikkut ittumik piginnaasaqartunit iliuitsit taamaallaat suliarineqarsinnaapput. Taamaattoq, ikiuinneq tunniunniunneqartoq, inatsisunik unioqqutitsinermut naleqqiullugu killilerujussuuppat, inuit uniformeqaangitsut politiinik isumaqatigiissuteqarnikkut inatsimmik unioqqutitsinerup, pinerluttoqarsimaneranik paasiniaaffigineqartup, ingerlanneqarnissaanut nanginneqarnissaanulluunniit ikiuissinnaapput.

**§ 349 c.** § 349 a malillugu iliuitsit akuersissutigineqartut eqqartuussiviup aalajangerneratigut pissapput, taamaaliornerlu tunngavilersorneqassaaq. Tamanna pillugu apeqqut eqqartuussivimmi, unnerluussutit saqqummiunneqarfissaani imaluunniit saqqummiunneqarfissaatut naatsorsuutigineqartumi saqqummiunneqassaaq, imaluunniit sumiiffimmi allami iliuitsit naammassiniarlugit politiit aalajangiiffigisaanni pissalluni.

*Imm. 2.* Eqqartuussiviup aalajangiinerani suliame pivirusiit taaneqassapput, tassanilu iliuitsit naammassineqarnissaanut piumasqaatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq.

*Imm. 3.* Iliuitsit siunertaat maangaannartinneqassappata, eqqartuussiviup aalajangernera utaqqineqassappat, iliuitsit naammassineqarnissaat politiit aalajangersinnaavaat. Taamaattoqarpat iliuitsit aallartinneqarnerannit piaarnerpaamik aamma kingusinnerpaamik akunnerit 24-it iluanni politiit suliaq eqqartuussivimmut saqqummiutissavaat. Iliuitsit akuerineqarsinnaanersut, kiisalu atatiinnarneqassanersut eqqartuussiviup aalajangernermigut aalajangiiffigissavai. Iliuitsit suliarineqarsimasussanngikkaluartut eqqartuussivik isumaqarpat, eqqartuussiviup tamanna pillugu Inatsiseqarnermut ministereqarfik nalunaaruteqarfigissavaa.

**§ 349 d.** § 349 a-mi iliuitsit taaneqartut pillugit aalajangiisoqarsimappat, aamma inatsisunik unioqquitsineq pillugu unnerluussisoqarpat, iliuitsit pillugit illersuisumut nalunaarutiginnittoqassaaq. Naalagaaffinnut pissaanilissuarnut, naalagaaffiup isumannaatsuunissaanut, suliap paasinarsisinneqarnissaanut, imaluunniit inummut pingajuusumut qaqutigoortumik eqqarsaatiginninnissaq tamatuma pisariaqartissappagu, oqaaseqatigiit siulliit malillugit paasissutissat illersuisup tigusimasaasa ingerlateqqinneqannginnissaat politiit illersuisumut peqqussutigisinnaavaat.

**§ 349 e.** 349 a-miit 349 d ilanngullugu malittarisassat pinerluttulerinermi inatsimmi kapitali 7 aamma §§ 27-imiit 35 ilanngullugu malillugit unioqquitsisoqarsimanersoq pillugu pinerluttoqarsimaneranik paasiniaanermi atorneqassanngillat.«

**7.** § 443-imi *imm. 3-tut* ilanngunneqassaaq:

»*Imm. 3.* Politiini tjenestemandit imaluunniit politiini atorfillit, § 349 a-mi iliuitsinik taaneqartunik suliarinnissimasut, aamma politiini tjenestemandit immikkut ittumik kiffartuussinermik ingerlatsisut, tassani immikkut ittumik kiffartuussinermik ingerlatsineq eqqarsaatigalugu kinaassutsip isertuunneqarnissaa pisariaqartinneqarluni, atimik allamik nammineq aterinngisaminnik taaneqarsinnaapput aamma najugaqarfik taanagu.«

**8.** § 448, *imm. 1, nr. 5-imi*, »§ 155, *imm. 3*, imaluunniit,« ima allanngortinneqassaaq: »§ 155, *imm. 3*,«

**9.** § 448, *imm. 1, nr. 6-imi*, »*imm. 1*« ima allanngortinneqassaaq: »*imm. 1* imaluunniit 4, imaluunniit«.

**10.** § 448-imi *nr. nr. 7-itut* ilanngunneqassaaq:

»7) § 458, *imm. 3* malillugu politiini tjenestemandip atia najugaalu nalunaarutigineqassanngitsoq.«

**11.** § 458-imi *imm. 1-ip* kingorna immikkoortutut nutaatut ilanngunneqassapput:

»*Imm. 2.* Politiini tjenestemandiusoq imaluunniit politiini atorfilik, § 349 a-mi taaneqartunik iliuitsinik suliaqarsimasoq, nammineq atini taanagit nassuiaasiorsinnaavoq.

*Imm. 3.* Ilisimannittup immikkut ittumik sullissinerata pingaarutilimmik eqqarsaatigineqarnissaata tamanna tungavissaqartippagu, aamma

paasissutissat unnerluutigineqartup illersorneqarneranut kingunertussaangitsutut isigineqarpata, politiini tjenestemandiusup immikkut ittumik kiffartuussinermik ingerlatsisup, ilisimannittutut nassuiaasup atiata paasissutissiissutigineqaanginnissaat eqqartuussiviup siulittaasuata aalajangersinnaavaa.

*Imm. 4.* Politiini tjenestemandiusoq imaluunniit politiini atorfilik, § 349 a-mi taaneqartunik iliuitsinik suliaqarsimasoq, imaluunniit tamanna politiini tjenestemandip imaluunniit atorfillip kinaassusaata isertuunneqarnissaa eqqarsaatigalugu pisariaqartinneqarpata, politiini tjenestemandi immikkut ittumik kiffartuussinermik ingerlatsisoq killisiorneqartillugu, aamma unnerluunneqartup illersorneqarneranut tamanna pingaarutilimmik kinguneqartussaangitsutut isigineqarpata, unnerluunneqartup eqqartuussinermi ini eqqartussiffiusoq qimassagaa, eqqartuussiviup siulittaasuata aalajangersinnaavaa.

*Imm. 5.* Imm. 3 aamma 4 malillugit noqqaassutit pillugit sioqqutsisumik isumaqatigiinniarnert nalaanni unnerluunneqartup ini eqqartuussiffiusoq qimassagaa, eqqartuussiviup siulittaasuata aalajangersinnaavaa.

*Imm. 6.* Imm. 3 malillugu politiini tjenestemandip atiata najugaqarfialu isertuunneqarnissaa pillugu aalajangiineq, imaluunniit imm. 4 malillugu unnerluunneqartup inimit eqqartuussiffiusumit aninissaa pillugu eqqartuussiviup aalajangiineratigut aalajangerneqassaaq, taannalu tunngavilersorneqassaaq. Aalajangiinerani suliami piviusuiit taaneqassapput, tassanilu isertuussinissamut piumasagaatit naammassineqarsimanerat taperserneqassaaq. Aalajangerneq qaqugukkulluunniit allanngortinneqarsinnaavoq. Imm. 3 aamma 4 malillugit eqqartuussiviup aalajangernera suliareqqitassanngortinneqarsinnaavoq.«

Imm. 2 tamatuma kingorna imm. 7-ingussaaq.

**12.** § 458, imm. 2, oqaaseqatigiinni siullerni, imm. 7-imi oqaaseqatigiit siullinngortumi, »imm. 1«-ip kingorna: »imaluunniit 4« ilanngunneqassaaq.

## § 2

Inatsit 1. juli 2024 atuutilissaaq.

# *Inatsisissatut siunnersuummut oqaaseqaatit*

*Oqaaseqaatit nalinginnaasut*

*Inatsisissatut siunnersuutip imaata allasimaffia*

<b><u>1. Aallaqqaasiut.....</u></b>	<b>8</b>
<b><u>2. Inatsisissatut siunnersuutip immikkoortui pingaarnerit.....</u></b>	<b>9</b>
<u>2.1. Inatsisit atuuttut .....</u>	9
<b><u>2.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq .....</u></b>	<b>10</b>
<u>2.2.1. Sunniiniarnermi aamma nalinginnaasumik pinerluttoqarsimanerani paasiniaanermi iliuitsit akornanni killiliussaq (appasinnerpaamik killiliussaq).....</u>	10
<u>2.2.1.1. Sunniiniarnerup pissusia .....</u>	11
<u>2.2.1.2. Paasissutissiisartut, tunniussinerit nakkutigisaasut il.il.....</u>	14
<u>2.2.2. Sunniiniarnerup aallartinneqarnissaanut piumasaqaatit .....</u>	18
<u>2.2.2.1. Pasitsaassineq pillugu piumasaqaat.....</u>	18
<u>2.2.2.2. Ilisarnaatit pillugit piumasaqaat .....</u>	19
<u>2.2.2.3. Pinerluttuliorneq pillugu piumasaqaat .....</u>	20
<u>2.2.2.3.1. Meeqqanik kanngunartuliorneq .....</u>	25
<u>2.2.2.3.2. Peqquserlunneq, paasissutissat pillugit peqquserlunneq, aamma aningaasatigut peqquserluutinik malunnarunnaarsaaneq.....</u>	26
<u>2.2.2.3.3. Tillitanik niueruteqarneq.....</u>	26
<u>2.2.2.3.4. Ikiaroomartut.....</u>	28
<u>2.2.2.3.5. Sakkut qaartartullu.....</u>	29
<u>2.2.3. Erseqqinnerusumik annertussusilinnik pisinnaatitaaffinnik, pigisanik tigussaasunik imaluunniit atortunik allanik internettikkut tuniniarneqartunik politiit pissarsinerat.....</u>	30
<u>2.2.4 Sunniiniarnerup akuerisaasup sunniiniarnerullu inerteqqutigineqartup akornanni killiussaq (qutsinnerpaamik killiliussaq)</u>	36
<u>2.2.5 Politiini atorfillit inuttut sunniiniartartutut sulisinnaasut .....</u>	37
<u>2.2.6. Inuit uniformeqanngitsut .....</u>	39
<u>2.2.7. Sioqqutsilluni eqqartuussivimmit aalajangiineq aamma unnerluussisoqartillugu illersuisumut nalunaarutiginninneq .....</u>	43

<u>2.2.8. Inuup sunniiniartartup eqqartuussivimmi nassuiaanera</u> .....	44
<u>2.2.8.1. Politiini inuup sunniiniartartup kinaassutsimi isertuunnissaanut periarfissaa</u> .....	44
<u>2.2.8.2. Suliani politiini inunnik sunniiniartartunik atuisoqarsimatillugu matut matuneqartarnerat</u> .....	48
<u>2.2.8.3. Ilisimannittunut peqqussutit</u> .....	49
<u>2.2.8.4. Eqqartuussivimmi inuit uniformeqanngitsut killisiorneqarnerat</u> .....	50
<u>2.2.9. Allatigut politiini tjenestemandit eqqartuussivimmi nassuiaanerat</u>	51
<b><u>3. Pisortanut aningaasaqarnikkut kinguneri aamma atuutilersitsinerup kinguneri</u></b> .....	54
<b><u>4. Inuussutissarsiorturnut il.il. aningaasaqarnikkut allaffissornikkullu kinguneri.</u></b> .....	54
<b><u>5. Innuttaasunut allaffissornikkut kinguneri</u></b> .....	54
<b><u>6. Silap allanngoriartorneranut kinguneri</u></b>	
<b><u>7. Avatangiisinut kinguneri</u></b> .....	54
<b><u>8. EU-mi inatsisitigut tunngassuteqartut</u></b> .....	54
<b><u>9. Oqartussat suleqatigiiffiillu il.il tusarniaaffigineqartut.</u></b> .....	55
<b><u>10. Immersugaq eqikkaaffiusoq</u></b> .....	55
<b><u>Inatsisissatut siunnersuummi aalajangersakkanut ataasiakkaanut oqaaseqaatit</u></b> .....	58
<b><u>Inatsisissatut siunnersuutip inatsimmut atuuttumut ataatsimoortinneqarnera</u></b> .....	97

## 1. Aallaqqaasiut

Kalaallit Nunaanni qallunaat akisussaaffeqarfiisa ineriartortinneqarnissaat Naalakkersuisullu ataatsimoorlutik naalakkersuisut (Socialdemokratiet, Venstre aamma Moderaterne) kissaatigaat. Danmarkimi Kalaallillu Nunaanni pissutsit immikkut ittut assigiinngissutillu ataqqillugit, qallunaat akisussaaffeqarfiisa Danmarkimi tamanut atugassianut atorneqartunut malinnaanissaat, naalakkersuisut Kalaallit Nunaat peqatigalugu sulissutigiumavaat. Qallunaat akisussaaffeqarfiini inatsisiliornerup nutarsarneqartarnissaa tassunga atatillugu naalakkersuisut ingerlaavartumik pingaarnersuinerminni salliutikkumavaat, soorlu aamma Kalaallit Nunaanni politiit suli ineriartortinneqarnissaannik pisariaqartitsineq naalakkersuit ingerlaavartumik nalilersortassagaat.

Qallunaat eqqartuussisarnermik inatsisaanni, eqqartuussisarnermik inatsisip allanngortinneqarnera pillugu inatsisikkut nr. 319, 4. juni 1986-imeersukkut (Inatsisit unioqquatinneqarneranni pinerluttoqarsimaneranik paasiniaanermut ilaatillugu politiit inunnik sunniiniartartunik atuinerat) eqqunneqartumi, inunnik sunniiniartartunik atuinermi politiit peqataasinnaanerat pillugu malittarisat inatsisissatut siunnersuummi tunngavigineqarput. Nalunaaruteqartarnermi isertuussinissamut politiit akuliuttarnerat aamma inuit sunniiniartartut atorneqarnerat pillugu Pillaasarnermik eqqartuussisarneq pillugu ataatsimiititaliap isumaliutissiissutaanik nr. 1023/1984-imit inatsit tunngaveqarpoq (isumaliutissiissut). Malittarisassat kingusinnerusukkut pillaasarnermik inatsisip eqqartuussisarnermillu inatsisip allanngortinneqarneri pillugit inatsisikkut nr. 436, 10. juni 2003-imeersukkut (Rockerit pinerluuteqartarnerat amma aaqqissuussaasumik pinerluuteqartarnerit allat akiorneqarnissaat) aamma eqqartuussisarnermik inatsisip allanngortinneqarnera pillugu inatsisip nr. 967, 26. juni 2020-imeersumit (Internettikkut pinerluuteqartarnerup pinerluttoqarsimaneranik paasiniaavigineqarneranni politiit periarfissaasa patajaallisaavigineqarnerat) allanngortinneqarput.

Politiit inatsisinik unioqquutitsisoqarnerani pinerluttoqarsimaneranik paasiniaanerminnut atatillugu – piumasagaatit killiliussallu erseqqissumik taaneqartut ilaasa ataanni – kialluunniit inatsimmik unioqquutitsinissaanut imaluunniit inatsimmik unioqquutitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqerooruteqarsinnaasut imaluunniit iliutsinik aalajangiisinnaasut, sunniiniarneq pillugu malittarisassat kinguneraat.



Inuit sunniiniartartut atornerarnerat aamma Kalaallit Nunaanni politiinut pinerluttoqarsimaneranik paasiniaanermi sakkuusoq sunniuteqarluartoq, 2020-imi inatsisip allanngortinneqarneranut uiggiullugu nalilerneqarpoq. Ilaatigut nunat tamat akornanni pinerluttuliornerit nalinginnaasumik ineriartorerisa annertunerujartortumik killeqarfinnik qaangiinertut pissuseqarnerat, kiisalu internetti atorlugu pinerluuteqarnerit pillugit unammilligassat Danmarkimut naleqqiullugu Kalaallit Nunaani erniinnaartumik annikinnerunnginnerat, taamaammat tassunga tunngaviuvoq.

Tamanna tunngavigalugu qallunaat sunniiniarneq pillugu malittarisassaasa assinginik Kalaallit Nunaanni eqqartuussisarnermik inatsimmi ilanngussisoqarnissaa Naalakkersuisuit noqqaassutigisimavaat.

Taamaalilluni inatsisinik unioqquitsinerit pinerluttoqarsimaneranik paasiniaaffigineqarneranni Kalaallit Nunaanni politiit periarfissaasa patajaallisaavigineqarnissaat inatsisissatut siunnersuutip siunertaraa, matumani inuit sunniiniartartut atornerisigut ikiaroorartut pillugit pinerluttuliornerit, pinerluttuliornerit aqqissugaasut aamma internettikku pinerluttuliornerit pinerluttoqarsimaneranik paasiniaavigineqarnerat ilanngullugit.

Kalaallit Nunaanni eqqartuussisarnermik inatsimmi sunniiniarneq pillugu malittarisassanik (§§ 349 a-miit 349 e ilanngullugu), qallunaat eqqartuussisarnermik inatsisaanni tamanna pillugu malittarisassat atuuttut assinginik ilanngussinissaq, inatsisissatut siunnersuutikkut taamaammat aallarnerniarneqarpoq.

## **2. Inatsisissatut siunnersuutip immikkoortui pingaarnerit**

### **2.1 Inatsisit atuuttut**

Kalaallit Nunaanni eqqartuussisarnermik inatsimmi kapitali 34 pinerluttoqarsimaneranik paasiniaaneq killisiuinerlu pillugit malittarisassanik nalinginnaasunik imaqarpoq, matumani § 338 ilaatigut inatsisip unioqquatinneqarnerani pinerluttoqarsimaneranik paasiniaanerup aallartinneqarnissaa pillugu, taannalu eqqunngitsuliorfigineqartoq ilaatinngu unnerluussisussaasunit ingerlanneqartarpoq.

Politiit inatsimmik unioqquitsisoqarsimanerani pinerluttoqarsimaneranik paasiniaanermiinnut atatillugu, kialluunniit inatsimmik unioqquitsinissaanut imaluunniit inatsimmik

unioqquitsinerata ingerlatiinnarnissaanut kajumissaarneqarnissaa siunertaralugu, ikiuinissamik neqerooruteqarsinnaanerit imaluunniit iliuutsinik aalajangiisinnaanerit pillugu Kalaallit Nunaanni eqqartuussisarnermik inatsimmi ullumikkut malittarisassaqaqqanngilaq.

Kisianni, inuk kajumissaarinermit, siunnersuinermit imaluunniit iliuuseqarnermit, iliuuserineqartumi peqataasimasooq, inatsimmi unioqquitsinermit aalajangersakkamut aalajangersimasumut ilaatinneqartoq, pinerluttulerinermit inatsimmi § 13-ip malitsigaa.

Politiit annertuumik inunnik sunniiniartartunik atuinissamut pisinnaatitaanerit eqqartuusseriaatsimi atuuttumi aalajangerneqarsimasutut isigisariaqartoq, sunniiniarneq pillugu malittarisassat Danmarkimi atuutilersinneqarnerit sioqqullugu inatsiseqartitsinermit pissutsit pillugit, isumaliutissiisummi qupperneq 135-imi takuneqarsinnaavoq. Taamaattoq taamatut iliuuseqarnermit tassani politiit pinerluuteqarnermik, pinerluutigineqartussaannngikkaluamik, pilersitsissanngillat. Taamatuttaaq Kalaallit Nunaanni inatsisit atuuttut malillugit taamaattoqartoq nalilerneqarpoq.

## **2.2 Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq**

### **2.2.1 *Sunniiniarnerup akuerisaasup aamma nalinginnaasumik pinerluttoqarsimaneranik paasiniaanermi iliuutsit akornanni killiliussaq (appasinnerpaamik killiliussaq)***

Sakkortuumik aaqqissuusaasumillu pinerluutit pillugit politiit pinerluttoqarsimaneranik paasiniaanerit, matumani ikiaroorartut pillugit pinerluuteqarnerit ilanngullugit, ajornartorsiutinik annertuumik katitigaasinnaapput, Pinerluttuliernerit, assersuutigalugu ikiaroorartut pillugit pinerluuteqarnerit, pisuni amerlasuuni aaqqissugaasumik suleqatigiissunit suliarineqartarput, taakkulu nunat tamat akornanni aggulunneqartarput. Eqqugaasooq nammineerluni tuniniaasutut ilaakkajuttarpoq aamma politiinik ikiuinissaq qaqtigut soqutigisarlugu. Nunat tamat akornanni aaqqissugaasumik pinerluuteqartarneq aamma ima issinnaavoq, politiit ilisimannittui saqqummernissaminut, suliallu paasineqarnissaanut atatillugu eqqartuussivimmilu malitseqartitsinermit

siikiuinissaminut annilaangasarlutik. Eqeersimaarnerusumik pinerluttoqarsimaneranik paasiniaasinnaanerup politiinit atorpeqarnissaa, siullerpaamik sunniiniarnertut ilusilik, pinerluttuliornerit aaqqissugaasut akiorneqarnissaanut pisariaqarpoq.

Suliat suussusaat sorliit malittarisassani ilaatinneqassanersut pillugit apeqqut, aamma sunniiniarnerit akuerisaasut aamma nalinginnaasumik pinerluttoqarsimaneranik paasiniaanermi iliuutsit (appasinnerpaamik killiliussaq) taamaalillunilu pinerluttoqarsimaneranik paasiniaanerit suussusaat inatsisikkut malittarisassiunerme ilaatinneqassanersut pillugit apeqqut, qallunaat sunniiniarneq pillugu malittarisassaannik piareersaatitut isumaliutissiisummi 155-imiit 162 ilanngullugu peqqissaarussamik oqallisigineqarput.

Eqqarsaatigisassat assingi danskit eqqartuussisarnermi inatsisaanni sunniiniarneq pillugu malittarisassat aamma Kalaallit Nunaanni atuuttut nalilerneqarmata, iliuuseq kinaassusersiunngitsumik isigalugu pinerluttulerinerme inatsimmi § 13-imi peqataanermut oqaatsip imarisaani ilaatinneqarpat, imaappoq uani siunertaqarsimaneq apeqqutaatinneqarani, pinerluttoqarsimaneranik paasiniaanermi iliuuseq, eqqartuussisarnermik inatsimmi sunniiniarneq pillugu malittarisassani siunnersuutigineqartuni ilaatinneqarnissaa siunnersuutigineqarpoq. Inuit kajumissaarinerikkut, siunnersuinerikkut imaluunniit iliuuseqarnerikkut, iliuuserineqartumi peqataasimasut, inatsimmi unioqqutitsinerme aalajangersakkamut aalajangersimasumut ilaatinneqartut, pinerluttulerinerme inatsimmi § 13-ip malitsigaa. Tamatuma saniatigut iliuuseq pinerluttulerineq pillugu inatsiseqartitsinerme aalajangersagaq immikkut ittoq malillugu pinerluutinngortinneqarsimasinnaavoq.

Iliuutsit piumasaqaatit erseqqinnerusut ataanni taamaallaat pisinnaanerat, matumani pasitsaassineq pillugu piumasaqaat, ilisarnaatit pillugit piumasaqaatit aamma pinerluttuliorneq pillugu piumasaqaat ilanngullugu, soorlu aamma immikkoortuni 2.2.2-mi aamma 2.2.7-imi erseqqinnerusumik aallaaserinninnerit malillugit, aallaaviatigut eqqartuussivimmit politiit sioqqutsisumik akuersissummik pisimanissaat, pinerluttoqarsimaneranik paasiniaanermi iliuutsit sunniiniarneq pillugu malittarisassani ilaatinneqarnerisa kinguneraa.

#### *2.2.1.1. Sunniiniarnerup pissusia*

Sunniiniarneq nammini aalajangersagassatut siunnersuutigineqartumi § 349 a, imm. 1-imi periaatsini marlunni pisinnaavoq. Aalajangersakkami pineqartuq siulleq malillugu politiit nammineerlutik suliniuteqarnermikkut kimulluunniit inatsimmik unioqqutitsinissamut imaluunniit inatsimmik unioqqutitsinerup nangiinnarnissaanut *ikiuinissamut neqerooruteqarnerat* pineqarsinnaavoq. Suliniuteqarneq pasineqartumit namminermit aallarnerneqarpat, oqaaseqatigiinni pineqartumi siullermi sunniiniarneq pillugu oqaatsip imarisaata ataanut suliniuteqarneq pitissinnaanngilaa.

Pisut, tassani suliniuteqarneq pasineqartumit namminermit aallarnerneqarluni, aamma tamatuma malitsigisaanik politiit kialluunniit inatsimmik unioqqutitsinissaa imaluunniit inatsimmik unioqqutitsinerminik ingerlatsiinnarnissaa siunertaralugu *iliuusissanik aalajangiinerat*, aalajangersagassatut siunnersuutigineqartumi § 349 a, imm. 1-imi pineqartup aappaani kisianni ilaatinneqarput. Paarlattuanik oqaaseqatigiit oqaluutitaanni aaqqissuussaasumik aaqqissuisoqarsimanera aamma pisut nalaatsornerinnakkut pinngorsimannginnerat, aaqqissuinerlu taanna immikkut ittumik arlaata inatsimmik unioqqutitsinermik suliaqarnissaata siuarsarneqarnissaanik imaluunniit ingerlaannarnissaanik siunertaqarnera piumasaqaataavoq.

Politiit pissusilersuutaasa kinaassusersiunngitsumik tamatumunnga tunngatillugu taaguummi sunniiniarnermi politiit iliuusaat ilaatinneqassappata, pinerluttulerinermi inatsimmi § 13-imi peqataaneq pillugu malittarisassat ataaniitinneqartussaannerat § 349 a, imm. 1-imi oqaatsit atukkat anguniarpaat. Tamatuma saniatigut politiinit immikkut ittumik suliaqarnerup takutinneqarnissaa piumasaqaataavoq.

Sunniiniarneq aamma pisumi, inatsisitigut teorimi ima taaneqartartuq ”*concursum necessarius*”, pisuni ilaatinneqartuq isumaliutissiissutip quppernerani 159-imi aammattaaq takuneqarsinnaavoq, tamannalu pisuni pinerluttoqarnera pillaasoqarnissaalu pillugit inatsisini aalajangersakkani attuuttuni iliuutsip imaani inuit arlallit peqataasimanissaa piumasaqaataavoq (assersuutigalugu inatsisit unioqqutillugit pisinerit tunisinerillu pineqartillugit), kisianni taamaallaat akuusup aappaata (assersuutigalugu tunisisup) iliuusaa inatsisit malillugit pinerluutaalluni, aappaa (imaappoq pisisoq) inatsimmik unioqqutitsinermi ”*eqqugaasutut*” isigineqarsinnaalluni.

Qallunaat inatsisissatut siunnersuutaata suliarineqarneranut atatillugu, pisuni politiinit imaluunniit sunniiniartartumit immikkut ittumik

piareersarneqareersumi ilaappat, sunniiniarneq pillugu malittarisassat taakkunungalu piumasaqaatit ilaasut qulaani taaneqartutut taamaallaat atorneqartariaqartut, Inatsiseqarnermut ministereqarfik isumaqarpoq. Eqqarsaatigisassat assingi danskit inatsisissatut siunnersuutissap sananerani atuutilersinneqartut ministereqarfiup isumaa malillugu malittarisassat Kalaallit Nunaanni atorneqarnissaannut atuupput. Sunniiniarneq pillugu oqaatsit imarisai, pinerluttoqarsimanermik paasiniaanernut ilutsit, taamatut suliniuteqarnerunngitsut, assersuutigalugu inuup aalajangersimasup isertortumik malersorneqarnera, najugaqarfiit aalajangersimasut nakkutigineqarnerat aamma pasisanik misissuinermi ilutsit allat imaluunniit avatangiisit pinerluuteqartartut najuuffigisaasa »nakkutigineqarnerat« taamaammat avataaniitinneqartariaqarput.

Sunniinniarneq pillugu oqaatsit imarisai, inunnt, politiinik isumaqatigiissuteqarnerup kingorna, politiit paasissutissanik tuniniarlugit avatangiisit pinerluuteqartartut najuuffigisaanni attaveqarnerani, atuuttariaqanngilaq. Avatangiisini taakkunani tutsuiginarniassagami naak pineqartoq pinerluuteqarnermi peqataagaluartoq, tamanna aamma atuuppoq. Kisianni pineqartoq inatsisinik unioqqutitsinerpiami, pinerluttoqarsimaneranik paasiniaanermik tunngassuteqartumi, akuliuppat, iliuusaasinnaavoq appasinnerpaamik killiliussaqaqaangerlugu iliuusaasoq, aamma taamaammat malittarisassiornermi ilaatinneqartoq. Pinerluttoqarsimaneranik paasiniaaneq, inatsimmik unioqqutitsinerup, sunniiniarnermit sunniuteqarfigineqartup akornanni kinaassuseqartitsisoqarpat, inatsimmik unioqqutitsinermut tunngatillugu inatsisinik unioqqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliuutsinik aalajangiinissamik neqerooruteqartoqartarnera pillugu malittarisassat siunnersuutigineqartut taamaallaat atuummata, tassunga atatillugu maluginiarneqassaaq. Tamanna § 349 a, imm. 1-itut siunnersuutigineqartumi taaneqarpoq, tassa inatsimmik unioqqutitsisoqarsimaneranik paasiniaanermut atatillugu kialluunniit inatsimmik unioqqutitsinissaanut imaluunniit inatsimmik unioqqutitsinerata ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliuutsinik aalajangiinissamik neqerooruteqarneq malillugu inatsimmik unioqqutitsineq, inuup sunniiniartartup sunniuteqarfigisassaa, pinerluttoqarsimaneranik paasiniaanerup assigissagaa, takuuk isumaliutissiisummi qupperneq 160.

### *2.2.1.2. Paasissutissiisartut, tunniussinerit nakkutigisaasut il.il.*

Paasissutissiisartut sunniiniarneq pillugu oqaatsit imarisaanut aallaaviatigut ilaatinneqassanngillat. Inuk politiit avataaniittoq, systematiskiusumik annertussusilimmik politiit isumaqatigiissuteqarfialugit piffissap ilaani, inuit allat pinerluttuliornissamik pilersaaruteqarnerat imaluunniit pinerluttuliorsimanerat imaluunniit inuit allat, avatangiisit pinerluuteqartartut najuuffigisaat pillugit politiinut paasissutissanik tunniussisartooq, paasissutissiisartut paasineqassaaq. Paasissutissiisartooq politiit isumaqatigiissuteqarfialugit inatsimmik unioqqutitsinermi, pinerluttoqarsimaneranik paasiniaanermut tunngassuteqartumi, ilaappat, pineqartup sulinera kisianni sunniiniarnertut nalilerneqarsinnaavoq.

Tamatuma peqatigisaanik pisuni, kialluunniit imaluunniit sunaluunniit inatsimmik unioqqutitsinermik eqqugaanera politiit iliuuseqarnerisa kingunerippassuk (pisoq inuup uupakaatitsinikkut usserneqarneranik kingunilik), suliaasaqarfimmi malittarisassiuunneqartumi ilaatinneqannginnera inatsisissatut siunnersuutip kinguneraa, pissutigalugu inuk pineqartooq taamaallaat eqqugaasuummat, matumuuna pinerluttulerinermi inatsimmi peqataaneq pillugu § 13-imut ilaasumik suliniuteqanngimmat.

Tunniussinerni nakkutigineqartuni, politiinit iliuusissanik allanik aalajangiisooqartinnagu, kisianni ingerlatsinermik pilersaarutaareersumik nakkutilliineq pitillugu, sunniiniarneq pillugu malittarisassat aammattaq ilaatinneqartariaqanngillat. Tunniussineq nakkutigineqartooq ima paasineqassaaq, assersuutigalugu ikiaroonartumik annertuumik eqquusisoqarnissaa pillugu politiit ilisimasaqalerpata, kisianni assersuutigalugu nunap killeqarfiani akuliutinngippata, tassani tassunga taarsiullugu ikiaroonartup nunami assartorneqarnera malinnaavigigunikku, aamma piffissami naleqquttumi aatsaat akuleruppata, taamaalilluni uppersaasersuinermi suleqatigiit amerlanerpaartaat sapinngisamik eqqorneqarneqarsinnaaniassammata.

Kisianni iliuuserineqartup ingerlanerani politiit akuliuttariaqarnerat, allanit politiunngitsunit aalajangerneqartooq, pisarpoq. Tassunga atatillugu politiit iliuuseqarnissaat pisariaqartooq, pilersaarutigineqartumik iliuuseqarnerup ingerlanerani akuliunneq, politiit isumaqatigiissuteqarfialugit pisoq, inatsimmik unioqqutitsinermit tunngatillugu inatsisinik unioqqutitsineq pillugu pinerluttoqarsimaneranik paasiniaanermut atatillugu, kialluunniit inatsimmik unioqqutitsinissaanut imaluunniit inatsimmik unioqqutitsinerata

ingerlatiinnarnissaanut kajumissaarneqarnissaa siunertaralugu, ikiuinissamik imaluunniit iliutsinik aalajangiinissamik neqerooruteqartoqarnerani malittarisassanut ilaatinneqarnissaa tamatuma kingunerinngilaa.

Qallunaat inatsisissatut siunnersuutaata suliarineqarneranut atatillugu, politiit uppernarsaatinik qulakkeerinninnissaannut – assersuutigalugu elektroniskiusumik atortoqarluni allat oqaloqatigiinnerannik tusarnaarsinnaanerit – periarfissaannut pingaaruteqartoq, Inatsiseqarnermut ministereqarfik isumaqarpoq – assersuutigalugu aatsisoq paasineqarpat aamma tamatuma kingorna pilersaarutaareersumik isumaqatigiissutaasumillu angallassinini nangiinnassallugu akuersippat, politiit aatsisoq ikiortigalugu assersuutigalugu piffissamik aamma/imaluunniit tunniussinermit sumiiffinnik allanngortitsippata, allanngortitsinerli taanna sunniiniarneq pillugu malittarisassanut ilaasutut isigineqanngitsoq taamaammallu inatsisit unioqquutillugit sunniiniarneq pillugu malittarisassanik ilaanngitsutut isigineqartoq. Inatsisit unioqquutinneqarneranni pinerluttoqarsimaneranik paasiniaanermi uppernarsaatit qulakkeerneqarnissaannut eqqarsaatigisassat assingi atuuttut, ministereqarfik isumaqarpoq.

Pinerluttut paasineqarnissaat siunertaralugu, eqeersimaartumik pinerluttoqarsimaneranik paasiniaanermiinni politiit iserlutik pinerlunnermut tunngasunik ingerlatsinermit peqataanerat, qutsinnersaasumik killiliussap (imaappoq pinerluuteqarnermut, siunnersuummi § 349 b, imm. 1 malillugu pinerluutaasussaannikkaluamut, inuit sunniiniartartut atorneqarnissaannut inerteqquteqarnerup) qaangerneqarnissaanut aarlerinaateqaleriataarsinnaanera, taamaammat nangaanartoqartitsisinnaavoq. Qallunaat inatsisissatut siunnersuutaata suliarineqarneranut atatillugu, akuliunnerit annikinnerusut, ingerlatsinermit pilersaarutaareersumi politiit suliaat, taamatut nangaassuteqarnissamut pissutissaqartitsinngitsut, uani politiit taamaallaat allannguinermit annikinnerusunik, pinerluuteqarnerup ingerlaneranik sunniusunik, kisianni pinerluuteqarnerup annertussusaanik ingasassusaanilluunniit sunniuteqanngitsunik suliaqarnissaat piumasaqaataalluni, Inatsiseqarnermut ministereqarfik isumaqarpoq.

Taamatuttaaq Inatsiseqarnermit ministeriaqarfik isumaqarpoq Kalaallit Nunaanni politiit periarfissaqartinneqartariaqartut annikitsumik siumut

aaqqissuuteriikkamut allannguisinnaanissaminnut, sunniiniarneq pillugu malittarisassanik kalluinnngikkaluarlutik.

§ 349 a, imm. 2-mi, pineqartut siullertut siunnersuutaasut, iliuitsit, politiit matumuuna inatsisinik unioqqutitsinermi pissutsit pingaarutilimmik sunningpattigit, kikkulluunniit inatsisinik unioqqutitsinissaat imaluunniit inatsisinik unioqqutitsinerminnik ingerlatsiinnarnissaat siunertaralugu iliuitsit aalajangerneqartut, sunniiniarneq pillugu oqaatsit imarisaanni ilaatinneqassanngitsut, Inatsiseqarnermut ministereqarfiup tamanna tunngavigalugu siunnersuutigaa.

Pisuni, sunniiniarneq pillugu oqaatsit imarisaannit matumuuna mininneqartut, pisimasuupput aaqqissukkamut aaqqissuussaareersumut atatillugu, politiit kikkulluunniit inatsisinik unioqqutitsinissaat imaluunniit inatsisinik unioqqutitsinerminnik ingerlatsiinnarnissaat siunertaralugu iliuitsit aalajangiinerat (aalajangersagassatut siunnersuutigineqartumi sunniiniarneq pillugu oqaatsit imarisaat pillugit oqaaseqatigiinni pineqartup aappaa).

Pinerluuteqarnermik ingerlatsinermi sioqqutsilluni aaqqissuussaareersumi politiit annikinnerusumik akuliussinnaanerat, matumuuna sunniiniarneq pineqarani, § 349 a, imm. 2-mi pineqartut siulliattut aalajangersagassatut siunnersuutigineqartup siunertaraa. Taamaalilluni, sunniiniarneq pillugu malittarisassanit suliniutit ilaalersinnagit, assersuutigalugu ikiaroorartut nassiussorneqarnerisa naammassineqarnissaannut politiit killilimmik sunniisinnaanissaat periarfissaqassaaq. Siunnersuummi killiliussat malillugit nassiussukat atortussanik navianaateqanngitsunik politiit taarsersinnaalissavaat, aatsisoq hotel-imi inississinnaallugu, aatsisullu inunnik tunuliaqutaasunik assigisaannillu oqaloqatiginninnera elektroniskiusumik atortut atorlugit isertortumik tusarnaarsinnaalissallugit. Aatsisoq politiit kajumissaaruteqarneratigut aamma inuit tunuliaqutaasut peqatigalugit immikkuualuttut, pinerluuteqarnerup naammassineqarnissaanut immikkoortuni pingaanginnerusuni sunniisut pillugit, oqaloqatiginnissinnaavoq. Assersuutigalugu naapinnissamut piffissaliussat aamma naapiffissat sumiinnerisa allanngortinneqarnissaat kiisalu angallassinermi aqutit nutaat pillugit aatsisoq isumaqatigiissusiorsinnaassaaq, taamaalilluni inuit tunuliaqutaasut kinaassusersineqarnissaannut politiit periarfissaat pitsaanerulerniassammat.

§ 349, imm. 2-mi, pineqartut siullianni aalajangersagassatut siunnersuutigineqartup, uani sunniiniarneq matumuuna pineqarani,



taamaallaallu tassunga immikkut ittumik piumasagaatit naammassineqarsimappata suliarineqarsinnaasut, ingerlatsiner mi pilersaarutigineqareersumi allannguiner nik annikitsunik allannguiner issamik taamaallaat politiit periarfississavai. Kisianni pissutsit sunniiner neq pillugu malittarisassanik ilaatinneqartinnagit, iliuutsinik, nutaamik pinerluuteqarnermik suliniuteqarner issamik aallarniisitsisunik, assersuutigalugu aatsisoq aqutigalugu nutaamik ikiaroor nartumik nassussiner issamik isumaqatigiissuteqarneq, politiit suliaqarsinnaanngillat.

Aatsisup nammineerluni politiinut saaffiginninnera, imaluunniit pineqartup aqputaani paasineqarnera aamma inuit tunuliaqutaasut paasineqarner issaat siunertaralugu ingerlaannariarluni akuersissuteqarnera, siunnersuut malillugu apeqputaanngilaq.

Aalajangersagassatut siunnersuut malillugu, § 349 a-mi ilaatinneqartumi, iliuutsit politiini inuup sunniiner artartup suliniuteqarneranut atatillugu suliarineqarner issaat piumasagaataanngimmat maluginiarneqassaaq. Iliuutsit, inuunnaap politiit isumaqatigiissuteqarfigalugit suliarisaasa, pinerluttoqarnera pillaasoqarner issaalu pillugit inatsisini aalajangersakkat atuuttut malillugit iliuutsinut tulliummata, aamma pissutsinut taanna sioqqullugu pisunut politiinik isumaqatigiissuteqarnerup pineqaatissinneqannginnissaq kingunerinngimmagu tamatumunnga tunngaviuvoq. Aatsisoq pineqartoq, pinerluttoqarnera pillaasoqarner issaalu pillugit inatsisini aalajangersakkat atuuttut malillugit iliuutsiminut taamaalilluni pinerluttoqarnera pillaasoqarner issaalu pillugit inatsisini aalajangersakkat atuuttut malillugit malersorneqarsinnaavoq. Pissut, pinerlunnerup paasineqarnerani pineqartup politiinik ikiuisimanera, pineqaatissiinerup aalajangerneqarnerani taamaallaat pingaaruteqarsinnaavoq, kisianni, politiinik atassuteqarneq/isumaqatigiissuteqarneq sioqqullugu iliuuserineqartup pinerluttoqarnera pillaasoqarner issaalu pillugit inatsisini aalajangersakkat atuuttut malillugit malersorneqarsinnaanera pillugu apeqqummut attuumassuteqarani. Inuup inuunnaasup iliuusaasa tamarmik sunniiner neq pillugu malittarisassani ilaatinneqannginnissaasa siunnersuutigineqarnerannut tamanna tunngaviuvoq.

Sunniiner neq taamaalilluni pinerluttoqarsimaneranik paasiniaanermi iliuutsinut nalinginnaasunut illuatungiliullugu killilerneqarsinnaavoq (appasinnerpaamik killiliussa). Killiliussap alliusup aalajangersarneqarnera taamaalilluni pissutsinut, politiit sunniiner nerannut

atuuttunik immikkut ittumik piumasaqaatinik malittarisassanillu isiginiagaqarnissaannut pingaaruteqarpoq.

### ***2.2.2. Sunniiniarnerup aallartinneqarnissaanut piumasaqaatit***

Inatsiseqarnermut ministereqarfiup isumaa malillugu, qallunaat eqqartuussisarnermik inatsisaanni eqqaasassat qallunaat sunniiniarnerup aallartinneqarnissaanut piumasaqaatit aamma Kalaallit nunaannut atuutsinneqassapput.

Sunniiniarnerit suussusaasa ilaat tamakkiisumik inerteqqutaasariaqarmata tassunga ilaavoq (aalajangersimasumik qisuariatitsiniarnermik inerteqquteqarnermik taaneqartartoq – isumaliutissiissummi aamma qutsinnersaasumik killiliussatut taaneqartartoq). Apeqqummut tassunga immikkoortoq 2.2.4 ataaniittoq innersuussutigineqarpoq.

#### ***2.2.2.1. Pasitsaassineq pillugu piumasaqaat***

Killissianik atinerup aallartinneqarnissaanut pinngitsoornani naammassisassamik politit pasilluteqarnerisa sakkortussusaannut piumasaqaateqartariaqartoq, Inatsiseqarnermut ministereqarfiup siullertut siunnersuutigaa.

Qallunaat inatsisissaattut siunnersuutissap sananerani Inatsiseqarnermut ministeriaqarfiup isumaa malillugu piumasaqaataassaaq sunniiniarnerup aallartinneqarnissaanut pinerluuteqarneq pilersaq imaluunniit pinerluuteqarneq misilinneqarsimasoq pillugu tungavissalimmik pasitsaassisoqarnissaa. Qallunaat eqqartuussisarnermut inatsisaani piumasaqaataasut ministeriaqarfiup isumaa malillugu aamma Kalaallit Nunaannut atuutsinneqassapput. Pasitsaassineq pillugu piumasaqaat taanna tiggummigallagaaneq pillugu eqqartuussisarnermi inatsip § 359, imm. 1-imi aalajangersakkamut pasitsaassineq pillugu piumasaqaatip assigaa, kiisalu § 403, imm. 1 malillugu timip misissorneqarnerani, aamma § 434, imm. 2 malillugu pinerluuteqartutut ilimagineqartup assingata tamanut saqqummiunneqarnerani pasitsaassineq pillugu piumasaqaatit assigalugit. Pinerluttoqarsimaneranik paasiniaanerni iliuitsinut soorlu uppersaatissanik ujaasinerni (§ 410) aamma arsaarinninnerni (§ 418) pasitsaassineq pillugu piumasaqaatit sakkukinnerit atuupput (“naleqquttumik tungaveqarluni inatsimmik unioqqutitsisutut pasineqarneq”).

Politiit sunniiniarnermik aallartitsisinnagit, inatsimmik unioqutitsinerup ingerlanneqalernera imaluunniit misilinneqalernera pillugu tunngavilersukkamik pasitsaassisoqarnissaa taamaammat § 349 a, imm. 1, nr.-imi aalajangersagassatut siunnersuutigineqartup malitsigaa.

Politiit inunnik sunniiniartartunik atuinissaannut inatsimmik unioqutitsinerup ingerlanneqalernera imaluunniit misilinneqalernera pillugu aalajangersimasunik pissutissaqartutut isumaqarfigineqassasoq, pasitsaassineq pillugu piumasaqaatip taama oqaasertalerneqarnerata kinguneraa. Assersuutigalugu paasissutissiisumit inatsimmik unioqutitsinerup pilersaarusiorneqarneranik imaluunniit aallartinneqarneranik politiit paasissutissanik pissarsinerannik tunngaveqarsinnaavoq, tamannalu assersuutigalugu aaqqissuussaasumik pinerluttuliornermi amerlanertigut pisarpoq.

Pasitsaassineq – tigummigallagaaneq pillugu § 359-imisuunngitsoq – pisariaqartinneqartumik inummut aalajangersimasumut tunngatinneqartussaannngimmat, kisianni illuatungaani pissutsimut inatsimmik unioqutitsinerup pilernerani imaluunniit misilinneqarsimanerani tunngatinneqarmat maluginiarneqassaaq. Taamatut taasaqarnikkut aammattaaq pasitsaassineq pillugu piumasaqaatip aamma sunniiniarnermi qutsinnerpaamik killiliussaq pillugu § 349 b, imm. 1-itut aalajangersagassatut siunnersuutigineqartup akornanni ataqatigiinneq ersersinneqarpoq. Inatsimmik unioqutitsinerup ingerlanerani imaluunniit misilinneqarfiani pasitsaassineq taamaallaat tunngassuteqarpat, politiit inummik sunniiniartartumik atorneqarnissaanut aallartitsisinnaanerata akuerisaavoq. Illuatungaani misiliilluni iliuitsit aallartinneqarsimanerata pillugu isumaqartoqanngippat, inatsisip unioqutinneqarumaarnerata pasitsaanneqarnera naammangilaq.

#### ***2.2.2.2. Ilisarnaatit pillugit piumasaqaat***

Aammattaaq politiit inunnik sunniiniartartunik atuinissannut piumasaqaataasutut, pasitsaassineq pillugu piumasaqaatip saniatigut, ilisarnaatit pillugit piumasaqaateqartoqarnissaa Inatsisinik ministereqarfiup siunnersuutigaa. Pinerluttoqarsimanerani paasiniaanermi iliuseq taanna pinerluttoqarsimanerani paasiniaanermut pingaarutilimmik kinguneqartussatut isumaqartoqartillugu, sunniiniarneq § 349 a, imm. 1, nr. 2-mi siunnersuutigineqartup taamaallaat pitissinnaagaa taamaammat tamatuma malitsigaa. Taamaalilluni eqqartuussisarnermik inatsimmi paasissutissat isertuuneqarnissaannut akuliunneq pillugu § 384, imm. 1, nr.

2-tut siunnersuutigineqartumi ilisarnaatit pillugit piumasagaat pillugu oqaasertalersuineq piumasagaatip assigaa.

Qallunaat inatsisissatut siunnersuutaata suliarineqarneranut atatillugu, inuit sunniiniartartut pisuni, pinerluttoqarsimaneranik paasiniaanermut periarfissat allat takuneqarsinnaatillugit, kisianni periarfissat taakku assersuutigalugu nalorninaateqarpata, pinerluttoqarsimaneranik paasiniaanerup ingerlaqqinnissaanut aseruinnissamik aarlerinaateqarpata imaluunniit allanut naleqqiullugu isumalluutininik annertuumik piumasagarfiuppata, atorneqarsinnaanissaat Inatsiseqarnermut ministereqarfiup nalilerpaa. Malittarisassat Kalaallit Nunaanni atuunnissaannut eqqarsaatigisassat assingi aamma atuuttut ministeriaqarfimmit isummerfigineqarpoq.

### *2.2.2.3. Pinerluttuliorneq pillugu piumasagaat*

Sunniiniarneq pinerluttoqarsimaneranik paasiniaanermi iliuusiuvoq annertoq – qallunaat inatsisissatut siunnersuutaanni pinerluttuliorneq pillugu piumasagaat aalajangersarneqartariaqartoq Inatsiseqarnermut ministereqarfik isumaqarpoq, taamaalluni sunniiniarneq aallaavimmigut pinerluttuliornermi ilungersunarnerpaani taamaallaat atorneqarsinnaassalluni. Ministeriaqarfiup isumaa malillugu tamanna aamma kalaallit Nunaannut atuutissaaq. Politiit inummik sunniiniartartumik atuisinnaanissaannut piumasagaataasutut, pasitsaassineq pillugu- aamma ilisarnaatit pillugit piumasagaatit saniatigut, pinerluttuliorneq pillugu piumasagaat piumasagaateqartariaqartoq, Inatsiseqarnermut ministereqarfiup taamaammat siunnersuutigaa.

Sunniiniarneq taamaallaat pinerluttoqarsimanerani paasiniaaneq immikkut ittumik sakkortuumik inatsimmik unioqqutitsinermik tunngaveqarpat, aatsaat akuersissutigineqarsinnaasoq, *imaluunniit* pinerluttulerinermi inatsimmi § 85, imm. 1-imik imaluunniit 2-mik (meeqqanik kanngunartuliorneq pillugu siaruarterineq imaluunniit piginninneq), § 104 (peqquserlunneq), § 105 (paasissutissat pillugit peqquserlunneq), § 108 (pinngitsaaliilluni iliuuseqartitsineq), § 111, imm 1 (tillitanik niuerneq), imaluunniit § 111 a (aningaasatigut peqquserluutininik malunnarunnaarsaaneq), inatsisinillu unioqqutitsineq internetti atorlugu unioqqutitsinerutillugu, Ikiaroomartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqqutitsinermik tunngassuteqarpat, akuersissutigineqarsinnaasoq, § 349 a, imm. 1, nr. 3-mi siunnersuutigineqartukkut siunnersuutigineqarpoq.

“Immikkut ittumik sakkortuumik inatsimmik unioqqutitsinermik” pisoqarsimanissaanik aalajangersakkami pineqartumi siullermi piunasaqaammut tunngatillugu, qallunaat malittarisassaanni assingusuni (qallunaat eqqartuussisarnermik inatsisaanni § 754 a, imm. 1, nr. 3, pineqartut siullianni) ukiuni 6-linni imaluunniit taakku qaangerlugit parnaarussaansamik piunasaqaateqarmat maluginiarneqassaaq. Qallunaat eqqartuussisarnermik inatsisaanni pillaanissaq pillugu eqqqartuussisutigoortitsisoqartillugu aalajangersakkat allat pillugit akuliunnerit, pinerluuteqarsimanerup kingunerisaanik minnerpaamik ukiuni 6-linni parnaarussaansamik killiliussamik imaqartuni, kalaallit eqqartuussisarnermik inatsisaanni pinerluuteqarsimanerup kingunerisaanik pineqaatissiinissaq pillugu aalajangersakkanik assigisaanik peqarpoq, tamatumalu kingorna immikkut ittumik sakkortuumik inatsimmik unioqqutitsineq pineqassaaq. Folketingstidende 2007-08, ilanngussaq A, qupperneq 1341 siumullu malillugit, Kalaallit Nunaanni eqqartuussisarnermik inatsimmi nr. 305-imi, 30. april 2008-imeersumi nalinginnaasumik oqaaseqaatit malillugit “Immikkut ittumik sakkortuumik” inatsimmik unioqqutitsineq, malittarisassaq pingaarneq malillugu inatsimmik unioqqutitsinertut, piunasaqaatitaqanngitsumik inissiisarfimmi inissiinermik, sivisuumik sivisussusilimmik eqqartuussisoqarnissaanik piviusumik ilimasuttoqarneranik paasisariaqarpoq.

Pinerluutit ilusaasa ilaat, internetti atorlugu pinerluutigineqartut, pillugit aappaattut pineqartumi piunasaqaammut tunngatillugu internettip ineriartornerata siammaassimaneratalu politiit arlalinnik unammilligassaqalerannik kinguneqarsimavoq. Tamanna ingammik pinerluutit ilusaasa ilaasa pinerluttoqarsimaneranik paasiniaaffigineqarneranni atuuppoq, tassani internetti pinerluttut akornanni atassuteqaatit atorneqartarluni. Amerlanertigut pinerluttut Facebook-imi imaluunniit internettikku oqallifinni allani ilisarititsissutit ilumuunngitsut atortarpaat, soorlu aamma internetti taartut taaneqartartup (dark web)-ip pinerluttuliortut nassarinissaannut politiit ajornakusoortilertarai.

Internettimi pinerluttoqarsimaneranik politiit paasiniaanannut atatillugu inunnik sunniiniartartunik atuisinnaanerup, internettimi pinerluttuliortarnerup eqeersimaarnerusumik akiorneqarsinnaaneranut ilapittuutaasinnaanera nalilerneqarpoq.

Pinerluttuliornerit internettikku pinerluutigineqartartut eqeersimaarnerusumik akiorneqarniarneranni tillitat tuniniakkat, ikiaroorartut kiisalu inatsisit unioqqutillugit sakkuutit qaartartullu

kaaviaartinneqarnerisa annertussusaasa killilerneqarnissaat taamatuttaaq siunertaraa.

Pinerluttuliornermi ilutsit arlallit, ullumikkut internettikkut pinerluutigineqartartut Rigspolitiit sunaassusersisimavaat, aamma pinerluttoqarsimaneranik paasiniaanermi malittarisassat ullumikkut atuuttut killissarititaasa iluanni politiinit pinerluttoqarsimaneranik paasiniaaffigissallugit ilisaqqunnartumik ajornakusoortut. Pinerluutit taakku ilusaannut ataatsimoorussaavoq ingammik taakku, immikkut ittumik sakkortuumik aamma ilungersunartumik pinerluutit pineqartinnagit, aallaaviatigut sakkortuumik inatsisinik unioqquitsinertut pissuseqartutut taaneqarsinnaannginneri, taamaalillutillu pinerluttoqarsimaneranik paasiniaanerup immikkut ittumik sakkortuumik inatsimmik unioqquitsinermik tunngassuteqartuunissaa pillugu aalajangersagassat siunnersuutigineqartutut § 349 a, imm. 1, nr. 3-mi pineqartup siulliup avataanut pjarlutik. Uani meeqqanik kanngunartuliornermik siaruarterineq imaluunniit piginnineq, kiisalu tillitanik, ikiaroorartunik, sakkunik qaartartunillu internettikkut tuniniaaneq pineqarput.

Internettikkut inatsisinik unioqquitsinerit sunniiniarneq pillugu suliaasaqarfimmut ilaatinneqalernerisigut unammilligassat taakku akiorniarneqarsinnaasut Rigpolitiit nalilerpaat.

Internetti atorlugu peqquserlunneq, paasissutissat pillugit peqquserlunneq, aamma aningaasatigut peqquserluutinik malunnarunnaarsaaneq pinngitsaaliillunilu iliuuseqartitsineq pineqartillugit, pinerluuteqarnerit maannakkut ingerlanneqartut unitsinneqarnissaannut tunngatillugu, sunniiniarneq pillugu malittarisassat aamma pinerluutsit ilusaannut taakkununga tunngatillugu iluaqutaasumik sakkutut atorneqarsinnaanerit nalilerneqarpoq.

Qallunaat inatsisissatut siunnersuutaata suliarineqarneranut atatillugu, Inatsiseqarnermut ministereqarfiup isumaa malillugu, politiit pinerluttoqarsimaneranik paasiniaaneranni inuit sunniiniartartut atorneqarnerat pillugu pissutsit arlallit eqqumaffiginiarneqartariaqarput. Ilaatigut politiit innarligassaannginnerat, politiit pinerluuteqarnerup ingerlanneqarnerani eqeersimaartumik ilanngunnerannut peqataaneranullu nalinginnaasumik atasusserneqarmat, aamma inatsimmik unioqquitsinerup annertussusaata imaluunniit sakkortussusaata politiinit sunnerneqarsinnaanerannut piviusumik aarlerinaateqarnera uani pineqarsimapput. Ministereqarfiup isumaa malillugu malittarisassat

Kalaallit Nunaanni atuunnissaannut eqqarsaatigisassat assingi aamma atuupput.

Illuatungaani pinerluttuliorlut “internettip iluani toqqoqqasinnaajunnaarnissaat” qulakkeerneqassaaq. Taamaalilluni internettikkut inatsisit unioqquutillugit isertuannngitsumik suliniuteqartoqarpat, politiillu tamassuma iliuseqarfiginissaanut sunniuteqarluartunik sakkusaqanngippata, inuiaqatigiinni innuttaasut inatsisitigut naapertuilluartoqarneranik misigisimanerannut nalinginnaasumut innarliinerussaaq.

Inuit avatangiisini aqqissugaasumik pinerluttuliorfiusuni pinerluttulerinernut taama ilusilinnut annertuumik tunuliaqutaasarnerat, tillitanik, ikiaroonartunik, sakkunik qaartartunillu internettikkut tuniniaanermi ataatsimoorunneqarpoq, aamma pinerluuteqarnerit taama ilusillit suliarineqartarnerannut internetti pingaarutilimmik periarfissiivoq. Taamaalilluni pinerluttuliornerit taama ilusillit aqqissugaasumik pinerluttuliorlut isertittagaasa tunngaviinut pingaarutilimmik ilaapput.

Tamanna tunngavigalugu suliani meeqqanik kanngunartuliorneq pillugu siaruarternermut imaluunniit piginninnermut, peqquserluuteqarnerut, paasissutissat pillugit peqquserluuteqarnerut, pinngitsaaliilluni iliuseqartitsinernut aamma aningaasatigut peqquserluutinik malunnarunnaarsaanernut kiisalu tillitanik, ikiaroonartunik, sakkunik qaartartunillu internettikkut tuniniaanernut sunniinarneq pillugu malittarisassat – Danmarkimisulli – aamma atuutsinneqarnissaat, Inatsiseqarnermut ministereqarfik isumaqarpoq.

Pinerluutit ilaannut amerlasuunut internettip siaruarteriffittut atornerqarnerani unammilligassat eqqartuussisarnermik inatsimmi § 349 a, imm. 1, nr. 3-mi pineqartup aappaattut aalajangersagassatut siunnersuutigineqartup saaffigissavai. Internettikkut pinerluuteqarnerit meeqqanik kanngunartuliornerup siaruarterneqarneratut imaluunniit pigineqarneratut, peqquserluuteqarnerut, paasissutissat pillugit peqquserluuteqarnerut, pinngitsaaliilluni iliuseqartitsinertut aamma aningaasatigut peqquserluutinik malunnarunnaarsaanertut kiisalu tillitanik, ikiaroonartunik, sakkunik qaartartunillu internettikkut tuniniaanertut ilusillit, inatsisitigut naapertuilluartoqarneranik misigisimanermik naammattumik innarliinertut taasariaqarput, taamaalilluni pinerluttuliornerit ilusaat taakku sunniinarneq pillugu malittarisassanut ilaatinneqarnissaminnut naleqqullutik.

Meeqqanik kanngunartuliornernik siaruarterinerit imaluunniit pigisaqarnerit pineqartillugit, uani pineqarput atortussanik siaruarterineq aamma pigisaqarneq, taakkulu amerlanertigut meeqqanik sakkortuumik kinguaassiutitigut pinerluuteqarnernik aallaaveqartarput. Meeqqanik kanngunartuliornernik siaruarterinerit imaluunniit pigisaqarnerit pillugit pinerluttoqarsimaneranik paasiniaanernut eqqartuussisutigoortitsinernut suliarinnissinnaanerit patajaannerusut taamaammatt atortut taakku piumaneqarnerinut, taamaalillunilu aamma timikkut innarliinernut, ilaatigut meeqqanik kanngunartuliornernik immiussinissaq siammarterinissarlu siunertaralugu iliuserineqartunut, killiliinermik sunniuteqarsinnaavoq.

Taamatuttaaq pinerluuteqarnerit, immikkut ittumik inunnt qajannartunut sammitinneqartut uani pineqarput. Meeqqat inerisimannginnermik malitsigisaanik – inuttut allatulli – pinerluuteqarfigineqarnissaminnt imminnut illersorsinnaanngillat, taamaammallu meeqqat inuttut innarligassaannginnerannut tunngatillugu sakkortuumik illersuinissamut tunngassuteqartut eqqarsaatigisariaqarput.

Aalajangersakkanut inatsisinullu taaneqartunut, eqqartuussisarnermik inatsimmi § 349 a, imm. 1-imi nr. 3-mi pineqartut aappaattut siunnersuutigineqartumi taamaalilluni ataatsimooruffiuvoq, taakku ingasattumik inatsimmik unioqqutitsisimanissaq pillugu pineqartumi siullermi pinerluuteqarsimanissamik piumasagaammi siunnersuutigineqartumi ilaanissaat pisariaqanngimmat.

Inatsisissatut siunnersuummi matumani, uani computeri, oqarasuaat angallattaq imaluunnit elektroniskiusumik attaveqatigiinnermut atortut allat atorlugit attaveqatigiinnerit pinerat apeqqutaatinnagu, internetti ima paasineqassaaq, paasissutissanik tunngavilimmik attaveqatigiinneq.

Politiit pasineqartullu akornanni aallaqqaataasumik attaveqarneq internetti atorlugu pisimappat, politiit pasineqartullu akornanni ingerlanerup tamarmiusup nalaani attaveqatigiinneq tamarmi internetti atorlugu pinissaa piumasagaataanngimmat, politiit sunniiniarnerannut atatillugu maluginiarneqassaaq.

Inatsimmi aalajangersakkat inatsisillu, § 349 a, imm. 1, nr. 3-mi ilaatinneqartussatut siunnersuutigineqartut, tulliuttuni erseqqinnerusumik allaaserineqarput.



### 2.2.2.3.1. Meeqqanik kanngunartuliorneq

Aaqqissuussineq sunnersuutigineqartoq malillugu, inatsisinik unioqquitsineq internetti atorlugu pisimappat, suliani meeqqanik kanngunartuliornernik siammarterineq pigisaqarnerlu pillugit pinerluttulerinermi inatsimmi § 85, imm. 1-imik imaluunniit 2-mik unioqquitsinerit pillugit pinerluttoqarsimaneranik paasiniaanermi politiit sunniinarsinnaapput.

Eqqartuussisarnermik inatsimmi § 349 a, imm. 1, nr. 3-tut aalajangersagassatut siunnersuutigineqartumi pinerluttulerinermi inatsimmi § 85, imm. 1-imut innersuussinikkut, taamaalilluni pisut tassani inatsimmik unioqquitsinerit, immikkut ittumik sakkortuumik inatsimmik unioqquitsinerunngitsut taamaallaat eqqorniarnearput, tassami immikkut ittumik sakkortuumik inatsisinik unioqquitsinerit aalajangersakkami pineqartumi siullermi ilaatinneqartussaammata.

Assersuutigalugu pinerluuteqartut internetikkut oqaloqatigineqarnissaat siunertaralugu, meeqqanik kanngunartuliornernik siammarterineq pigisaqarnerlu pillugit pinerluttoqarsimaneranik paasiniaanermi politiit inunnik sunniiniartartunik atuisinnaanerisa periarfissinneqarnissaa, pinerluttulerinermi inatsimmi § 85, imm. 1-imut aamma 2-mut innersuussinermi siunertarineqarpoq.

Tassani sunniiniartarneq pillugu malittarisassat aamma suliani meeqqanik kanngunartuliornernik tunngassuteqartuni, suliani inuup sunniiniartartup oqaloqatiginnissinnaanissaminut atortussanik paarlaasseqatigiinnissamik piunasaqaatinik piunasaqaateqarfigineqannginnerani, pinerluttoqarsimaneranik paasiniaanerni aaqqissuussineq siunnersuutigineqartoq annertuumik kivitsissasoq nalilerneqarpoq, pissutigalugu tamanna pinerluttuliortut kikkuunerisa sukkanerusumik paasineqarnissaannut peqataasinnaammata, taamaalillunilu innarliinerit amerlanerusut pinngitsoortinneqarsinnaammata imaluunniit paasineqarsinnaammata.

Aaqqissuusinissatut siunnersuutigineqartukkut inuit sunniiniartartut atorlugit meeqqanik kanngunartuliornernik paarlaasseqatigiissinnaanerit imaluunniit allatigut ingerlatitseqqissinnaanerit politiit periarfissaassanngilaq. Politiit meeqqap innarlerneqarneranut imaluunniit suli innarleqqinneqarneranut peqataanissamut navialineqassannginnerat, kiisalu taamaattunik meeqqanik kanngunartuliornernik ingerlatitseqqittoqassappat ingerlatitseqqinneq politiit

nakkutigisinnaanaviangimmassuk tassunga pissutaavoq. Aammattaaq taamaallit politik politit pisuni, pasineqartup politiinit inummik taassuminnga qanorluunniit oqaloqatiginnissamut tamanna piumasaqaatigippagu, meeqqanik kanngunartuliornernik politiit ingerlatitseqqissinnaangillat.

#### *2.2.2.3.2 Peqquserlunneq, paasissutissat pillugit peqquserlunneq, aamma aningaasatigut peqquserluutunik malunnarunnaarsaaneq*

Aaqqissuussineq siunnersuutigineqartoq malillugu, unioqqutitsinerit taakku internetti atorlugu pinerluutigineqarsimappata, pinerluttulerinermi inatsimmi peqquserlunneq (§ 104), paasissutissat pillugit peqquserlunneq (§ 105), pinngitsaaliilluni iliuuseqartitsineq (§ 108), aamma aningaasatigut peqquserluutunik malunnarunnaarsaaneq (§ 111 a), pillugit pinerluttoqarsimaneranik paasiniaanermut atatillugu inunnik sunniiniartartunik politiit atuinissaminut periarfissaqalissapput.

Pisuni peqquserlunnerit, paasissutissat pillugit peqquserlunnerit, pinngitsaaliilluni iliuuseqartitsinerit, aamma aningaasatigut peqquserluutunik malunnarunnaarsaaneq, immikkut ittumik sakkortuutut taaneqarsinnaangitsut aaqqissuussinermi siunnersuutigineqartumi taamaallaat ilaatinneqarput. Assersuutigalugu taakku internetti atorlugu unioqqutitsinerit suliarineqarpata, tassaasinnaapput suliat internetikkut niuernermit peqquserluuteqarnernut imaluunniit aningaasatigut peqquserluutunik malunnarunnaarsaaneq tunngassuteqartut, taakkulu assersuutigalugu Kalaallit Nunaanni ikiaroorartunik tuniniaanernit pisinnaapput. Unioqqutitsinerit immikkut ittumik sakkortuutut taaneqarsinnaappata, taakku immikkut ittumik sakkortuumik inatsimmik unioqqutitsineq pillugu pinerluttoqarsimaneranik paasiniaaneq pillugu aalajangersagassatut siunnersuutigineqartumi § 349 a, imm. 1, nr. 3-mi siullertut pineqartumi ilaatinneqassapput.

#### *2.2.2.3.3. Tillitanik niueruteqarneq*

Inatsimmik unioqqutitsineq internetti atorlugu suliarineqarsimappat, aaqqissuussineq siunnersuutigineqartoq malillugu aammattaaq politiit suliani tillitanik niuerneq pillugu pinerluttulerinermi inatsimmi § 111, imm. 1-ip unioqqutitneqarsimanera pillugu pinerluttoqarsimaneranik paasiniaanermi sunniiniarnermik atuisinnaassapput.

Taamaallaat tillitanik niuernerit, ingasattumik inatsisinik unioqqutitsinerit taaneqarsinnaangitsut, aaqqissuussinermi siunnersuutigineqartumi ilaatinneqarput. Unioqqutitsinerit immikkut inatsisinik unioqqutitsinerit ittumik ingasattutut taaneqarsinnaappata, taakku § 349 a, imm. 1, nr. 3-mi

pineqartut siullertut aalajangersagassatut siunnersuutigineqartumi ilaatinneqartussaassapput.

Inatsisinik unioqquitsinernut annikitsuinnarnut aaqqissuussinerup siunnersuutigineqartup atorneqannginnissaa naatsorsuutigineqarpoq, tassani tuniniaaneq tillitanik aningaasanik nalikitsuinnarnik tunngassuteqarpat. Pisuni taamaattuni politiit aaqqissuussinermi siunnersuutigineqartumi sunniiniarneq pillugu malittarisassat atorsinnaanaviangilaat.

Aammattaaq pisinerup piviusumik tillinniarnernik nutaanik imissutaannginnissaa politiit qulakkiissavaat. Tamanna assersuutigalugu, politiit nioqquutissap tuniniarneqartup pisiarinera sioqqullugu tillitanik tuniniaasumut nioqquutissap ingerlaannarluni tunniunneqarnissaa, imaluunniit tuniniaasup ilassutitut nioqquutissap assiinik, politiinit erseqqinnerusumik ilitsersorneqarluni nassiussinissaanik piunasaqaateqarnikkut tamanna qulakkeerneqarsinnaavoq.

Tillitanik tuniniaaneq pillugu suliat pinerluttoqarsimaneranik paasiniaaffigineqarnerannut tunngatillugu qaqugukkut – nalinginnaasumik piunasaqaatit naammassineqarsimappata – pisumi, politiit inuup assersuutigalugu tillinniaq sinnerlugu internettikkut nioqquutissanik tuniniaanerata pasitsaanneqarnerani politiit sunniiniarneq pillugu malittarisassanik atuisinnaanerannut assersuutaavoq.

Tamanna ilaatigut internettikkut oqallittarfinni politiit pisiniap nioqquutissiamik tillitamik pisinissamik kissaateqarnera pillugu tillitanik tuniniaasup isumaqatigiissuteqarfiginissaa siunertaralugu, eqqunngitsumik ilisarititsissut ikiortigalugu tillitanik tuniniaasutut pasineqartup sunniivigeqatigineqarnerani sunniiniarneq politiinit naleqquttuusinnaavoq. Taamatut eqeersimaartumik pinerluttoqarsimanermik paasiniaaneq, politiit sunniiniarneq pillugu malittarisassanik atuinissaannut piunasaqaataassaaq, tassami politiinit tamanna suleqataanermik iliuutsit oqaatigineqarsinnaammat. Tassunga atatillugu assingusumik pisoq innersuussutigineqarsinnaavoq, soorlu Østre Landsret-ip eqqartuussutaani 14. marts 2012-imeersumi takuneqarsinnaasoq, taannalu Ugeskrift for Retsvæsen-imi 2012-imeersumi qupperneq 2225 quppernenu tulliuuttuni naqinneqarsimavoq.

Illuatungaani pisuni politiit pinerluttoqarsimaneranik paasiniaanermut tunngatillugu iliuutsinik iliuuseqarneranni, tassani kinaluunniit inatsimmik

aalajangersimasumik unioqquitsinissaa imaluunniit inatsimmik unioqquitsinerminik ingerlatiinnartitsinissaa siunertaralugu ikiuinissamik neqerooruteqartoqartinnagit imaluunniit iliuusissanik aalajangiisimatinnagit, sunniiniarneq pineqassanngilaq. Tamanna soorlu maannakkut taamaattoqartartoq, assersuutigalugu inatsimmik unioqquitsineq piffissami politiit pinerluttoqarsimaneranik paasiniaanerat naammassereerneqarnerani pisimassaaq.

Internettikkut tillitanik tuniniaanermut tunngatillugu, iliuitsit politiit iliuuserisaasa inatsimmik unioqquitsinerminik pissutsit pingaarutillit sunningippatigit, imaluunniit kajumissaarineq taamaattoq taamaallaat pisinnaatitaaffinnik, atortunik tigussaasunik imaluunniit atortussanik allanik, erseqqinnerusumik annertussusilinnik internettikkut tuniniarneqartunik politiit pissarsineranni, inatsisissatut siunnersuummi nalinginnaasumik oqaaseqaatini imm. 2.2.3 malillugu eqqartuussisarnermi inatsimmi § 349 a, imm. 2-tut aalajangersagassatut siunnersuutigineqartumi immikkut aalajangersakkat iluanni ilaanngitsunut, aaqqissuussinerup siunnersuutigineqartup atorneqarnissaa eqqarsaatigineqarpoq.

#### *2.2.2.3.4 Ikiaroorartut*

Inatsimmik unioqquitsineq internetti atorlugu pisimappat, suliani Ikiaroorartut pillugit Inatsisartut inatsisaata unioqquatinneqarneranik pinerluttoqarsimaneranik paasiniaanermi aaqqissuussineq siunnersuutigineqartoq malillugu politiit sunniiniarnermik atuisinnaassapput.

Ikiaroorartut pillugit Inatsisartut inatsisaanni § 5 malillugu § 2, imm. 4-imi inerteqquteqarnermik unioqquitsineq pinerluttulerinerminik inatsit malillugu pineqaatissiinermik aamma inatsisitigut kinguneqartitsinerminik allanik kinguneqarsinnaavoq. Tassani ikiaroorartunik § 1 malillugu inerteqquteqarnermi, eqqussineq- avammut tunisineq, tuniniaaneq, pisineq, tunniussineq, tigusineq, sananeq, suliarinninneq aamma pigisaqarneq, ilaatinneqarput.

Internettikkut ikiaroorartunik tuniniaaneq pillugu suliani, inatsisissatut siunnersuummi nalinginnaasumik oqaaseqaatini imm. 2.2.3 malillugu eqqartuussisarnermi inatsimmi § 349 a, imm. 2-tut aalajangersagassatut siunnersuutigineqartumi immikkut aalajangersakkat iluanni ilaanngitsunut, aaqqissuussinerup siunnersuutigineqartup atorneqarnissaa eqqarsaatigineqarpoq.

Inatsisinik unioqutitsinernut annikitsuinnarnut aaqqissuussinerup siunnersuutigineqartup atorneqanginnissaa naatsorsuutigineqarpoq. Pisuni taamaattuni politiit aaqqissuussinermi siunnersuutigineqartumi sunniinarneq pillugu malittarisassat atorsinnaanaviangilaat.

Unioqutitsinerup piviusup suliap annikitsuinnartut nalilerneqarnissaanut killissarititaasup iluaniinnera pillugu naliliinermi, politii inatsimmik unioqutitsinerup annertussusaa navianaateqassusaalu ilaatigut pingaartissinnaavaat.

Ikiaroorartut pillugit pinerluttuliornerit immikkut ittumik sakkortussusillit § 349 a, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassammata maluginiarneqassaaq, taamaalillunilu pisut taamaattut sunniinarneq pillugu malittarisassani ilaatinneqariissapput.

#### *2.2.2.3.5 Sakkut qaartartullu*

Inatsimmik unioqutitsineq internetti atorlugu pisimappat, aaqqissuussineq siunnersuutigineqartoq malillugu Sakkut pillugit Kalaallit Nunaannut inatsisip unioqutinneqarnera pillugu suliani politiit sunniinarsinnaapput.

Rigspolitiininngaanniit paasissutissat malillugit Kalaallit Nunaanni internetti atorlugu inatsisit unioqutillugit sakkunik niueruteqarneq pisarpoq, tassanilu ingammik sakkut eqittaannartakkat, inatsisit malillugit Kalaallit Nunaanni inuussutissarsiutigalugu piniartunit taamaallaat pissarsiarineqarsinnaasut aamma pigineqarsinnaasut pineqarput.

Inatsimmi aalajangersakkat arlallit kiisalu inatsisip malitsigisaanik najoqutassiat unioqutinneqarneranni pinerluttulerinermi inatsit malillugu pineqaatissiiisoqarsinnaasoq, Sakkut pillugit Kalaallit Nunaannut inatsimmi § 13, imm. 1-ip malitsigaa. Tassani politiinit akuersissummik peqqaarani eqqunneqarsinnaannginnerat, sananeqarsinnaannginnerat, pissarsinerineqarsinnaannginnerat, pigisaqarnerineqarsinnaannginnerat, sakkut, imassat aamma qaartartut ilaasa, tigummineqarsinnaanerat imaluunniit atorneqarnerat ilaatinneqarput.

Internettikkut inatsisit unioqutillugit sakkunik qaartartunillu tuniniaanermi, inatsisissatut siunnersuummi nalinginnaasumik oqaaseqaatini imm. 2.2.3 malillugu eqqartuussisarnermi inatsimmi § 349 a, imm. 2-tut immikkut aalajangersakkat iluanni ilaangitsunut,

aaqqissuussinerup siunnersuutigineqartup atorneqarnissaa  
eqqarsaatigineqarpoq.

Inatsisinik unioqquitsinernut annikitsuinnarnut aaqqissuussinerup  
siunnersuutigineqartup atorneqannginnissaa naatsorsuutigineqarpoq.  
Pisuni taamaattuni politiit aaqqissuussinermi siunnersuutigineqartumi  
sunniiniarneq pillugu malittarisassat atorsinnaanaviangilaat.

Unioqquitsinerup piviusup suliap annikitsuinnartut nalilerneqarnissaanut  
killissarititaasup iluaniinnera pillugu naliliinermi, politii inatsimmik  
unioqquitsinerup annertussusaa navianaateqassusaalu ilaatigut  
pingaartissinnaavaat.

Sakkut pillugit Kalaallit Nunaannut inatsimmik immikkut ittumik  
sakkortuumik unioqquitsinerit § 349 a, imm. 1, nr. 3-tut  
aalajangersagassatut siunnersuutigineqartumi pineqartumi siullermi  
ilaatinneqassapput, aamma pisut taamaattut taamaalillutik sunniiniarneq  
pillugu malittarisassani ilaatinneqariissapput.

### ***2.2.3. Erseqqinnerusumik annertussusilinnik pisinnaatitaaffinnik, pigisanik tigussaasunik imaluunniit atortunik allanik internetikkut tuniniarneqartunik politiit pissarsinerat***

Pisuni isertuannngitsumik inatsisit unioqquutillugit internetikkut  
suliniuteqartoqartillugu, pinerluuteqartup kinaassusaata paasineqarnissaa  
siunertaralugu sukkasuumik sunniuteqarluartumillu qisuariarnissaminnut  
politiit periarfissaqassapput. Ilaatigut tillitanik, ikiaroorntunik, sakkunik  
aamma qaartartunik inatsisit unioqquutillugit tuniniaanerit  
pineqarsinnaapput, kisianni aamma inatsisit unioqquutillugit  
suliniuteqarnerit arlallit aamma pineqarsinnaallutik.

Pisuni internetikkut inatsisit unioqquutillugit isertuannngitsumik  
suliniuteqartoqarnerani, matumani inatsisit unioqquutillugit tuniniaanerit  
ilanngullugit, sukkasuumik qisuariaateqarsinnaanissamut aamma  
pissarsinissamut politiit periarfissinneqarpata, politiinut tamanna  
sunniuteqarluartumik pinerluttoqarsimaneranik paasiniaanermi  
sakkussaasoq, qallunaat inatsisissaattut siunnersuutip suliarineqarneranut  
atatillugu Inatsiseqarnermut ministereqarfik isumaqarpoq.  
Ministereqarfiup isumaa malillugu tamanna aamma Kalaallit Nunaannut  
atuuppoq.

Kajumissaarineq taamaattoq pisinnaatitaaffinnik, atortussanik tigussaasunik imaluunniit atortussanik allanik, erseqqinnerusumik annertussusilinnik internettikkut tuniniarneqartunik politiit taamaallaat pissarsippata, kialluunniit inatsimmik unioqqutitsinissaanut imaluunniit ingerlatitsiinnarnissaanut kajumissaarneqarnissaa siunertaralugu iliuitsit aalajangerneqartut, imm. 1-imi ilaatinneqannginnissaat, taamaammat § 349 a, imm. 2, pineqartut aappaanni aalajangersakkakkut siunnersuutigineqarpoq.

Pisinnaatitaaffiup, atortussap tigussaasup imaluunniit atortussap internettikkut aalajangersimasumik annertussusilerlugu tuniniarneqarsimanissaa, § 349 a, imm. 2-mi, pineqartup aappaata atorneqarnissaanut piumasqaataavoq. Tuniniakkap, assersuutigalugu pisinnaatitaaffiup, atortussap tigussaasup imaluunniit atortussap pineqartup suussusaa, soorlu aamma tuniniakkap aallaaviatigut annertussusaa, assersuutigalugu oqimaassusaa, qanoq amerlatigineri imaluunnit suussusaa akialu pillugit paasissutissanik imaqarnissaa, tuniniaanermi takuneqarsinnaanissaatut uani paasineqartussaavoq. Taamaalilluni suna tuniniarneqarnersoq, qanoq annertutigisoq tuniniarneqarnersoq aamma tuniniagaq qanoq akeqarnersoq nalornissutigineqartussaangilaq. Inuup nalinginnaasup internettikkut niunera, assersuutigalugu atisanik imaluunniit pisattanik niuenera, aamma pisinermi tuniniakkap suup tigunissaanik nalornissuteqannginnera, taamaalilluni pisup assigissavaa.

Pinerluttuliortup pisinnaatitaaffinnik, pigisanik tigussaasunik imaluunniit atortussanik aalajangersimasunik annertussusilinnik internettikkut tuniniaanermigut, tuniniaanerup imaluunniit ingerlatitseqqilluni tunniussinerup naammassinissaa aalajangiisimagaa ilimagineqarsinnaammat, politiit pisinnaatitaaffinnik, pigisanik tigussaasunik imaluunniit atortussanik taakkuninnga pissarsinerat, sunniinarneq pillugu malittarisassani § 349, a, imm. 1-itut siunnersuutigineqartuni ilaatinneqarnissaat piumasqaataangilaq, taamaalillunilu aalajangersagassatut siunnersuutigineqartumi § 349 c, imm. 1-imi eqqartuussivimmit sioqqutsilluni aalajangiisoqarnissaa piumasqaataangilaq. Pisuni taamaattuni politiit pissarsinerat aammattaq inatsimmik unioqqutitsinerup annertussusaanik imaluunniit ingasassusaanik annertusititsinermik sunniuteqarnaviangilaq.

Aalajangersagassatut siunnersuutigineqartup atuuffissaani ilaatigut tillitanik, ikiaroorartunik, sakkunik aamma qaartartunik pisinerit ilaatinneqarput. Taamaattoq aaqqissuussinermut siunnersuutigineqartumi

pisinnaatitaaffinnut, pigisanut tigussaasunut atortunullu allanut aalajangersimasunut killiliisoqanngilaq, tamannalu tunngavigalugu assersuutigalugu sukasaatinut atortut, qummoroortaatit inatsisunik unioqutitsisut, takussutissiat ilumuunngitsut, tusarnaartitsinermut billettit il.il. aamma ilaatinneqassapput, soorlu aamma nioqutissat, pigisat tigussaasut atortullu allat tigussaasuusinnaasut tigussaasuunngitsuusinnaasullu, matumani elektroniskiusumik tusagassiuutit, filit imaluunniit innersuussissutit ilanngullugit. Taamatuttaaq assersuutigalugu inissiamik attartornissamut neqeroorummik akuersissuteqarneq aamma immikkut aalajangersagassatut siunnertuutigineqartup atuuffissaani ilaatinneqassapput.

Piffissami politiit pinerluttoqarsimaneranik paasiniaanerat naammassereersimappat, ullumikkut sunniinarneq pillugu malittarisassat aamma § 349 a, imm. 2, pineqartut aappaattut siunnersuutigineqartoq atunngikkaluarlugit, politiit pigisanik tigussaasunik il.il. pissarsisinnaammata maluginiarneqassaaq.

Internettikkut quppersakkami assigisaanniluunniit tuniniaanermi imaluunniit paarlaasseqatigiinnermi, pissarsineq sioqqullugu sioqqutsisumik pisinissamik taamatut soqutiginnittoqarnerata piunasaqaataanera erseqqissumik takuneqarsinnaappat, pisuni aalajangersagassatut siunnersuutigineqartumi § 349, imm. 2-mi, pineqartut aappaanni ilaatinneqartuni politiit taamaallaat sivikitsuaqqamik aamma qulaajaaviusumik tuniniaaratarsinnaasumik oqaloqatiginninnermik naammassinnissinnaanerit periarfissaqassaaq.

Taamaalilluni § 349, imm. 2, pineqartut aappaatuut aalajangersagassatut siunnersuutigineqartoq malillugu, oqaloqatiginninneq qulaajaaviusoq pineqarsinnaavoq, tassanilu politiinangaanniit kialluunniit inatsimmik unioqutitsinissaannut imaluunniit nangitsinissaannut kajumissaarut ilanngunneqarpoq.

Oqaloqatiginninneq qulaajaaviusoq qaqugukkulluunniit pisinnaatitaaffimmu, pigisamut tigussaasumut imaluunniit atortumut allamut, internettikkut tuniniarneqartumut, tunngassuteqassaaq, taamaalillunilu pisinnaatitaaffinnut, pigisanut tigussaasunut imaluunniit atortunut allanut, aallaqqaataani nioqutigineqartunut ilaanngitsunut tunngassuteqartussaasanani. Tamatuma saniatigut, pinerluttoqarnera pillaaasoqarnissaalu pillugit inatsisini aalajangersakkat atuuttut malillugit inatsisunik unioqutitsisoqarsimaneranik politiit naleqquttumik



tunnaveqarlutik pasitsaassippata oqaloqatiginninneq qulaajaavusooq taamaallaat aallartinneqarsinnaavoq.

Pisuni, pigisap tigussaasup il.il. suussusaa taamaallaat tuniniagaasutut takuneqarsinnaappat, aamma paasissutissat amerlanerusut, matumani suussusaa, oqimaassusaa, amerlassusaat imaluunniit akia, taamaallaat tuniniaasup pivirusumik oqaloqatigineqarnerani suussusersineqarsinnaatillugu, oqaloqatiginninneq qulaajaavusooq assersuutigalugu pisariaqarsinnaavoq. Tassunga atatillugu pigisap tigussaasup il.il. taassuma pisarineqarnissaa siunertaralugu amerlassutsit pisarineqarsinnaasut ikinnerpaaffissaasa imaluunniit tuniniarneqartup suussusaata aalajangersarneqarneqarnissaanut, oqaloqatiginninneq qulaajaavusooq taamaallaat atorineqarsinnaavoq.

Pissarsinissamut siunertaasooq taamaallaat tuniniaasup attaveqarfiini tuniniaasup imaluunniit pinerluuteqartut allat kinaassusersineqarnissaanut atatillugu isiginiarneqassaaq. Sioqqutsisumik oqaloqatiginninnermi pigisap tigussaasup il.il. pissusaanut, suussusaanut, amerlassusaanut imaluunniit akianut sunninninnissaq taamaalilluni pingaaruteqarpoq.

Assersuutigalugu internettikkut quppersagaq, tassani hashimik isertuannigsumik tuniniaasoqarluni, pineqarpat, politiit sioqqutsisumik oqaloqatiginninnermini internettikkut quppersakkami pineqartumi naleqquttumik pissutsit malillugit amerlassutsit pisarineqarsinnaasut minnerpaaffissaattut isigineqartumik pisinissamik soqutiginninnertik pillugu oqaloqatiginninneq killilissavaat. Internettikkut quppersakkami pineqartumi amerlassutsit pisarineqarsinnaasut minnerpaaffissaattut isigineqartut imaluunniit nalinginnaasumik akigitinneqartut politiit nalornissutigigunikkit, assersuutigalugu annertussutsit minnerpaaffissaat qanoq annertutigisooq taassuma tunniussinnaaneraa, imaluunniit taanna akinut allattuiffimmik nassiussisinnaanersoq, aamma tamanna tunnigavigalugu annertussutsip pisarineqarsinnaasup minnerpaaffissaanik imaluunniit akitut nalinginnaasutut isigineqarsinnaasooq atorlugu pisinissaq politiit tuniniaasumut apequtigalugit saaffiginnissinnaapput.

Taamaalilluni, suliami pinerluttoqarsimaneranik paasiniaanermut atatillugu, sioqqutsisumik oqaloqatiginninnermikkut politiit allakkut sunniiniarsinnaanerat tunnigavissaqarnerisooq pitsaanerusumik naliliisinnaanissaanut aamma kinguneqassaaq.

Pissarsiarineqartut tuniniaasup attaveqarfiini tuniniaasup imaluunniit pinerluuteqartut kinaassusersineqarnissaannik siunertaqanngippata, aallaaviatigut § 349 a, imm. 2-mi pineqartup aappaattut aalajangersagassatut siunnersuutigineqartup killissarititaasa iluanni pigisat tigussaasut nioqquteqartumit taassuminnga tuniniarneqartut arlaleriarlutik pissarsiarineqarsinnaanngimmata maluginiarneqassaaq.

Pisumi, assersuutigalugu tassani tuniniaasup aatsisua tigusarineqarsimappat politiinillu nakkutigineqarpat, aamma tamanna aqqutigalugu tuniniaasup aatsisua alla kinaassusersiniarlugu suli piseqqinnissaq pisariaqarpat, tamanna pisinnaavoq. Aatsisoq nammineersinnaajunnaarsitaq iperagaappat tamatumalu kingorna aatsisarnini ingerlateqqippagu, taassuma assinga atuutissaaq.

Inatsisit unioqqutillugit pinsinnaatitaaffinnik, pigisanik tigussaasunik atortunillu allanik internettikkut tuniniaanerni periaatsit, taamaalilluni tuniniakkat internettikkut tuniniarneqartarluutik, tamatuma peqatigisaanik tuniniaanermi pissutsit erseqqinnerusut kiisalu tunisinerup naammassineqarnera immini, assersuutigalugu naapeqatigiinnikkut, oqarasuaatikkut attaveqarnikkut il.il. ilisaqqunnartumik internettip avaatigut pisarmata, maluginiarneqassaaq.

Pisinnaatitaaffiup, pigisap tigussaasup imaluunniit atortup allap tuniniarneqarnera immini internettikkut pinissaa pingaaruteqarpoq, tamatumali tunisineq pillugu kingusinnerusukkut attaveqarnek aamma tunisinermi naammassinninnissamut periaaseq, immikkut aalajangersakkap taassuma atorineqarnissaanut pingaaruteqanngilaq.

Assersuutigalugu pigisap tigussaasup imaluunniit atortup allap tiguneqarnissaanut naapittoqassappat naapinnermut atatillugu, pigisanut tigussaasunut imaluunniit atortunut allanut internettikkut tuniniarneqarsimasunut pasineqartumut attaveqarnek taamaallaat tunngassuteqassamat, tassunga atatillugu maluginiarneqassaaq. Naapinneq assersuutigalugu nutaanik inniminniinernik assigisaanilluunniit isumaqatigiissuteqarnissanut imaluunniit oqallisiginninnissamut tunngassuteqassanngilaq, tassani iliuutsit taamaattuut eqqartuussisarnernik inatsimmi sunniinarneq pillugu malittarisassat § 349 a, imm. 1-imi siunnersuutigineqartut iluanniissapput, aamma taamaalillutik § 349 c, imm. 1-itut aalajangersagassatut siunnersuutigineqartoq malillugu eqqartuussivimmit sioqqutsisumik aalajangiinissaq tassani piumasqaataassaaq.

Soorlu pinerluttoqarsimaneranik paasiniaanermi suliat allat assigalugit, immikkut aalajangersakkat atorneqarnissaannut periarfissaq siunnersuutigineqartoq malillugu politiit suugaluartunilluunniit pissarsinerat sioqqullugu, aamma pinerluttoqarnera pillaasoqarnissaalu pillugit inatsisini aalajangersakkat atuuttut malillugit inatsimmik unioqquטיםisoqarsimaneranik pasitsaasisoqarnissaanik piumasagaat qulakkiissavaat.

Pisuni ikiaroonartunik sakkunilluunniit tuniniaasoqartillugu, pissutsit isertuannngitsumik inatsisunik unioqquטיםinerusuunerisa pasitsaassinissamik piumasagaat naammassereerpaat.

Pisuni allani, matumani ingammik nioqquטיםianik tillitanik tuniniaanerni, nioqquטיםiap tuniarneqartup pisiarinqarnissaa sioqqullugu, aalajangiinermi tunngaviit arlallit ataatsimut politiit naliliiffigissavat.

Nioqquטיםiat tillitaanersut nalilerneqarnissaannut paasinarsisitsissutsit tulluuttut ilaatigut pingaartissavaat: Nioqquטיםiaq immikkut ittumik akikitsillugu tuniarneqarpoq. Nioqquטיםiaq tuniniaasumit, piaaraluni kinaassutsiminik isertuiniartumit, assersuutigalugu kinaassutsiminik isertuussilluni saqqummertup imaluunniit isertuannngitsumik ilumuunngitsumik ilisaritsissut atorlugu kinaassutsiminik isertuussisoq. Nioqquטיםiap tuniarneqartup tillitaanera pillugu innuttaasumit imaluunniit allatigut politiit ilisimatinneqartut. Tuniniaasup oqarasuaammut normua immertagaavoq nalunaarsorneqarsimannngitsoq. Tuniniaasup siusinnerusukkut nioqquטיםianik akikitsuarakasinnik tuniniaasarsimavoq. Tuniniaasup nioqquטיםiaq taannaqqissaaq amerlasoorujussuariarlugu internettikkut tuniartarsimavaa. Tuniniaasup e-maili taannaqqissaaq atorppaa, kisianni ilisarisitsissutit oqarasuaatilluunniit normui allanngorartippai.

Piumasagaatit piffissap ingerlanerani amerliartuinnavissut uani pineqannngimmata maluginiarneqassaaq. Paasinarsisitsissutit qulaani pineqartut pingaartinneqarnerat politiit assigiinnngitsumik oqimaalutarsinnaavaat, aamma naammattumik pasitsaasisoqarnerasoq pisuni tamani piviusumik naliliinermik taamaalilluni tunngaveqassaaq.

#### ***2.2.4. Sunniiniarnerup akuerisaasup sunniiniarnerullu inerteqqutigineqartup akornani killiliussaq (qutsinnerpaamik killiliussaq)***

Inatsiseqarnermut ministereqarfiup isumaa malillugu – soorlu qallunaat eqqartuussisarnermik inatsisaanni sunniiniartarneq pillugu malittarisassat malillugit – inatsisip oqaasertaani sunniiniarnerup akuerisaasup sunniiniarnerullu inerteqqutigineqartup akornanni killiliussamik aalajangiisoqartariaqarpoq (qutsinnerpaamik killiliussatut imaluunniit aalajangersimasumik qisuariatitsiniarnermik inerteqquteqarnermik taaneqartartoq). Qallunaat eqqartuussisarnermik inatsisaanni sunniiniarneq pillugu qutsinnerpaamik killiliussap aalajangersarneqarnerani eqqarsaatigisassat tunuliaqutaasut, ministereqarfiup isumaa malillugu Kalaallit Nunaannut atuupput.

Iliuutsip pinerluutinngortinneqartup suliarineqarnerani imaluunniit ingerlaannartinneqarnerani inuup sunniiniartartup sunniinerata inatsimmik unioqqutitsinerup annertusitinneqarneranik imaluunniit sakkortusitinneqarneranik kinguneqannginnissaa pillugu killiliussaq taanna § 349 b, imm. 1-itut aalajangersagassatut siunnersuutigineqartumi taaneqarpoq, tassanilu iliuutsit sorliit, – aamma eqqartuussivimmit akuerineqareeraluartumik – politiini tjestemandinit aamma politiini sulisunit pinerluttoqarsimaneranik paasiniaanissamut immikkut piginnaaneqartunit suliarineqarsinnaasut malittarisassiuunneqarput.

Akuerisaasumik inerteqqutigineqartumillu sunniiniarnermi killiliussaq (qutsinnerpaamik killiliussatut imaluunniit aalajangersimasumik qisuariatitsiniarnermik inerteqquteqarnermik taaneqartartoq) isumaliutissiisummi 162-imiit 168 ilanngullugu allaaserineqarpoq.

Inatsisinik unioqqutitsineq siulianili suliarineqalersimanngippat imaluunniit misilinneqalersimanngippat, politiit inuup sunniiniartartup atorneqarneratigut inatsimmik unioqqutitsinermik pilersitsinnginnissaat, killissaliussanik nalunaaqutsiinerup taassuma malitsigaa. Aamma inatsimmik unioqqutitsinermi suliarineqalersumi imaluunniit misilinneqartumi, politiit ima sunniuteqartigissanngillat, inatsimmik unioqqutitsineq taanna allatut pissuseqalissalluni, tassami taamaaliornikkut inatsimmik unioqqutitsineq annertusineqarsinnaammat imaluunniit sakkortusineqarsinnaammat.

Qallunaat inatsisissatut siunnersuutaata suliarineqarneranut atatillugu aalajangersimasumik qisuariartitsiniarnermik inerteqquteqarnerup eqquutinneqarnissaa eqqarsaatigalugu – inatsimmi inuup sunniiniartartup inuttut atugai pillugit immikkut ittumik piumasaqaateqartoqartariaqartoq – Inatsiseqarnermut ministereqarfiup nalilerpaa. Ministereqarfiup isumaa malillugu eqqarsaatigisassat assingi malittarisassat Kalaallit Nunaanni atorneqarnissaannut atuuppoq.

Tassunga atatillugu illuatungaani inunnut taakkununga inuttut sunniiniartartut atorneqartussanut pisinnaasat pillugit assigiinngitsunik piumasaqaateqartoqassasoq tassunga atatillugu erseqqissarneqassaaq, taamaattoqarneratalu qallunaat politiini tjenestemandiusut immikkut ittumik qinikkat imaluunniit politiini atorfillit pinerluttoqarsimaneranik paasiniaanermi immikkut ittumik piginnaasallit, inuttut sunniiniartartut atorneqarnissaannut tunngavilersuutaavoq. Illuatungaani pisut arlallit pisinnaapput, tassani assersuutigalugu inuiannut ilisarnaatit pissutigalugit politiit nunanit allaneersut il. il. atorneqarnissaat pisariaqartinneqarluni illersorneqarsinnaallunilu. Aammattaaq inuit uniformeqanngitsut politiinik isumaqatigiissuteqareerluni annikitsuarsuarmik ikiuutaasut atorneqarnissaat pisariaqartinneqarsinnaavoq.

Politiitut inuttut sunniiniartartut piumasaqaatit erseqqinnerusut ataani immikkoortoq 2.2.5-mi allaaserineqarput, aamma inuit uniformeqanngitsut atorneqarnissaannut piumasaqaatit ataani immikkoortumi 2.2.6-imi allaaserineqarlutik.

#### ***2.2.5. Politiini atorfillit sunniiniarsinnaatitaasut***

Eqqartuussisarnermik inatsimmi § 349 b, imm. 2, oqaaseqatigiit siulliit taama oqaasertalerneqarnerisigut, taamaallaat politiini tjenestemandit aamma politiini atorfillit pinerluttoqarsimaneranik paasiniaanissamut immikkut ittumik piginnaanillit eqqartuussisarnermik inatsimmi § 349 a, imm. 1-ip malitsigisaanik sunniiniarnermik suliaqarsinnaassasut siunnersuutigineqarpoq.

Pinerluttuliornerit amerlanertigut politiini atorfilinnit, politiitut ilinniakkamik tunuliaqutaqanngitsunit, ilinniakkamik allamik tunuliaqatalinnit, assersuutigalugu ilisimatusarfinni ilinniagaqarsimallutik misissueqqissaartartunit, suliassaqaarfinni attuumassuteqartuni immikkut paasisimasqaarluartunit pinerluttoqarsimaneranik paasiniaaffigineqartartut imaluunniit pinerluttoqarsimaneranik paasiniaanerni ikiuuttartut, Rigspolitiit tikkuarpaat. Taamaallaat politiini tjenestemandit inuttut

sunniiniartutut atorneqannginnissaat, kisianni politiini atorfillit allat, piunasaqaatigineqartumik pinerluttoqarsimaneranik paasiniaanissamut piginnaaneqartut atorneqartarsinnaanissaat, taamaammat Inatsiseqarnermut ministereqarfiup sinnersuutigaa.

Pinerluttuliornerup akiorneqarnissaanut politiini sulisut pillugit isumalluutit pitsaanerpaamik atorneqarnissaat aaqquissuussinerup siunnersuutigineqartup qulakkiissavaa, aamma pinerluttoqarsimaneranik paasiniaaneq tamatigut inunnit taamaaliornissamut naleqqunnerpaanit suliarineqarnissaa qulakkiissallugu.

Assersuutigalugu ilisimatusarfinni ilinniagaqarsimasutut tunuliaqutillit politiini atorfillit, suliassaqaqfimmi aalajangersimasumi immikkut ittumik piginnaanillit, assersuutigalugu internettimi pinerluuteqarnerit pillugit pinerluttoqarsimaneranik paasiniaanerup nalaani, atorneqarnissaat taamaaliornierup periarfississavaa. Politiini sulisut ikittuinnaat inatsisissatut siunnersuut malillugu inuttut sunniiniartutut sulisinnaassapput, tassami assersuutigalugu politiini allaffimmi- aamma sullissinermi sulisut, ilinniartut ikiorterineqartut il.il. inuttut sunniiniartutut sulisinneqarnaviangillat.

Sunniiniarnissamut inuit, politiini tjenestemandiunngitsut, taamatut pinerluttoqarsimaneranik paasiniaanissamut, taakku politiitut ilinniagaqarsimanermik tunuliaquteqarnerat imaluunniit ilinniakkamik allamik tunuliaquteqarnerat apeqqutaatinnagu, politiini atorfeqarnissaat aammattaaq eqqortunik piginnaasaqarnissaat, piunasaqaataammat maluginiarneqassaaq. Pineqartoq inuttut sunniiniarnermik suliaqarnissamut eqqortumik naleqquttumillu piunasaqaataasunik piginnaasaqarnersoq, pisuni ataasiakkaani tamani nalilerneqartassaaq.

Pineqartup politiitut ilinniagaqarsimanermik tunuliaqutaqarnera taamaammallu pinerluttoqarsimaneranik paasiniaanerup qanoq naammassineqartariaqarnera pillugu ilinniagaqarsimanermigut ilisimasaqarnera ilaatigut pingaaruteqarsinnaavoq. Illuatungaanili uani aamma politiini atorfillit politiitut ilinniagaqarsimanermik tunuliaquteqanngitsut, inuttut sunniiniarnissamut immikkut ittumik tunuliaquteqarnissaannik imaluunniit ilisimasaqarnissaannik piunasaqaateqarnissaaq naatsorsuutigineqarpoq. Taakku assersuutigalugu ilisimatusarfinni ilinniagaqarsimallutik misissueqqissaartartuusinnaapput “open souce-intelligence”-imik taaneqartartumik immikkut

ilisimasaliullutik, imaappoq internettimi paasissutissiiffinni ammasuni pinerluttoqarsimaneranik paasiniaanermik suliaqartartuullutik.

### **2.2.6. Inuit uniformeqanngitsut**

Paasissutissiisartut inuillu allat uniformeqanngitsut, ilungersunartumik pinerluttuliornerup paasineqarneqarnissaanut politiinik suleqateqarnissamut piareersimasut, atorneqarsinnaanerat annertuumik tulluurtumik kinguneqarsinnaasoq Rigspolitiit Rigsadvokatillu ilisimatitsissutigaat.

Qallunaat inatsisissatut siunnersuutaata suliarineqarneranut atatillugu Inatsiseqarnermut ministereqarfik isumaqarpoq, malittarisassat ima oqaasertalertariaqartut, avatangiisini pinerluttuliorfiusuni politiini inuup sunniiniartartup ilisaritinneqarsinnaanissaa qulakkeerneqassalluni. Suleriaatsimi amerlanertigut inuk uniformeqanngitsaq, avatangiisini angalaartartoq aamma inunnut tunuliaqutaasunut attaveqarnermik ingerlatitseqqissinnaasoq, atorlugu ilisarititsineq taamaattoq ingerlanneqartarluni. Attaveqarnermik ingerlatsinerup taassuma inuup uniformeqanngitsup killilimmik annertussusilimmik inatsimmut unioqquatinneqartumut, pinerluttoqarsimaneranillu paasiniaaffigineqartumut, matumani nioqquutissiamut misiligummik inniminniineq ilanngullugu, peqataanera kingunerisinnaavaa. Eqqarsaatigisassat assingi ministereqarfiup isumaa malillugu malittarisassat Kalaallit Nunaanni atorneqarnissaannut atuupput.

Inuit uniformeqanngitsut inuttut sunniiniartartutut atorneqarnissaannut periarfissap eqqunneqarnissaa Inatsiseqarnermut ministereqarfiup taamaammat siunnersuutigaa, taamaalilluni iliuutsit pingaannginnerusut ilaat, sunniiniarnerup ataanniittut, inunnit uniformeqanngitsunit suliarineqarsinnaassallutik.

Qallunaat inatsisissatut siunnersuutaata suliarineqarneranut atatillugu inuit uniformeqanngitsut inuttut sunniiniartartuittut atorneqarnissaannut malittarisassanik eqqussisoqartariaqanngitsaq Inatsiseqarnermut ministereqarfiup nalilerpaa. Inuit uniformeqanngitsut inuttut sunniiniartartuittut atorneqarnerat arlalinnik eqqarsarnartoqarpoq, matumani ingammik inuit uniformeqanngitsut inuttut annertuumik navianartorsiortinneqarnerat ilanngullugu. Tassunga ilaavoq, pisut ilaanni pineqartup nakkutigineqarnissaa ajornakusoorsinnaammat. Eqqarsaatigisassat assingi ministereqarfiup isumaa malillugu malittarisassat Kalaallit Nunaanni atorneqarnissaannut atuupput. Kisianni – soorlu qallunaat eqqartuussisarnermik inatsisaanni sunniiniarneq pillugu

malittarisassat malillugit – politiini inuttut sunniiniartartup pisariaqartinneqartumik ilisaritinneqarnissaanut inuit uniformeqaangitsut atorneqarsinnaanissaat periarfissaasariaqartoq Inatsiseqarnermut ministereqarfiup nalilerpaa, taamaattoqarneratalu inuup uniformeqaangitsup iliuutsit ilaannik tatiginninnermik pilersitsissutaasussanik suliaqarsinnaanera tamatuma kingunerissavaa, matumani nioqqutissiamut misiliummik inniminniineq ilanngullugu. Uani suliniutit aarlarniutaasut pineqarput, taakkulu sunniiniarnermik suliassaqarfiit pingaarnersaannut naleqqiullugu annikinneerakasiupput, kisianni aappaatigut politiini inuttut sunniiniartartup suliaqarnissaata aallartinnissaanut pingaarutilimmik kinguneqartartut sulisaatsimi takuneqarsinnaalersimavoq.

§ 349, b, imm. 2, oqaaseqatigiit aappaanni aalajangersagassatut siunnersuutigineqartoq malillugu, inatsimmik unioqqutitsinermut naleqqiullugu ikiuineq taamaallaat annikitsuarakasiuppat, inuit uniformeqaangitsut politiinik isumaqatigiissuteqarlutik inatsimmik unioqqutitsinerup, pinerluttoqarsimaneranik paasinaaffigineqartup, suliarineqarnissaanut imaluunniit ingerlatiinnarneqarnissaannut ikiuisinnaanerit, tamanna tunngavigalugu Inatsiseqarnermut ministereqarfiup siunnersuutigaa.

Ikiuineq inuttut sunniiniartartut inuit uniformeqaangitsut suliarissallugu matumuuna periarfissariligaat, pissutsinut politiit nammineerlutik suliniuteqarnermikkut kimulluunniit inatsimmik unioqqutitsinissamut imaluunniit inatsimmik unioqqutitsinerup nangiinnarnissaanut ikiuinissamut neqerooruteqarnerannut tunngassuteqarpoq (sunniiarneq pillugu oqaatsip imarisaa siulleq). Pisumi tassani inuit uniformeqaangitsut sioqqutsisumik politiinik isumaqatigiissuteqareerlutik, inuup tunuliaqutaasup imaluunniit akuusut allat pinerluutip, pinerluttoqarsimaneranik paasinaaffigineqartup, suliarinissaanut imaluunniit ingerlateqqinnissaanut ikiuisinnaapput.

Inuup uniformeqaangitsup ikiuina aalajangersagassatut siunnersuutigineqartup § 349 b, imm. 2, oqaaseqatigiit aappaanni ilaatinneqassappat, ikiuineq kinaassusersiunngitsumik isigalugu pinerluttulerinermi inatsimmi § 13-imi peqataaneq pillugu oqaatsip imarisaa malillugu inatsit malillugu pinerluutaanissaa piunasaqaataavoq. Tamatuma saniatigut iliuseq pinerluttoqarnera pillaasoqarnissaalu pillugit inatsisini aalajangersakkat atuuttut malillugit inatsit malillugu pinerluutaassaaq. Iliuseq pinerluttoqarnera pillaasoqarnissaalu pillugit inatsisini



aalajangersakkt atuuttut pillugit suliassa qarfiup avataaniippat, unioqquitsineq, ikiunerup kingunerisaa, taamaallaat annikitsuarakasiusutut pissuseqartutut nalilerneqarsinnaanersoq uani pingaaruteqassaaq.

Pissutsit sunniiniarneq pillugu malittarisassanut ilaatinneqassappata, § 349 b, imm. 2, oqaaseqatigiit aappaanni aalajangersagassatut siunnersuutigineqartup, aamma sunniiniarneq pillugu § 349 a-tut aalajangersagassatut siunnersuutigineqartumi namminermi nassuiaatip, inatsisip unioqqutinneqartup, pinerluttoqarsimaneranik paasiniaaffigineqartup, aamma peqataanermi iliuuserineqartup, inuup uniforme qanngitsup suliarisaata akornanni kinaassusersisoqarnissaa aammattaaq malitsigaat. Tassunga atatillugu nioqquutissiamut misiliummik inniminniineq inatsimmik unioqquitsinermik annertunerusumik unioqquitsinermi peqataanertut isigineqassaaq (assersuutigalugu ikiaroomartumik nassiussineq/tunniussineq). Pinerluut naammassineqareersoq pillugu paasiniaaneq siunertaralugu ikiuineq, sunniiniarneq pillugu malittarisassat siunnersuutigineqartut avataanniippoq.

Suliniutigineqartoq, sunniiniarnermut piomasaaqatit allatut naammassineqarsimappata – inuup uniforme qanngitsup inatsisit unioqqutinnagit suliarisinnaasaa (imaappoq inatsimmik unioqquitsineq, ikiunerup kingunerisaa) – inatsimmut unioqqutinneqartumut pinerluttoqarsimaneranik paasiniaaffigineqartumut naleqqiunneqassaaq. Inuup ikiuina (assersuutigalugu nioqquutissiamut milisiutip annertussusaa) inatsisinik unioqquitsinernik ilungersunartunik pinerluttoqarsimaneranik paasiniaanernit annertunerujussuusinnaanera, assersuutigalugu ikiaroomartut annertoorujussuaq uani pineqarluni, tamatuma kingunerisinnaavaa. Ikiunerup annikitsuarakasiunissaata, inatsimmik unioqquitsinerup pinerluttoqarsimaneranik paasiniane qartup paasineqarnissaanut naleqqiullugu ikiuunnerup piviusumik pingaaruteqartuunnginnissaanik kisianni tamanna kinguneqanngilaq. Suliani ikiaroomartut pillugit pinerluuteqarnernik ilungersunartunik pinerluttoqarsimaneranik paasiniaasoqartillugu, ilisimatitsissutigineqartut malillugit amerlanertigut ima pisoqartarpoq, inuk uniforme qanngitsooq siullertut nioqquutissiamut misiliummik inniminniisimatinnagu, inuk pisuunerpaaq, politiit peqataanerannik pasitsattarluni.

Inuit uniforme qanngitsut politiinik isumaqatigiissuteqarlutik inatsisinik unioqquitsisinnaanerat § 349 b, imm. 2, oqaaseqatigiit aappaanni aalajangersagassatut siunnersuutigineqartup tunngaviusumik kinguneraa. Kisianni inuup uniforme qanngitsup ikiuina sunniiniarneq pillugu

malittarisassatut siunnersuutigineqartuni ilaatinneqassaaq. Politiit inummik uniformeqanngitsumik atuilersinnagit, assersuutigalugu nioqutissiamut misiliummik pisisutut, pasitsaassineq pillugu piumasagaat, ilisarnaatit pillugit piumasagaatit aamma pinerluttuliorneq pillugu piumasagaat naammassineqarsimassasut tamatuma kinguneraa, soorlu aamma § 349 c malillugu suliniutip aallartinneqannginnerani iliuutsit aallaaviatigut eqqartuussivimmit akuersissutigineqaqqaarsimassasut. Aalajangersagassatut siunnersuutigineqartoq malillugu taamaalillutik assersuutigalugu pinerluttoqarsimaneranik paasiniaanivimmut tunngavissaqarnersoq qulaajarniarlugu, politiit tuniniaasuni assigiinngitsuni nioqutissianut misiliutinik inniminniinermi paasisutissiisoq atorsinnaanngilaat.

Iliuutsit inuup uniformeqanngitsup § 349 b, imm. 2, oqaaseqatigiit aappaanni siunnersuutigineqartoq malillugu iliuuserisinnaasai, aamma kinaassusersiunngitsumik isigalugu inatsit aqqutigalugu pinerluutinngortinneqartut, politiit isumaqatigiissuteqarfigalugit iliuuserineqarput, taamaattoqarneralu materiel atypicitet<sup>1</sup>-imik imaluunniit pinerluttulerinermi inatsit malillugu pinerluttoqarnera pillaasoqarnissaalu pillugit inatsisini aalajangersakkat atuuttut malillugit pineqaatissiinerit atorneqannginnissaannik kinguneqarlutik.

§ 349 b, imm. 2, oqaaseqatigiit aappaanni aalajangersagassatut siunnersuutigineqartoq malillugu inuup uniformeqanngitsup inuttut sunniiniartartutut inatsisit malillugit suliarisinnaasai, piviusumik sunniiniarnertut killilerneqassapput, taakkumi sulii politiini tjenestemandinit aamma politiini atorfilinnit pinerluttoqarsimaneranik paasiniaanermi immikkut ittumik piginnaasalinnit taamaallaat suliarineqarsinnaapput. Ikiuineq inatsimmut unioqquatinneqartumut, pinerluttoqarsimaneranik paasiniaaffigineqartumut, naleqqiullugu annikitsuaqakasiusutut nalilerneqarsinnaanngippat, ikiuineq taamaallaat politiini tjenestemandinit aamma politiini atorfilinnit pinerluttoqarsimaneranik paasiniaanermi immikkut ittumik piginnaasalinnit suliarineqarsinnaavoq. Aammattaaq § 349 b, imm. 1-imi sunniiniarnermut qutsinnerpaamik killiussa, aamma inuup uniformeqanngitsup ikiuunneranut atuummat maluginiarneqassaaq. Inuup uniformeqanngitsup ikiuineri inatsimmik unioqquatsinerup annertusinnginnissaanik imaluunniit sakkortusinnginnissaanik kinguneqarnissaa, tamatuma kinguneraa.

---

<sup>1</sup> Materiel atypicitet: Tilfælde, hvor gerningsindholdet for så vidt er realiseret med den fornødne tilregelse, men hvor handlingen er af en helt anden beskaffenhed end den, lovgiver har villet kriminalisere. = Pisimasut, tassani suliat imarisaat pisariaqartinneqartumik akisussaatitaanissamat naammassineqarsimagaluartut, kisianni iliuuseqarneq inatsisiliortup pinerluutinngortinniagaanit allaanerujussusoq (Den Store Danske Lex.dk skrevet af professor emeritus, cand. Jur. Lars Bo Langsted-imit allanneqartoq).

### **2.2.7. Sioqqutsilluni eqqartuussivimmit aalajangiineq aamma unnerluussisoqartillugu illersuisumut nalunaarutiginninneq**

Sunniinarneq soorlu nalunaarutiginninnermi isertuussisussaataanermt akuliunnertut ima annertuumik pinerluttoqarsimanernik paasiniaanermi iliuitsitut annertutigivoq, taamatut aallartitsinissaq eqqartuussivimmit akuerineqaqqaartariaqaraluarluni. Taamaammat § 349 a malillugu iliussissat aalajangiiffigineqartut eqqartuussiviup aalajangiineratigut pissasut, taakkulu tunngavilersorneqassasut aalajangersakkakut § 349 c, imm. 1-ikkut aamma 2-kkut siunnersuutigineqarpoq.

Amerlanertigut sukkasuumik iliuseqartoqartariaqarmat, taamaattoq, eqqartuussisarnermi inatsimmi § 349 c, imm. 3, periculum in mora pillugu<sup>2</sup> malittarisaq, siunnersuutigineqarpoq, taamaalilluni eqqartuussiviup aalajangiinissaata utaqqineqarnera pissutigalugu siunertarineqartoq maangaannartinneqassagaluarpat, sunniinarneq sioqqutsilluni eqqartuussivimmit aalajangiisoqanngikkaluartoq politiinit aallartinneqarsinnaaniassammat. Taamaattoqartillugu politiit piaarnerpaamik aamma kingusinnerpaamik iliuserineqartut aallartinnerisa kingorna nalunaaquttap akunnerisa 24-it iluanni, apeqqut pillugu eqqartuussivimmut saqqummiussissapput. Aalajangersagassatut siunnersuutigineqartoq taanna nalunaaruteqarnermi isertuussinissaq pillugu eqqartuussisarnermik inatsimmi akuliunneq pillugu malittarisassap § 391, imm. 3-p assigaa.

Ilaatigut suliniutigineqartup aallartinneqarnerani piumasqaatit naammassineqarnerat imaluunniit naammassineqarsimanerat, ilaatigullu aalajangersimasumik qisuariartitsiniarnermik inerteqquteqarneq qaangerneqarsimanersaq imaluunniit qaangerneqartussaansaq pillugit nalilersuinissaq eqqartuussivinnit nakkutilliinerup taamaattup siunertaraa. Iliuserineqartup inatsisitigut malittarisassat akuerisaasut malillugit naammassinnissimanerata isummerfigineqarnera, matumani aalajangersimasumik qisuariartitsiniaanermut inerteqquteqarneq qaangerneqassanersaq imaluunniit qaangerneqarsimanersaq ilanngullugit, aamma taassuma aarlerinangitsumik ingerlanneqarnera, matumani inuup sunniinartartup inuttut qinerneqarnerata eqqarsaatigineqarnera ilanngullugu, eqqartuussiviup nakkutilliinerani ilaatinneqassapput.

---

<sup>2</sup> Periculum in mora: Fare ved at vente, overhængende fare = Utaqqinissap navianaateqarnera, nukinginnartumik navianaateqarneq, Den store Danske Lex.dk

Aammattaaq sunniiniarneq pillugu eqqartuussiviit nakkutilliinissaat pillugu malittarisassanut atatillugu, – soorlu qallunaat eqqartuussisarnermik inatsisaanni sunniiniarneq pillugu malittarisassat malillugit – politiit inummik sunniiniartartumik ataatsimik atuisimatillugit illersuisup nalunaarfigineqarnissaa malittarisassamik erseqqissumik ilanngussisoqarnissaa, Inatsiseqarnermut ministereqarfiup nalilerpaa. Taamaammat § 349 a-tut siunnersuutigineqartumi iliuusissanik aalajangiisoqarsimappat, aamma inatsimmik unioqqutitsineq pillugu unnerluussisoqarpat, iliuutsit pillugit illersuisup nalunaarfigineqarnissaa § 349 d-mi, oqaaseqatigiit siulliit atorlugit siunnersuutigineqarpoq. Aammattaaq naalagaaffinni allani pissaanilissuit, naalagaaffiup isumannaatsuunissaa, suliap nalunarunnaarsinneqarnissaa imaluunniit inummut pingajuusumut eqqarsaatigisassat qaqutiguinnaq tamanna pisariaqartippassuk, § 349 d, oqaaseqatigiit aappaat atorlugu illersuisup paasissutissanik, oqaaseqatigiit siulliit malillugit pissarsiarisimasaminik, ingerlatitseqqinnginnissaa politiit peqqussutigisinnaavaat.

## ***2.2.8. Inuup sunniiniartartup eqqartuussivimmi nassuiaanera***

### *2.2.8.1. Politiini inuup sunniiniartartup kinaassutsimi isertuunnissaanut periarfissaa*

Avatangiisit pinerluttuliorfiusut ilaanni nakuusernerup sakkutut atorneqartarnera ilisimaneqarluarpoq, aamma inuup sunniiniartartup kinaanera paasineqarpat, inummut sunniiniartartumut imaluunniit taassuma qanigisaanut pillaatit akiniaasoqarnissaa annertuumik aarlerinaateqartutut ilimagineqartariaqarpoq. Taamaammat inuup sunniiniartartup imaluunniit taassuma qanigisaasa isumannaatsumiitinnissaat eqqarsaatigalugu, inuup sunniiniartartup nassuiaasussaajunnaarsinneqarnissaa pisariaqarpoq.

Kisianni illuatungaani inuup sunniiniartartup eqqartuussivimmi nassuiaanera suliami uppernarsaataasutut pingaarutilittut isigineqartariaqarpoq. Taamaalilluni ilisimannittumik killisiuineq, tassani illersuisoq apersuinissamik periarfissinneqarluni, aamma tassani unnerluussap pisimasup ingerlasimaneranut nassuiaataata illuatungilerneqarnerat pissalluni, taamaalilluni sunniiniarnermik suliniuteqarneq pillugu tamakkiisumik isiginnissinnaasoqarsinnaalissalluni.

Nangaassuteqanngitsumik nassuiaanissap anguneqarsinnaannginnera pillugu immikkut ittumik tunngavissaqartoq isumaqartoqarpat, eqqartuussisarnermik inatsimmi § 458-imi malittarisassat atuuttut malillugit, ilisimannittoq imaluunniit unnerluunneqataasup

killisiorneqarnerani unnerluunneqartup ini eqqartuussiviusoq qimassagaa, eqqartuussivik aalajangersinnaavoq. Imm. 2 malillugu, inimi eqqartuussiviusumi unnerluunneqartoq isersimaqqilerpat, unnerluunneqartoq ilaatigut unnerluunneqartup peqannginnerani kina nassuiaasimanersoq pillugu paasitinneqassaaq.

Qallunaat inatsisissaattut siunnersuutip suliarineqarneranut atatillugu pisuni taanna eqqartuussivimmi nassuiaasussaattillugu, politiini inuup sunniiniartartup kinaassusaata isertuunneqarnerata qulakkeerneqarnissaanut periarfissat pitsaanerulersinneqarnissaat pisariaqartinneqartoq Inatsiseqarnermut ministereqarfik isumaqarpoq. Taakku kinaassusaat ilisimaneqalerpat, politiini tjenestemandip imaluunniit politiini atorfillip pinerluttoqarsimaneranik paasiniaanermi immikkut ittumik piginnaanillip suliani allani inuttut sunniiniartartut atorneqarnissaa politiinut ajornakusuulersinnaavoq. Politiinut tamanna ajornartorsiutinik pilersitsissaaq, tassami politiini tjenestemandit imaluunniit politiini atorfillit pinerluttoqarsimaneranik paasiniaanermi immikkut ittumik piginnaasallit, inuttut sunniiniartartut atorneqarnissamut immikkut ittumik ilinniartinneqarsimasut, imaluunniit sunniiniarnermik suliaqarnermik immikkut ittumik misilittagaqartut ikittuinnaapput. Ministereqarfiup isumaa malillugu Kalaallit Nunaanni malittarisassat atornissaannut eqqarsaatigisassat taakku aamma atuupput.

Politiini tjenestemandi imaluunniit politiini atorfilik, § 349 a-tut aalajangersagassatut siunnersuutigineqartumi taaneqartunik iliuitsinik suliaqarsimasoq, § 458, imm. 2-kkut nammineq atini najukkanilu ilisimatitsissutiginagit nassuiaateqarsinnaasariaqartoq taamaammat siunnersuutigineqarpoq. Taasuma kingunerisaanik § 443-imi nutaamik immikkoortumik ilanngussisoqarnissaa siunnersuutigineqarpoq, tamatumalu kingorna politiini inuk sunniiniartartoq nammineq atiminit najukkaminillu taasinani allaanerusumik atilerlugu najugaqarfilerlugulu uppersaaitit nalunaarsuutaanni taaneqarsinnaalissaaq. Politiini tjenestemandi imaluunniit politiini atorfilik tamatuma kingorna piumasaaqatitaqanngitsunik ati alla atorlugu uppersaatinut nalunaarsuiffimmi takuneqarsinnaalissaaq.

Sulisaaseq malillugu pinerluttulerinermik suliani ilisimannittup atia najugaalu uppersaatinut nalunaarsuiffimmi allanneqartarnerat, soorlu aamma ilisimannittup atii tamakkerlugit – kisianni najugaa pinnagu – eqqartuussivimmi nassuiaaneq pisinnagu paasissutissiisutigineqassammata maluginiarneqassaaq. Politiini tjenestemandit eqqartuussivimmi

nassuiaasussat sulisaatsit malillugit uppersaatinut nalunaarsuiffimmi taaneqassapput sumilu sulineri ilanngunneqartussaallutik. Najugaq pillugu oqaatsip imaa ima paasineqassaaq, taamaalilluni politiini tjenestemandinut sulissaatsit malillugit sulineri sumiiffik assigissallugu.

Politiini tjenestemandi inuttut sunniiniartartut atorneqarsimasoq pillugu paasissutissami suliffiup erseqqinnerusumik sumiinneranik taasisoq, pisuni politeeqarfimmi minnerusumi taanna suliillugu, taamaattoqarnerata pineqartup kinaassusersineqarnissaa ajornannginneerarsuannortissinnaavaa.

Unnerluussap, eqqartuussiviup imaluunniit illersuisup politiini inuup sunniiniartartup kinaaneraniq ilisimannissinnaannginnerat, aalajangersakkat siunnersuutigineqartut kingunerissavaat. Eqqartuussiviup inuup sunniiniartartup pineqartup politiini tjenestemandiunera imaluunniit politiini atorfeqarnera, taamaalillunilu § 349 b, imm. 2, oqaaseqatigiit aappaannik naammassinninnera pillugu allakkatigit uppersaatinik eqqartuussivik piunnaarsinnaammatt maluginiarneqassaaq. Pineqartup atorfinitsinneqarsimaneranik politiini aqutsisut qullersaannit allakkatigit nalunaarut, tassunga atatillugu pisariaqartinneqartumik uppersaatinut isigineqassaaq. Inuk sunniiniartartoq nunanit allaneersoq pineqartillugu, nunani allani politiini oqartussaasut qullersaannit nalunaarutip naammattumik uppersaatinut isigineqarnissaa assigisaanik naatsorsuutigineqarpoq.

Tamassuma kingunerisaanik § 458, imm. 2-tut aalajangersagassatut siunnersuutigineqartumut § 153-imi innersuussisoqassasoq siunnersuutigineqarpoq, tamatumalu kingorna eqqartuussivik, ilisimannittoq killisiorneqalersinnagu, ilisimannittup kinaassusaa pillugu qularnaarinnissaaq.

Ilisimannittut nassuiaataasa imaannik, suliami unnerluutigineqartoq pillugu tunniunneqartunik, unnerluutigineqartup ilisimasaqalernissaata killilerneqarneranik malittarisassatut siunnersuutigineqartut kinguneqanngillat. Politiini tjenestemandip imaluunniit politiini sulisup atiatut aamma taaneqartartoq siulianili ilisimasaa, unnerluunneqartumut paasissutissiissutigineqassaaq. Taamaallaat politiini tjenestemandip nammineq atia aamma najugaa (imaappoq suliffiata sumiinnera) unnerluutigineqartumut isertuunneqassapput, aamma Inatsiseqarnermut ministereqarfiup isumaa malillugu paasissutissat taakku unnerluutigineqartup illersorneqarnerani pingaaruteqartussaannngillat.

Tamanna politiini tjestemandip imaluunniit atorfillip kinaassusaata isertuunneqarnissaa eqqarsaatigalugu, aamma § 458, imm. 4-tut aalajangersagassatut siunnersuutigineqartoq malillugu unnerluunneqartup illersorneqarnerani pingaarutilittut isigineqarpat, politiini tjestemandi imaluunniit politiini atorfilik, § 349 a-mi taaneqartunik iliuseqarsimasoq killisiorneqartussaattillugu, unnerluunneqartup eqqartuussivik qimassagaa, eqqartuussivimmi suliap ingerlanneqarnerani eqqartuussisup aqutsisuusup aalajangersinnaavaa.

Unnerluutigineqartup eqqartuussivimmit anisinneqarnissaanut politiini inuttut sunniiniartartup kinaassusaata isertuunneqarnissaata eqqarsaatigineqarnera, siullertut piunasaqaatigineqarpoq. Pisumi politiini inuttut sunniiniartartup unnerluunneqartumit takuneqarnerani, pineqartup politiinit inuttut sunniiniartartutut atoqqinneqarsinnaajunnaarneranik kinguneqarnissaa uani pingaaruteqassaaq. Taassuma pinerluttoqarsimaneramik paasiniaanermut atatillugu unnerluunneqartoq arlaqanngitsunit amerlanerusumik naapittarsimappagu, taamaattoqarnera malittarisassap atorneqarnissaanut akerliuvoq. Aammattaaq politiinut politiini tjestemandip imaluunniit politiini atorfillip pineqartup, matumani ingammik taanna inuttut sunniiniartartuunissaminut immikkut ittumik ilinniartinneqarsimanagera imaluunniit siusinnerusukkut inuttut sunniiniartartutut atorneqarsimanerminit immikkut ittumik misilittagaqarnera ilanngullugit, suli inuttut sunniiniartartutut atoqqinneqarsinnaanerata pingaaruteqassusaa aalajangissallugu pingaaruteqarpoq. Naggataagut – unnerluunneqartup eqqartuussivimmit anisinneqarnissaraluanut qinigassatut allatut – qanoq iliornissamut piareersaatit suliarineqarsinnaannginnerut, taamaaliernerup politiini inuttut sunniiniartartoq ilisarineqarsinnaajunnaarsinneqarluni, assersuutigalugu ilisarnarunnaarsarluni atisalersorneq ikiortigalugu, eqqarsaatersuutigisariaqarpoq.

Tulliullugu pisoq, unnerluunneqartup politiini inummik sunniiniartartumik takunnissimanninnerani, unnerluunneqartup illersorneqarneranut pingaarutilimmik kinguneqassanngilaq. Tassunga atatillugu illersuisup ilisimannittup nassuiaanerani isiginnaartuunissamik kiisalu ilisimannittumut apersuisinnaanermik pisinnaatitaaffia, malittarisassatut siunnersuutigineqartunit sunnerneqassanngillat. Taamaalilluni unnerluunneqartup peqannginnerani nassuiaatigineqartunik, unnerluunneqartup ilisimannittut nassuiaataasa imaannik piunasaqaatitaqanngitsumik ilisimatinneqarnissamik

piumasaqaateqarsinnaanera pillugu aalajangersakkami pineqartumi (§ 458, imm. 2-imi imm. 7-nngortumi), allannguisoqanngilaq.

Aammattaaq § 448, imm. 1, nr. 6-imi § 458, imm. 4-mut aalajangersakkamut innersuussutip ilanngunneqarnissaa siunnersuutigineqarpoq, taamaalilluni unnerluussisussaataitasunit, illersuisumit imaluunniit ilisimannittumit noqqaassuteqartoqarneratigut, politiini tjenestemandip imaluunniit politiini atorfillip, § 349 a-mi taaneqartunik iliuuseqarsimasup killisiorneqarnissaani, unnerluussap eqqartuussivimmit qimagunnissaa, eqqartuussiviup pingaarnertut isumaqatigiinniarnaq sioqqullugu aalajangersinnaavaa.

#### *2.2.8.2. Suliani politiini inummik sunniiniartartumik atuisoqarsimatillugu matut matuneqartarnerat*

Eqqartuussisarnermik inatsimmi § 458-imi aalajangersagaq inatsimmi matup matuneqarnissaat pillugu aalajangersakkanik ilaneqarpoq. Qallunaat inatsisissaata suliarineqarneranut atatillugu politiini tjenestemandimik imaluunniit politiini atorfilimmik illersuineq, politiini inuup sunniiniartartup kinaassusaata isertuunneqarnissaa siunnersuutikkut anguneqarniartoq aamma politiini inuup sunniiniartartup nassuiaateqarnerani unnerluunneqartup isiginnaarsinnaatitaannginnera, taamaalilluni unnerluunneqartumut attaveqartunik isiginnaartunik nassuiaaneq isiginnaarneqarsinnaappat aamma imaqarnerisiorneqarsinnaappat, piviusuujunnaassasoq Inatsiseqarnermut ministereqarfik isumaqarpoq.

Aalajangersagaq aqqutigalugu politiini inuk sunniiniartartooq imaluunniit politiinni atorfilik, § 349 a-mi aalajangersagassatut siunnersuutigineqartumi taaneqartunik iliuuseqarsimasooq, nassuiaasussaataillugu, eqqartuussisarnermik inatsimmi § 115, imm. 3-mi, unnerluussisussaataitasut noqqaassuteqarnerisigut matut matuneqartarnissaat siunnersuutigineqarpoq.

Matumuuna politiini inuup sunniiniartartup pineqartup nassuiaanerani unnerluussisussaataitasut matunik matusinissaq piumasaqaatigisinnaalerpaat. Politiini inuup sunniiniartartup kinaassusaata tusarnaartunit, unnerluutigineqartumut attaveqaateqarsimagunik attaveqateqartunit imaluunniit inunnit amerlanernit, ilisimaneqalinnginnissaata qulakkeerneqarnissaa matut matunerisigut periarfissaalissaaq. Assersuutigalugu unnerluutigineqartup avatangiisini pinerluttuliorfiusuni ikinngutaanit politiini inuup sunniiniartartup pillaatit



akiniuteqarfigineqarnissaanut taamaaliornerup illersorsinnaavaa, soorlu aamma politiini inuup sunniiniartartup kinaassusaata isertuunneqarnerata kingusinnerusukkut suliani inuttut sunniiniartartup pineqartup atorneqarsinnaaneranut pingaarutilimmik piumasaqaataavoq. Unnerluussisussaataitasut piumasaqaatitaqanngitsumik matut matuneqarnissaannik piumasaqaateqarsinnaanissaat pillugu siunnersuut, aaqqissuussaasumik pinerluttuliortarnerit akiorniarlugit sunniuteqarluartumik suliniuteqarnermut, politiini inuit sunniiniartartut atorneqarnerisa qitiusumik pingaaruteqassusiannik tunngaveqartinneqarpoq, kiisalu politiini inuup sunniiniartartup kinaassusaata tamanut saqqummiunneqarnissaanut, nalinginnaasumik politiit piviusumik politiit inunnik sunniiniartartunik atuinerannut pingaarutilimmik kinguneqartarneranut qularnaarinninnerulluni.

§ 115, imm. 3-tut aalajangersagassat siunnersuutigineqartup malitsigisaanik, eqqartuussisarnermik inatsimmi § 448, imm. 1, nr. 2 malillugu § 115 malillugu matunik matusinissamik noqqaassuteqarneq eqqartuussiviup pingaarnertut isumaqatigiinniarnaq sioqqullugu aamma aalajangersinnaalissavaa.

Inunnut uniformeqaanngitsunut, eqqartuussisarnermik inatsimmi § 349 b, imm. 2, oqaaseqatigiit aappaanni aalajangersagassat siunnersuutigineqartumi ilaatinneqartunik iliuuseqarsimasunut, taanna suliap suliarineqarnerani tamanut ammasumik eqqartuussisoqartillugu, ilisimannittut isumannaatsuunissaanut aarlerinaateqalersitsisinnaanera ilimagineqarpat, matut matuneqartarnerat pillugu qulaani taaneqareersutut matut matuneqartarnerat pillugu eqqartuussisarnermi inatsimmi § 114, imm. 2, nr. 2-mi aalajangersagaq, § 114, imm. 2, nr. 3-nngortoq, atuuttoq atuuppoq.

### *2.2.8.3 Ilisimannittunut peqqussutit*

Qallunaat inatsisissatut siunnersuutaata suliarineqarneranut atatillugu inuup sunniiniartartup eqqartuussivimmi killisiorneqarnissaa pillugu aalajangiisoqassatillugu, suliap inerneqarnissaanut pingaaruteqarsinnaasut pissutsit pillugit aarlerinangitsumik pissutsit tamaasa pillugit paasissutissiissuteqartoqarnissaa pinerluttulerinermi eqqartuussisarnermi innimigisassatut pingaartinneqartariaqassaaq – matumani sunniiniarnermi aalajangersimasumik qisuariatitsiniarnermut inerteqquteqarnermut killissarititaasoq qaangerneqarsimanersoq ilanngullugu. Eqqarsaatigisassat assingi ministereqarfiup isumaa malillugu malittarisassat Kalaallit Nunaanni atorneqarnissaannut atuupput.

Kalaallit Nunaanni eqqartuussisarnermik inatsimmi – naak taanna imm. 2, nr. 3-mi nassuiaasussaajunnaarsitaanermut pissutissamik taasisoqarnera (nassuiaanerup ilisimannittoq imminut imaluunniit taassuma qanigisaanut pingaarutilimmik ajoqusissagaa) atuukkaluartoq – ilisimannittoq politiinit inuttut sunniiniartartut atorneqarsimappat, aamma suliap qanoq issusia akuusumullu pineqartumut pingaaruteqarnera imaluunniit inuiaqatigiinnit tamanna pissutissaqartut isigineqarpat – ilisimannittup nassuiaateqaqqullugu eqqartuussiviup peqqusisinaanera pillugu eqqartuussisarnermik inatsimmi § 144-imi immikkoortut nutaatut, immikkoortoq 4 ilanngunneqassasoq tamanna tunngavigalugu siunnersuutigineqarpoq.

Eqqartuussivimmi inummik sunniiniartartumik killisiuineq pissutsit atuuttut malillugit inuup sunniiniartartup navianartorsiortinneqarneranik kinguneqarsinnaavoq. Kisianni – soorlu qallunaat eqqartuussisarnermik inatsisaanni inuup sunniiniartartup eqqartuussivimmi ilisimannittut qanoq annertutigisumik aamma qanoq ililluni ilisimannittut nassuiaanissamik peqquneqarsinaanera eqqartuussiviup piviusumik naliliiffigissavaa.

Eqqartuussisarnermik inatsimmi ilisimannittut nassuiaasussaajunnaarsitaasarnemat pillugit aalajangersakkat aamma ilisimannittup nassuiaateqarnissaanik peqqusisinaanep siunnersuutigineqartoq, Inatsiseqarnermut ministereqarfiup isumaa malillugu inuup sunniiniartartup isumannaatsuunissaata aamma inuup sunniiniartartup ilisimannittut nassuiaatissaata pingaaruteqarnerata akornanni oqimaaqatigiissinneqarnerisa missingersuunneratigut pissaaq.

#### *2.2.8.4. Eqqartuussivimmi inuit uniformeqaanngitsut killisiorneqarnerat*

Inuit sunniiniartartut atoqqinneqarnissaannik eqqarsaatiginnineq, inuit uniformeqaanngitsut, § 349 b, imm. 2, oqaaseqatigiit aappaanni aalajangersagassatut siunnersuutigineqartumi iliuutsinik ilaatinneqartunik iliuuseqarsimasut, pineqartillugit assigisaanik atuutinngilaq. Inuk uniformeqaanngitsoq taamaa ittoq, nalinginnaasumik avatangiisini pinerluuteqarfiusuni angalaartartoq, politiini inuttut sunniiniartartut, allamik kinaassusilerluni, sulineq ajorpoq.

Pisuni unnerluunneqartoq ilisimannittorlu imminnut ilisarimatillugit, kinaassuseq isertuullugu ilisimannittut nassuiaasoqarnissaanik akuersissuteqarnek pisarnermisut nangaanartoqarsinnaavoq. Ilisimannittoq immikkut ittumik pissuteqarsinnaavoq imaluunniit soqutigisaqarluni,

taakkulu ilisimannittut oqaaseqaatai sunnersinnaavaat, aamma taakku avataaniittumit qulaajassallugit ajornakusoorsinnaapput.

Nangaassutigineqarsinnaasut taakku pingaartumik pisuni unnerluunneqartup ilisimannittullu avatangiisit pinerluuteqarfiusut ilaaffigippatigit, qallunaat inatsisissaattut siunnersuutaata suliarineqarneranut atatillugu, kinaassutsimik isertuussilluni ilisimannittup nassuaatinneqarnissaa inatsisitigut isumannaatsuuneq pillugu nangaanartoq, Inatsiseqarnermut ministereqarfiup nalilersimava. Ministereqarfiup isumaa malillugu Kalaallit Nunaanni malittarisassat atornissaannut eqqarsaatigisassat taakku aamma atuupput. Nassuiaat ilisimannittumut imminermut imaluunniit taassuma qanigisaanut pingaarutilimmik ajoqusiissappat, inuup uniformeqaqqitsup eqqartuussisarnermik inatsimmi § 144, imm. 2, nr. 3 malillugu ilisimannittut nassuiaasussaataaqqinnuq pillugu malittarisassaq innersuussutigisinnaavaa, tamatumalu kingorna nassuiaateqarnissamik pisussaaffeerutissalluni. Taamaattoq suliap qanoq issusaa aamma akuusumut pineqartumut pingaaruteqassusaa imaluunniit inuiaqatigiit tamanna pissutissaqartippassuk, § 144, imm. 4 malillugu eqqartuussiviup pisuni taamaattuni ilisimannittoq nassuiaateqaqqullugu peqqusinnaavaa.

Tamatuma saniatigut tamanut ammasumik eqqartuussivimmi suliap suliarineqarnerata, ilisimannittup isumannaatsuunissaanut aarlerinaammik kinguneqarneqarnissaa isumaqarfigineqarpat, matut matuneqarnissaat pillugu aalajangersakkami § 114, imm. 2, nr. 2-miittumi aalajangersagaq atuuttoq malillugu, matut matuneqarnissaat aalajangerneqarsinnaavoq.

Eqqartuussisarnermi inatsimmi § 114, imm. 2, nr. 2-tut aalajangersagassatut siunnersuutigineqartup malitsigisaanik, eqqartuussisarnermik inatsimmi § 448, imm. 1, nr. 2 malillugu § 114 malillugu matunik matusinissamik noqqaassuteqarneq eqqartuussiviup pingaarnertut isumaqatigiinniarnuq sioqqullugu aamma aalajangersinnaalissavaa.

### ***2.2.9. Allatigut politiini tjenestemandit eqqartuussivimmi nassuiaanerat***

Qallunaat inatsisissatut siunnersuutaata suliarineqarneranut atatillugu inunnit sunniiniartartunit suliniutiviit pineqartinnagit – politiini tjenestemandip ilisimannittut nassuiaatinneqarnissaa pillugu aalajangersakkamik aalajangiisoqarnissaanik pisariaqartitsisoqarsinnaasoq Inatsiseqarnermut ministereqarfik isumaqarpoq, taamaalilluni pineqartup inuinnartut atia ilisimatitsissutigineqassanngimmat. Uani politiini tjenestemandit pineqarput, taakkulu politiini immikkut atuuffiinut

pineqartup kinaassusaata ilisimaneqannginnissaa apeqqutaalluinnarpoq. Uani ilaatigut politiini tjenestemandit ikittuinnaat, immikkut ittumik isertortumik sulinissamik ilinniartinneqarsimasut pineqassapput. Aamma assersuutigalugu politiini tjenestemandit, isertuussamik tusarnaarnissamut atortunik ikkussuisinnaapput imaluunniit inummik aalajangersimasumik isertortumik malersuisinnaallutik. Politiini tjenestemandit, taamatut immikkut ittumik atuuffillit, immikkut ittumik ilinniagaqarsimasuusarput aamma amerlanertigut sivisuumik misilittagaqarsimasarlutik. Qanoq ateqarneri ilisimaneqalerpata, aamma taamaattoqarsimappat, qanoq isikkoqarneri ilisimaneqalerpata, amerlanertigut taakku immikkut ittumik suliassanut taakkununga atorneqaqqissinnaajunnaassapput. Ministereqarfiup isumaa malillugu Kalaallit Nunaanni malittarisassat atornissaannut eqqarsaatigisassat taakku aamma atuupput.

Tamanna tunngavigalugu eqqartuussisarnermik inatsimmi § 458-imi immikkoortumik nutaamik ilanngussisoqarnissaa siunnersuutigineqarpoq, tamatumalu kingorna ilisimannittup immikkut ittumik kiffartuussinermik ingerlatsinerannut pingaarutilimmik eqqarsaatigisassat tamanna pissutissaqartippassuk, aamma § 458, imm. 3-mi aalajangersagassat siunnersuutigineqartoq malillugu unnerluunneqartup illersorneqarneranut paasissutissat pingaaruteqanngitsutut isigineqarpata, politiini tjenestemandip, ilisimannittutut nassuiaasup, atiata aamma najugaata paasissutissiissutigineqannginnissaat eqqartuussivimmi suliap ingerlanneqarnerani eqqartuussisup aqutsisuusup aalajangersinnaavaa.

Ilisimannittup immikkut ittumik kiffartuussinermik ingerlatsineq tunuliaqutaralugu suliaqarnissaa uani taamaammat pingaaruteqarpoq – aamma tamanna tassunga pingaarutilimmik eqqarsaatigisassaavoq. Politiini tjenestemandi, politiit suliassanik nalinginnaasunik suliaqartoq, taamaammat aalajangersagassat siunnersuutigineqartumi ilaatinneqarnaviannigilaq.

Tamatuma saniatigut politiini tjenestemandip atia aamma najugaqarfia pillugu paasissutissat unnerluutigineqartup illersorneqarnerani pingaaruteqanngitsutut isigineqarnissaat piumasaqaataavoq. Uani unnerluutigineqartup ilisimannittup nassuiaataanut isummersinnaanissaanut periarfissaqarnissaata, unnerluutigineqartup politiini tjenestemandiusup nammineq atianik najugaanillu ilisimasaqannginneranik killilerneqarnissaa, pingaaruteqartussaassaaq. Politiini tjenestemandinut sulisaaseq malillugu najugaq pillugu oqaatsip imarisaa ima paasineqassaaq, sumiiffimmi suliffiata assigigaa.

§ 458, imm. 3-tut aalajangersagassatut siunnersuutigineqartup kingunerisaanik, § 448, imm. 1-imi nutaamik normumik ilanngussisoqassaaq, taamaalilluni pingaarnertut isumaqatigiinniarneq sioqqullugu § 448, imm. 1 nr. 7-itut aalajangersagassatut siunnersuutigineqartoq malillugu, unnerluussisussaataasut, illersuisup imaluunniit ilisimannittup noqqaassuteqarnerisigut, politiini tjenestemandip, ilisimannittutut nassuiaateqartup atiata najugaatalu paasissutissiissutigineqannginnissaat pillugu eqqartuussivik aalajangiisinnaangussaaq.

Aammattaaq § 458, imm. 4-itut siunnersuutigineqartup malitsigisaanik, § 448, imm. 1 nr. 6-itut siunnersuutigineqartoq malillugu, politiini tjenestemandi immikkut ittumik kiffartuussinermik ingerlatsisoq killisiorneqartussaattillugu, unnerluutigineqartup eqqartuussivik qimassagaa, eqqartuussivik sioqqutsisumik aalajangiisinnaasariaqartoq siunnersuutigineqarpoq.

Suli kingunerisat ilaattut aammattaaq § 443-imi nutaamik immikkoortumik ilanngussisoqarnissaa siunnersuutigineqarpoq, taamaalilluni politiini tjenestemandit immikkut ittumik kiffartuussinermik ingerlatsisut – politiini tjenestemandit, inuttut sunniiniartartutut sulisimasut pineqartillugit siunnersuutigineqartut assigalugit – § 443, imm. 3-tut aalajangersagassatut siunnersuutigineqartoq malillugu uppersaataat pillugit nalunaarsuiffimmi nammineq aterinngisaminnik allatut atilerlugit taaneqarnissaat aamma najugaqarfiisa taaneqannginnissaat siunnersuutigineqarpoq.

Ilisimannittoq killisiorneqartinnagu eqqartuussiviup ilisimannittup kinaassusaa pillugu qularnaarinninnissaa pillugu § 153-imi ilaatigut § 458, imm. 3-tut siunnersuutigineqartumut innersuussissummik ilanngussisoqarnissaa aammattaaq siunnersuutigineqarpoq.

Tamanna politiini tjenestemandip kinaassusaata isertuunneqarnissata eqqarsaatigineqarneranut pisariaqartinneqarpat, aamma § 458, imm. 4-tut aalajangersagassatut siunnersuutigineqartoq malillugu unnerluussaasup illersorneqarneranut pingaaruteqanngitsutut isigineqarpat, politiini tjenestemandi immikkut ittumik kiffartuussinermik ingerlatsisoq killisiorneqartussaattillugu, unnerluussaasup eqqartuussivimmit qimagunnissaa pillugu, eqqartuussivimmi suliap ingerlanneqarnerani eqqartuussisoq aqutsisoq aalajangiisinnaavoq.

Politiini tjestemandip kinaassusaata illersorneqarnissaa suli pitsanngorsarniarlugu, eqqartuussinermi tamanut ammasumi suliap suliarineqarnerata politiini tjestemandip immikkut ittumik kiffartuussinermik ingerlatsisup kinaassusaata paasisitsissutigineqarnissaa ilimagineqarpat, § 114, imm. 2-mi pinerluttoqarneranik suliat pillugit eqqartuusivik matut matuneqarnissaanik aalajangiisinnaasoq pillugu nutaamik normumik ilanngussisoqarnissaa siunnersuutigineqarpoq.

### **3. Pisortanut aningaasaqarnikkut kinguneri aamma atuutilersitsinerup kinguneri**

Inatsiseqarnermut ministereqarfiup suliassaqaarfianut inatsisissatut siunnersuut killilimmik aningaasartuuteqarnerunermik kinguneqassasoq naatsorsuutigineqarpoq, taakkulu Inatsiseqarnermut ministereqarfimmut aningaasatigut killissarititaasut iluannit aningaasalersorneqarsinnaanerata naatsorsuutigineqarpoq.

### **4. Inuussutissarsiortunut il.il. aningaasaqarnikkut allaffissornikkullu kinguneri**

Inuussutissarsiortunut il.il. inatsisissatut siunnersuut allaffissornikkut kinguneqassanngilaq.

### **5. Innuttaasunut allaffissornikkut kinguneri**

Innuttaasunut inatsisissatut siunnersuut allaffissornikkut kinguneqassanngilaq.

### **6. Silap allanngoriartorneranut kinguneri**

Inatsisissatut siunnersuut silap allanngoriartorneranut kinguneqanngilaq

### **7. Avatangiisinut-pinnngortitamullu kinguneri**

Inatsisissatut siunnersuut avatangiisinut pinnngortitamullu kinguneqassanngilaq.

### **8. EU-mi inatsisinut pissutsit**

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

## 9. Oqartussat suleqatigiiffillu il.il. tusarniaaffigineqartut

Inatsisissatut siunnersuummut missingiut piffissami ullormiit 2023-imi 16. maj-imiit 13. juni-mut oqartussaasuni suleqatigiiffinnilu il.il. tulluittuni tusarniutigalugu nassiuuneqarpoq:

Østre Landsret, Vestre Landsret, Nunatta Eqqartuussisuuneqarfia, Nunatsinni Eqqartuussivik, Advokatrådet, Advokatsamfundet, Amnesty International, Avannaata Kommunua, Danske Advokater, Dansk IT, Datatilsynet, Den Danske Dommerforening, Det Kriminalpræventive Råd, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq, Dommerfuldmægtigforeningen, Domstolsstyrelsen, Kalaallit Nunaanni illersuisut peqatigiiffiat, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Foreningen af Statsadvokater, Fængselsforbundet, Grønlandske Advokater, Grønlands Politiforening, Inuit pisinnaatitaaffii pillugit Siunnersuisoqatigiit, Institut for Menneskerettigheder, Justitia, Kommune Qeqertalik, Kommuneqarfik Sermersooq, Kommune Kujalleq, Sumiiffinni eqqartuussisut peqatigiiffiat, Kriminalforsorgsforeningen, Kriminalpolitisk Forening (KRIM), Landsforeningen af Forsvarsadvokater, Nunatta Illersuisuunera, Nunatsinni Advokatit, PiSiu (Kalaallit Nunaanni Pinerlutsaaliuinermit Siunnersuisoqatigiit), Politiforbundet i Danmark, Retspolitisk Forening, Rigsadvokaten, Rigspolitiet, Rådet for Digital Sikkerhed, aamma Qeqqata Kommunua.

## 10. Immersugaq eqikkaaffiusoq

	Pitsaasumik sunniutissai/aningaas artuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaa sartuu-teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu	Soqanngilaq	Inatsiseqarnermut ministereqarfiup

immikkoortuinut aningaasaqarnikkut kinguneri		suliassaqarfianut inatsisissatut siunnersuut killilimmik aningaasartuuteqarn erunermik kinguneqassasoq naatsorsuutigineqarp oq, taakkulu Inatsiseqarnermut ministereqarfimmut aningaasatigut killissarititaasut iluannit aningaasalersorneqa rsinnaanerat naatsorsuutigineqarp oq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut aningaasaqarnikkut kinguneri	Soqanngilaq	Soqanngilaq
Silap allanngoriartorneranut kinguneri	Soqanngilaq	Soqanngilaq
Inuussutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Silaannaap allanngoriartorneranut kinguneri	Soqanngilaq	Soqanngilaq
Avatangiisinut- pinngortitamullu kinguneri	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	



EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannu t akerliuvoq/EU-mi malittarisassiuinermi minnerpaamik piumasaqaatinik qaangiivoq (X-ileruk)	Aap	Naagga  X
---	-----	-----------------

# Inatsisissatut siunnersuummi aalajangersakkanut ataasiakkaanut oqaaseqaatit

## § 1-imut

### Nr. 1-imut

Ilaatigut inimi eqqartuussiviusumi eqqissimatitsinissamut eqqarsaatigisassanut piumasqaataappat, eqqartuussineq matoqqasumik pissasoq (matunik matusineq) eqqartuussiviup aalajangersinnaagaa, eqqartuussisarnermik inatsimmi § 114, imm. 1-imi takuneqarsinnaavoq. Aammattaaq § 114, imm. 2 malillugu pinerluttulerinermik suliani, 1) pasisaq (unnerluussaasoq) 18-it inorlugit ukioqarpat, 2) tamanut ammasumik eqqartuussisoqarnerani suliap arlaata isumannaatsuunissaa navianartorsiortissagaa ilimagineqarpat, imaluunniit 3) tamanut ammasumik eqqartuussisoqarnerani suliap paasissutissinneqarnissaanut pingaarutilimmik akornusiinissaa ilimagineqarpat, eqqartuussivik matut matuneqarnissaa pillugit aalajangiisinnaavoq.

Eqqartuussisarnermik inatsimmi § 114, imm. 2-mi nutaamik *nr. 2-mik* ilanngussisoqarnissaa siunnersuutigineqarpoq. Tamatuma kingorna nr. 3 aamma 4 nr. 3-nngusaaq aamma 4-ngussalluni. Politiini tjestemandi immikkut ittumik kiffartuussinermik ingerlatsisoq nassuiaasussaatillugu, aamma immikkut kiffartuussineq taanna eqqarsaatigalugu kinaassutsip isertuunneqarnissaa pisariaqartinneqarpat, pinerluttulerinermi suliani matup matuneqarnissaa aalajangersagassatut siunnersuutigineqartoq malillugu aalajangerneqarsinnaavoq.

Aalajangersagassatut siunnersuutigineqartumi »Politiini tjestemandi immikkut ittumik kiffartuussinermik ingerlatsisoq«, ingammik politiini tjestemandit, politiini immikkut ittumik atuuffia eqqarsaatigalugu inuttut kinaassusaata ilisimaneqannginnissaa apeqqutaamat paasineqassaaq. Uani ilaatigut politiini tjestemandit ikittuinnaat, immikkut ittumik isertortumik sulinissamik ilinniartinneqarsimasut pineqassapput. Uani aamma politiini tjestemandit, isertuussamik tusarnaarnissamut atortunik ikkussuisinnaasut imaluunniit inummik aalajangersimasumik isertortumik malersuisinnaasut pineqarsinnaapput.

§§ 443-imi aamma 458-imi aalajangersakkanik allannguineranut siunnersuutigineqartunut aalajangersagassatut siunnersuutigineqartoq ataqatigiisillugu isigineqassaaq.

Aammattaaq aalajangersagaq eqqartuussisarnermik inatsimmi § 448, imm. 1, nr. 2-mut ataqatigiissillugu isigineqassaaq, tamatumalu kingorna pingaarnertut isumaqatigiinniarnert sioqqullugit, unnerluussisunit, illersuisumit imaluunniit ilisimannittumilluunniit noqqaasoqarneratigut, §§ 114-imiit 115 ilanngullugu malillugit matut matuneqarnissaannik eqqartuussivik aalajangiisinnaavoq.

Aalajangersakkap qallunaat eqqartuussisarnermik inatsisaanni § 29, imm. 3, nr. 2 assigaa.

Aammattaaq oqaaseqaatini nalinginnaasuni imm. 2.2.9-mut aamma inatsisissatut siunnersuutip § 1, nr. 7-anut aamma oqaaseqaatit innersuussutigineqarput.

Nr. 2-mut

Imm. 2, nr. 3-p malitsigisaanik matunik matusineq taamaallaat siullermeeraluni suliarinninnermi pingaarnertut isumaqatigiinniarnertup nalaani aamma unnerluunneqartumit allaanerusunut pissutsit taakku pillugit kingusinnerusukkut unnerluussisoqarnissaa naatsorsuutigineqarpat, aamma matut matuneqarnissaat immikkut ittumik eqqarsaatigisassat pisariaqartippassuk, taamaallaat pisinnaasoq, eqqartuussisarnermik inatsimmi § 114, imm. 1-imi oqaaseqatigiinni siullerni takuneqarsinnaavoq.

*§ 114, imm. 3-mi oqaaseqatigiinni siullerni »imm. 2, nr. 3« ima allanngortinneqassasoq »imm. 2, nr. 4« siunnersuutigineqarpoq. Aalajangersagassatut siunnersuutigineqartoq malillugu, suliap tamanut ammasumik eqqartuussutigineqarnera, suliamut pingaarutilimmik akornusiinissaa ilimagineqarpat, taamaallaat siullermeeraluni suliarinninnermi pingaarnertut isumaqatigiinniarnertup nalaani matut matuneqarnissaat aamma unnerluunneqartumit allaanerusunut pissutsit taakku pillugit kingusinnerusukkut unnerluussisoqarnissaa naatsorsuutigineqarpat, aamma matut matuneqarnissaat immikkut ittumik eqqarsaatigisassat pisariaqartippassuk, taamaallaat pisinnaavoq.*

Inatsisit atuuttut allanngortinneqarnissaannik allannguutissatut siunnersuut kinguneqassanngilaq.

Aalajangersakkap qallunaat eqqartuussisarnermik inatsisaanni § 29, imm. 4-imi, oqaaseqatigiit siulliit assigai.

Nr. 3-mut

Sulianut pinerluttulerinermi inatsimmi § 74-imut, § 77-imut aamma § 80, imm. 2-mut tunngassuteqartunut, pineqartup noqqaassuteqarneratigut, eqqunngitsuliorfigineqartup nassuiaanerani matut matuneqassasut, eqqartuussisarnermik inatsimmi §115, imm. 1-ip malitsigaa. Tamanna aamma sulianut § 77 malillugu pinerluttulerinermi inatsimmi § 79-ip unioqqutinneqarneranik tunngassuteqartunut aamma atuuppoq. § 115, imm. 2 malillugu nipit immiussat tusarnaartinneqarneranni imaluunniit assilissat immiussat takutinneqarneranni, tassani pissutsit suliap nalaani pasilliutigintert imaluunniit unnerluussutigineqartut oqaluttuareqqinneqarneranni, imm. 1 taamatuttaaq atuuppoq.

Eqqartuussisarnermik inatsimmi § 115-imi imm. 3-mik nutaamik ilanngussisoqarnissaa siunnersuutigineqarpoq.

Politiini tjenestemandip imaluunniit politiini atorfillip, § 349 a-mi taaneqartunik iliutsinik suliaqarsimasup nassuiaateqarnerata nalaani, unnerluussisussaataasut noqqaassuteqarnerisigut, matut matuneqartarnissaat aalajangersagassat siunnersuutigineqartup malitsigaa.

Politiini tjenestemandi imaluunniit politiini atorfilik, eqqartuussisarnermik inatsimmi § 349 a-tut aalajangersagassat siunnersuutigineqartoq malillugu inuttut sunniiniartartutut atuussimasoq nassuiaasussaattillugu, matumuuna unnerluussisussaataasut piumasaqaatitaqanngitsumik matut matuneqarnissaannik piumasaqaateqarsinnaalersut aalajangersagassat siunnersuutigineqartup kingunerissavaa.

Politiini inuttut sunniiniartartup inunnit pinerluttuliornermik avatangiisilinnit pillaatitut akiarneqarnissaanut illersorneqarnissaa aamma kingusinnerusukkut inuttut sunniiniartartutut atorneqaqqissinnaanerata qulakkeerneqarnissaa aalajangersagassat siunnersuutigineqartup siunertaraa.

§§ 443-imi aamma 458-imi aalajangersakkanik allannguineranut siunnersuutigineqartunut aalajangersagassat siunnersuutigineqartoq ataqatigiissillugu isigineqassaaq.

Aammattaaq aalajangersagaq eqqartuussisarnermik inatsimmi § 448, imm. 1, nr. 2-mut ataqatigiissillugu isigineqassaaq, tamatumalu kingorna

pingaarnertut isumaqatigiinniarnert sioqqullugit, unnerluussisunit, illersuisumit imaluunniit ilisimannittumilluunniit noqqaasoqarneratigut, §§ 114-imiit 115 ilanngullugu malillugit matut matuneqarnissaannik eqqartuussivik aalajangiisinnaavoq.

Aalajangersakkap qallunaat eqqartuussisarnermik inatsisaanni § 29 a, imm. 3 assigaa.

Aammattaaq oqaaseqaatini nalinginnaasuni imm. 2.2.8-mut aamma inatsisissatut siunnersuutip § 1, nr. 7-anut oqaaseqaatit innersuussutigineqarput.

Nr. 4-imut

Akuusup qanigisaasa ilisimannittutut nassuiaannissaq pisussaaffiginngikkaat eqqartuussisarnermik inatsimmi § 144, imm. 1-p malitsigaa.

Nassuiaat 1) ilisimannittumut namminermt pinerluttulerineq pillugu inatsiseqartitsineq malillugu malersorneqarnissamut aarlerinaateqartitsitsisussatut ilimagineqarpat imaluunniit atugarissaarnerminik annaasaqarnissaa ilimagineqarpat imaluunniit 2) ilisimannittup qanigisaasa pinerluttulerineq pillugu inatsiseqartitsineq malillugu malersorneqarnissaannut aarlerinaateqartitsitsisussatut ilimagineqarpat imaluunniit atugarissaarnerminnik annaasaqarnissaat ilimagineqarpat imaluunniit 3) ilisimannittoq nammineq imaluunniit taassuma qanigisai allatut malunnaatilimmik ajoquserneqassappata, imm. 2 malillugu nassuiaannissaq aamma pisussaaffiunngilaq.

Nassuiaat suliap inernissaanut pingaarutilimmik kinguneqassappat aamma akuusumut pineqartumut suliap qanoq issusaa pingaaruteqassusaalu imaluunniit inuiaqatigiit tamanna naleqquttumik pissutissaqartippassuk, pisuni imm. 1-imi aamma imm. 2, nr. 2-mi aamma 3-mi taaneqartuni eqqartuussivimmit taamaattoq ilisimannittoq nassuiaaqqullugu peqquneqarsinnaavoq.

Eqqartuussisarnermik inatsimmi § 144-imi nutaamik *imm. 4-mik* ilanngussisoqarnissaa siunnersuutigineqarpoq. Ilisimannittoq § 349 a-mi iliuutsinik taaneqartunik iliuuseqarsimappat, aamma suliap qanoq issusaata suliallu akuusumut pineqartumut pingaaruteqassusaata imaluunniit inuiaqatigiit tamanna naleqquttumik pissutissaqartippassuk, pisuni imm. 2, nr. 3-mi taaneqartuni eqqartuussiviup ilisimannittoq nassuiaateqaqqullugu peqqusinnaavaa.

Naak imm. 2, nr. 3-mi pisussaajunnaarsitaanissamut pissutaasusaaq taaneqartooq (nassuiaanerup ilisimannittumut namminerup taassumaluunniit qanigisaanut allatut malunnaatilimmik ajoqusiiinnaanera) najuukkaluartooq – ilisimannittoq politiinut inuttut sunniinartartutut atuussimappat, aamma suliap qanoq issusaata taassumalu pineqartumut pingaaruteqarnera imaluunniit inuiaqatigiit tamanna pissutissaqartippassuk, eqqartuussiviup ilisimannittoq nassuaaqullugu peqqusinnaagaa, aalajangersagassatut siunnersuutigineqartup kingunerissavaa.

Qallunaat eqqartuussisarnermik inatsisaanni § 171, imm. 4 aalajangersakkap assigaa.

Oqaaseqaatini nalinginnaasuni imm. 2.2.8.3 aamma 2.2.8.4 kiisalu isumaliutissiissummi quppernerit 186-imiit 193 ilanngullugu aamma 204-imiit 205 ilanngullugu innersuussutigineqarput.

Nr. 5-imut

Ilisimannittup killisiorneqannginnerani, eqqartuussiviup ilisimannittup kinaassusaa, aamma ilisimannittup nassuiaanissaanut akornutissaqannginnera qulakkiissagaa, eqqartuussisarnermik inatsimmi § 153-imi oqaaseqatigiit siulliit malitsigaa.

*§ 153-imi oqaaseqatigiinni siullerni, »ilisimannittup kinaassusaa«-ta kingorna »§ 458, imm. 2 aamma 3 taamaattoq takuuk« ilanngunneqassasoq siunnersuutigineqarpoq.*

Ilisimannittoq politiini tjenestemandiuppat imaluunniit politiini atorfeqarpat, taannalu § 349 a-mi taaneqartunik iliuuseqarsimappat, ilisimannittup killisiorneqannginnerani eqqartuussiviup ilisimannittup kinaassusaanik qulakkeerinnittariaqannginnissaa, aalajangersagassatut siunnersuutigineqartup kingunerissavaa. Politiini tjenestemandi imaluunniit politiini atorfik, § 349 a-mi taaneqartunik iliuuseqarsimasooq, atini sumilu najugaqarnini taanagit nassuiaasinnaasooq, taamaalilluni § 458, imm. 2-p malitsigaa. Aammattaaq § 458, imm. 3 malillugu politiini tjenestemandip, ilisimannittutut nassuiaasup, ilisimannittup immikkut ittumik sulinermini atuuffiitut eqqarsaatigisassat tamanna pissutissaqartippassuk, aamma unnerluunneqartup illersorneqarneranut paasissutissat pingaaruteqanngitsutut isigineqarpata, atiata najugaqarfiatalu taaneqannginnissaat eqqartuussiviup siulittaasuata aalajangersimappagu,

killisiuisoqartinnagu eqqartuussiviup ilisimannittup kinaassusaa qulakkeertussaassanngilaa.

Politiini tjenestemandimit imaluunniit politiini atorfilimmit, inuttut sunniiniartartutut atuussimasumit, imaluunniit politiini tjenestemandimit immikkut ittumik kiffartuussinermik ingerlatsisumit, tassani immikkut ittumik kiffartuussinermik ingerlatsinerup eqqarsaatigineqarnissaa pillugu kinaassutsip isertuuneqarnissaa pingaaruteqarpat, nassuiaasoqartussaattillugu, pineqartup politiini tjenestemandiunera imaluunniit politiini atorfeqarnera pillugu allakkatigut uppernarsaatinik eqqartuussivik piumasaqarsinnaavoq. Pineqartup atorfeqarnera pillugu politiini aqutsisut qullersaasa allakkatigut nalunaarutaat, tassunga atatillugu uppernarsaatitut pisariaqartinneqartutut isigineqartussaavoq. Inuk sunniiniartartoq nunanit allaneersoq pineqartillugu, assigisaanik nunani allani politiini oqartussaasut qullersaasa nalunaarutaat uppernarsaatitut naammattut isigineqassaaq.

Nalinginnaasumik oqaaseqaatini imm. 2.2.8 aamma 2.2.9 innersuussutigineqarput.

Nr. 6-imut (§§ 349 a-miit e ilanngullugu)

Inatsisinik unioqqutitsinerit pillugit pinerluttoqarsimaneranik paasiniaanermut atatillugu politiit ikiuisinnaanerat imaluunniit kialluunniit inatsimmik unioqqutitsinissaanut imaluunniit ingerlatitsiinnarnissaanut kajumissaarneqarnissaa siunertaralugu iliuutsinik aalajangiisinnaanerat pillugu eqqartuussisarnermik inatsit malittarisassanik imaqqanngilaq.

Eqqartuussisarnermik inatsimmi pinerluttoqarsimaneranik paasiniaanermi immikkut ittumik iliuutsit pillugit nutaamik kapitalimik 34 a-mik ilanngussisoqarnissaa siunnersuutigineqarpoq. Aalajangersagassatut siunnersuutigineqartut qallunaat eqqartuussisarnermik inatsisaanni § 754 a-mi aalajangersakkat § 349 a-mi aalajangersakkat assigaat. Aalajangersakkani taakkunani politiit inatsisinik unioqqutitsinerit pillugit pinerluttoqarsimaneranik paasiniaanerminnut ilaatillugu inunnik sunniiniartartunik atuisinnaanerat pillugu piumasaqaatit erseqqinnersut aalajangersarneqarput.

*§ 349 a, imm. 1-imut*

Politiit inatsimmik unioqqutitsisoqarsimanera pillugu paasiniaanerminnut atatillugu, piumasaqaatit imm. 1-imi nr. 1-imiit 3 ilanngullugu naammassineqarsimatinnagit, nammineerlutik suliniuteqarnermikkut

kimulluunniit inatsimmik unioqutitsinissamut imaluunniit inatsimmik unioqutitsinerup nangiinnarnissaanut ikiuinissamut neqerooruteqassanngitsut, eqqartuussisarnermik inatsimmi § 349 a, imm. 1 aqqutigalugu siunnersuutigineqarpoq.

Politiit inatsimmik unioqutitsisoqarsimanera pillugu pinerluttoqarsimaneranik paasiniaanerminnut atatillugu erseqqinnerusumik piunasaqaatit naammassisimangikkunikkit, sunniiniarsinnaanngitsut, aalajangersagassatut siunnersuutigineqartup kingunerissavaa. § 349 a, imm. 1, nr. 1-imiit 3 ilanngullugu oqaaseqaatit ataaniittut innersuussutigineqarput.

*§ 349 a, imm. 1, nr. 1-imit*

Politiit sunniiniarsinnaanerannut, inatsimmik unioqutitsisoqalenera imaluunniit misiliisoqarsimanera pissutissaqartumik pasitsaanneqassasoq, eqqartuussisarnermik inatsimmi § 349 a, imm. 1, nr. 1-ikkut piunasaqaataassasoq siunnersuutigineqarpoq.

Pasitsaassisimanissamik piunasaqaat inissinneqassasoq, tamatumalu kingorna inatsimmik unioqutitsisoqalenera imaluunniit misiliisoqarsimanera pissutissaqartumik pasitsaanneqassasoq, aalajangersagassatut siunnersuutigineqartup kingunerissavaa.

Pasitsaassinermik piunasaqaat siunnersuutigineqartoq eqqartuussisarnermik inatsimmi § 359, imm. 1-imi pasisap tigummigallarnernerani, kiisalu eqqartuussisarnermik inatsimmi § 403, imm. 1 malillugu timip misissornernerani, aamma eqqartuussisarnermik inatsimmi § 434, imm. 2 malillugu pinerluuteqarsimasutut ilimagineqartup assingata tamanut saqqummiunneqarnerani, pasitsaassinermik piunasaqaatip assigaa.

Politiit sunniiniarsinnaanerannut, inatsimmik unioqutitsisoqalerneranik imaluunniit misiliisoqarsimaneranik aalajangersimasunik pissuteqartoqarnissaa ilimagineqassasoq, pasitsaassisimanissamik piunasaqaatip oqaasertalerneqarnerata kinguneraa. Assersuutigalugu inatsimmik unioqutitsinissaq pillugu pilersaaruteqartoqarneranik imaluunniit aallartitsisoqarneranik politiit ilisimasaat paasissutissiisartumit paasissutissanik tunngaveqarsinnaapput, tamannalu assersuutigalugu aaqqissuusaasumik pinerluttuliortarnerni amerlanertigut pisarpoq.

Pasitsaassineq – tigummigallagaaneq pillugu § 359-imisut – inummut aalajangersimasumut sammitinneqanngimmat, kisianni pissutsimut, tassani



inatsimmik unioqqutitsinerup suliarineqalerneranut imaluunniit misilinneqalerneranut sammitinneqarmat maluginiarneqassaaq. Taamatut taasinnikkut pasitsaassineq pillugu piumasaqaatip aamma sunniiniarneq pillugu qutsinnerpaamik killiliussamik taaneqartartup akornanni ataqatigiinneq aammattaaq erseqqissarneqarpoq. Taamaallaat inatsimmik unioqqutitsineq aallartereersoq imaluunniit misiliutigineqartoq pasitsaassinermi pineqarpat, politiit sunniiniarnermik aallartitsinissaat akuerisaavoq. Kisianni misiliilluni iliuutsit aallartinneqarsimanerat pissutissaqartumik ilimagineqanngippat, inatsimmik unioqqutitsinerup pinissaa pillugu pasitsaassisoqarnera naammangilaq.

Aammattaaq oqaaseqaatini nalinginnaasuni immikkoortoq 2.2.2.1 innersuunneqarpoq.

*§ 349 a, imm. 1, nr. 2-mut*

Ilisarnaatit pillugit piumasaqaammik inissiisoqarnissaa, tamatumalu kingorna pinerluttoqarsimaneranik paasiniaanermut pingaarutilimmik kinguneqarnissaa ilimagineqarpat, politiit sunniiniarsinnaaner at aalajangersagassatut siunnersuutigineqartup kingunerissavaa. Pinerluttoqarsimaneranik paasiniaanermi pinerluttoqarsimaneranik paasiniaanermiinnut tamanna atortussatuarissagaat aalajangersagaq malillugu piumasaqaataanissaa, tamatuma kingunerinnigilaa. Politiit aamma aalajangersagaq malillugu pisuni periarfissat allat atornerqarsinnaatillugit, kisianni periarfissat taakku assersuutigalugu nalorninaateqarpata, pinerluttoqarsimaneranik paasiniaanermik ingerlatitseqqinnissamut ajoqusiinissaat aarlerinaateqarpata imaluunniit isumalluutinik piumasaqaateqarpallaarpata, inunnik sunniiniartartunik atuisinnaassapput.

Ilisarnaatit pillugit piumasaqaatip eqqartuussisarnermik inatsimmi nalunaaruteqartarnermi isertuussinissamut akuliunneq pillugu § 384, imm. 1, nr. 2-tut oqaasertaliussat assigai.

Aammattaaq oqaaseqaatini nalinginnaasuni immikkoortoq 2.2.2.2 innersuussutigineqarpoq.

*§ 349 a, imm. 1, nr. 3-imut*

Pinerluttoqarsimaneranik paasiniaanermi inatsimmik unioqqutitsineq immikkut ittumik ingasassusilik pineqassasoq, imaluunniit pinerluttulerinermi inatsimmi § 85, imm. 1-ip imaluunniit 2-p, § 104-p, § 105-ip, § 108-p, § 111, imm. 1-ip imaluunniit § 111 a-p, inatsisinillu

unioqutitsineq Ikiaroorartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqutitsinerit pineqassasoq, politiit sunniinarsinnaanerannut piumasaqaataasoq, § 349 a, imm. 1, nr. 3-*kkut*, siunnersuutigineqarpoq.

Pinerluttuliortoqarsimaneranik piumasaqaatinik inissiisoqarnissaa aalajangersagassatut siunnersuutip kingunerissavaa, tamatumalu kingorna pinerluttoqarsimaneranik paasiniaaneq inatsimmik unioqutitsinermit sakkortuumut tunngassuteqarpat, imaluunniit pinerluttoqarsimaneranik paasiniaaneq meeqqanik kanngunartuliornermut tunngassuteqarpat (pinerluttulerinermit inatsimmi § 85, imm. 1 aamma 2, § 104), paasissutissat pillugit peqquserlunneq (pinerluttulerinermit inatsimmi § 105), pinngitsaaliilluni iliuuseqartitsineq (pinerluttulerinermit inatsimmi § 108), tillitanik niuerneq (pinerluttulerinermit inatsimmi § 111, imm. 1), imaluunniit aningaasatigut peqquserluutinik malunnarunnaarsaaneq (pinerluttulerinermit inatsimmi § 111 a), inatsisinillu unioqutitsineq internetti atorlugu unioqutitsinerutillugu, Ikiaroorartut pillugit Inatsisartut inatsisaannik imaluunniit Sakkut pillugit Kalaallit Nunaannut inatsimmik unioqutitsinermit tunngassuteqarnissaat, politiit taamaallaat inunnik sunniinartartunik atuisinnaasut, aalajangersagassatut siunnersuutigineqartup kingunerissavaa.

“Immikkut ittumik sakkortuumik inatsimmik unioqutitsinermit” pisoqarsimanissaanik aalajangersakkami pineqartumi siullermi piumasaqaammut tunngatillugu, qallunaat malittarisassaanni assingusuni (qallunaat eqqartuussisarnermit inatsisaanni § 754 a, imm. 1, nr. 3, pineqartut siullianni) ukiuni 6-linni imaluunniit taakku qaangerlugit parnaarussaansamik piumasaqaateqarmat maluginiarneqassaaq. Qallunaat eqqartuussisarnermit inatsisaanni pillaanissaq pillugu eqqartuussisutigoortitsisoqartillugu aalajangersakkat allat pillugit akuliunnerit, pinerluuteqarsimanerup kingunerisaanik minnerpaamik ukiuni 6-linni parnaarussaansamik killiliussamik imaqartuni, kalaallit eqqartuussisarnermit inatsisaanni pinerluuteqarsimanerup kingunerisaanik pineqaatissiinissaq pillugu aalajangersakkanik assigisaanik peqarpoq, tamatumalu kingorna immikkut ittumik sakkortuumik inatsimmik unioqutitsineq pineqassaaq. Folketingstidende 2007-08, ilanngussaq A, qupperneq 1341 siumullu malillugit, “Immikkut ittumik sakkortuumik” inatsimmik unioqutitsineq, malittarisassaq pingaarneq malillugu inatsimmik unioqutitsinertut, piumasaqaatitaqanngitsumik inissiisarfimmi inissiinermik, sivisuumik sivisussusilimmik eqqartuussisoqarnissaanik piviusumik ilimasuttoqarneranik paasisariaqarpoq.

Pisut immikkut ittumik sakkortuut imaluunniit pisimasut ilungersunartut pineqartinnagit, eqqartuussisarnermik inatsimmi § 349 a, imm. 1, nr. 3-mi pineqartut aappaannut ilaatinneqartussatut siunnersuutigineqarnerat, taakku aallaaviatigut immikkut ittumik sakkortuumik inatsimmik unioqqutitsinertut nalilerneqarsinnaanngimmata, aalajangersakkanut inatsisinullu taaneqartunut ataatsimoorussaavoq.

Attaveqatigiinneq qarasaasiaq, oqarasuaat angallattagaq imaluunniit elektroniskiusumik attaveqatigiinnermut atortoq alla atorlugu pinera apeqqutaatinnagu, inatsisissatut siunnersuummi matumani paasissutissanik tunngavilimmik attaveqatigiinneq internettit paasineqassaaq.

Politiit pasineqartullu aallarniutaasumik attaveqarnerat internetti atorlugu pisimatillugu, politiit pasineqartillugu akornanni ingerlatsinerup nalaani tamarmiusumi internetti atorlugu pisimanissaa, politiit sunniiniarneranni piumasaqaataanngimmat, tassunga atatillugu maluginiarneqassaaq.

Qulaani aalajangersakkanut pineqartunut innersuussutit pineqartillugu tulliuuttut atuupput:

Suliani meeqqanik kanngunartuliornernik siammarterineq pigisaqarnerlu pillugit, pinerluttulerinermi inatsisimmi § 85, imm. 1 imaluunniit 2 unioqqutinneqarsimanera pillugu pinerluttuliorqarsimaneranik paasiniaaneq pillugu, unioqqutitsineq internetti atorlugu unioqqutitsinerusimappat, politiit siullertut aaqqissuussineq siunnersuutigineqartoq malillugu sunniiniarsinnaapput.

Eqqartuussisarnermik inatsimmi § 349 a, imm. 1, nr. 3-tut aalajangersagassatut siunnersuutigineqartumi pinerluttulerinermi inatsimmi § 85, imm. 1-ip innersuussutigineqarneqarnerani, taamaalilluni taamaallaat pisup, tassani inatsimmik unioqqutitsinerup immikkut ittumik sakkortuutut taasariaqanngitsup, eqqorneqarnissaa siunertarineqarpoq, tassami immikkut ittumik sakkortuumik inatsimmik unioqqutitsinerit aalajangersakkami pineqartumi siullermi ilaatinneqassammata.

Suliani meeqqanik kanngunartuliornernik tunngassuteqartunik siammarterineq pigisaqarnerlu pillugit pinerluttoqarsimaneranik paasiniaanermi, ilaatigut internettimi pinerluuteqartunik oqaloqatiginninnissaq siunertaralugu, politiit inunnik sunniiniartartunik

atuisinnaanermik periarfissinneqarnissaat pinerluttulerinermi inatsimmi § 85, imm. 1-imut aamma 2-mut innersuussinermi siunertarineqarpoq.

Aaqqissuussineq siunnersuutigineqartoq atorlugu meeqqanik kanngunartuliornert pillugit suliani politiit inuit sunniiniartartut atorlugit paarlaasseqatigiissinnaanngillat imaluunniit allatigut ingerlatitseqqissinnaanngillat. Politiit meeqqap innarlerneqarneranik imaluunniit innarleqqinneqarneranik peqataasinnaannginnerat, kiisalu pissut una politiit meeqqanik kanngunartuliornernik taamaattunik ingerlatitseqqittoqarpat ingerlatitseqqinnermik nakkutilliisinnaanaviannnginnerat tassunga pissutaavoq. Taamaalillutik pisuni, politiit inuup taassuminnga oqaloqatiginnisinnaanissaannut, pasineqartup tamanna piumasarippagu, politiit meeqqanik kanngunartuliornernik paarlaasseqatigiissinnaanngillat.

Aaqqissuussineq siunnersuutigineqartoq malillugu suliani peqquserlunneq pillugu pinerluttulerinermi inatsimmi § 104-ip aamma paasissutissat pillugit peqquserlunneq pillugu § 105-ip unioqqutinneqarnerani pinerluttoqarsimaneranik paasiniaanermi politiit aappaattut inunnik sunniiniartartunik atuisinnaapput.

Aaqqissuussinermi siunnersuutigineqartumi pisuni inatsimmik unioqqutitsilluni peqquserlunnerit paasissutissallu pillugit peqquserlunnerit, immikkut ittumik sakkortuumik taaneqarsinnaanngitsut taamaallaat ilaatinneqarput. Kisianni inatsimmik unioqqutitsinerit immikkut ittumik sakkortuutut taaneqarsinnaappata, § 349, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassapput.

Aaqqissuussineq siunnersuutigineqartoq malillugu suliani pinngitsaaliilluni iliuseqartitsiniarneq pillugu pinerluttulerinermi inatsimmi § 108-p unioqqutinneqarsimanera pillugu pinerluttoqarsimaneranik paasiniaanermi pingajuattut politiit sunniiniarsinnaapput.

Aaqqissuussinermi siunnersuutigineqartumi taamaallaat pinngitsaaliilluni iliuseqartitsiniarnerit, immikkut ittumik sakkortuumik inatsimmik unioqqutitsinermut taaneqarsinnaanngitsut ilaatinneqarput. Kisianni inatsimmik unioqqutitsineq immikkut ittumik sakkortuutut taaneqarsinnaappat, inatsimmik unioqqutitsinermik immikkut ittumik sakkortussusilimmik pinerluttoqarsimaneranik paasiniaaneq pillugu § 349,

imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassaaq.

Aaqqissuussineq siunnersuutigineqartoq malillugu, inatsimmik unioqquitsineq internetti atorlugu pisimappat, tillitanik niuerneq pillugu pinerluttulerinermi inatsimmi § 111, imm. 1-ip unioqquatinneqarneranik pinerluttoqarsimaneranik paasiniaanermi sisamaattut politiit sunniiniarsinnaapput.

Pinerluttulerinermi inatsimmi § 111, imm. 1-imi nalinginnaasumik tillitanik niuernerit, sakkortuumik aamma immikkut sakkortuutut pissusilimmik tillitanik niuernerit ilaatinneqarput. Pisut immikkut ittumik sakkortussusillit § 349 a, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassapput, akerlianilli internetti atorlugu pinerluuteqarneq pippat, pisut allat pinerluttulerinermi inatsimmi § 111, imm. 1-imi pineqartup aappaanut innersuussinermut ilaatinneqassallutik.

Aaqqissuussineq siunnersuutigineqartoq inatsisinik unioqquitsinernut annikitsuarakasiusunut atorneqarneqarnissaa naatsorsuutigineqanngilaq, tassani tillitat aningaasanik nalikitsuarakasiusutut nioqquutigineqarneri pineqarlutik. Pisuni taamaattuni aaqqissuussinermi siunnersuutigineqartumi sunniiniarneq pillugu malittarisassat politiit atorsinnaanaviannngilaat.

Pisinerup piviusumik tillinniarnernik nutaanik inniminniinertut isigineqannginnissaa politiit aammattaaq qulakkiissavaat. Tamanna assersuutigalugu politiit nioqquutissiamik tuniniarneqartumik pisineq sioqqullugu, tillissimasumut nioqquutissiap ingerlaannaq tunniunneqarnissaanik, imaluunniit tuniniaasup nioqquutissiaq pillugu assinik ilassutaasunik politiinit erseqqinnerusumik ilitersorneqarluni nassiusinissaanik, piumasaqaateqarnikkut pisinnaavoq.

Suliani tillitanik tuniniaanermut tunngassuteqartuni pinerluttoqarsimaneranik paasiniaanermi – piumasaqaatit nalinginnaasut naammassineqarsimatillugit – qaqugukkut politiit sunniiniarneq pillugu malittarisassanik atuisinnaanersut pillugit assersuut tassaasinnaavoq, pisumi tassani tillitanik tuniniaaneq pillugu aalajangersakkap unioqquatinneqarsimanera pillugu, assersuutigalugu tillinniaq sinnerlugu nioqquutissianik tillitanik internettikkut tuniniaasoqartillugu, politiit inummik pasisaqarneranni, sunniiniarneq pillugu malittarisassat atorneqarsinnaapput.

Politiit ilisaritsissut eqqunngitsoq atorlugu internettikkut oqallittarfinni, pisiniartup nioqutissiamik tillitamik pisinissamik kissaateqarnera pillugu tillitanik tuniniaasumut isumaqatigiissuteqarnissaat siunertaralugu, tillitanik tuniniaasutut pasisaq oqaloqatiginninneranni, tassani ilaatigut politiit sunniinarsinnaanerat naleqquttuusinnaavoq. Pinerluttoqarsimaneranik paasiniaanermi eqeersimaartumi taamaattumi, politiit sunniarnissamut malittarisassanik atuinissaanik piumasqaqarfiussaaq, tassami taamaaliorneq politiit tungaanninngaanniit peqataanertut iliuuseqarnertut oqaatigineqarsinnaammat. Tassunga atatillugu pisimasoq assingusoq, Østre Landsrettip eqqartuussutaani 14. marts 2012-imi eqqartuussutigineqartoq aamma 2012-imi Ugeskrift for Retsvæsen qupperneq 2225-imiit siumut naqinneqartoq innersuussutigineqarpoq.

Illuatungaani pisuni politiit pinerluttoqarsimaneranik paasiniaaneq pillugu iliuusaat, taamaaliornerni ikiuinissamik neqerooruteqartoqarani imaluunniit kialluunniit inatsimmik unioqutitsinissaa imaluunniit inatsimmik unioqutitsineranik ingerlatitseqqinnissaa siunertaralugu kajumissaarneqarnissaa pillugu iliuutsinik aalajangiisoqarfiunngitsut, sunniinarnerunngitsutut oqaatigineqarsinnaapput. Maannamut pisartutut assersuutigalugu, inatsimmik unioqutitsineq piffissami politiit pinerluttoqarsimaneranik paasiniaaneranni, naammassineqareersimanerani tamanna pissaaq.

Internettikkut tillitanik tuniniaanernut, § 349 a, imm. 2-mi pineqartut aappaata ataaniinngitsunut, tunngatillugu aaqqissuussinertut siunnersuutigineqartup atorneqarnissaa eqqarsaatigineqarpoq. § 349 a, imm. 2-mut oqaaseqaatit ataaniittut innersuussutigineqarput.

Aaqqissuussineq siunnersuutigineqartoq malillugu suliani aningaasatigut peqquserluutinik malunnarunnaarsaaneq pillugu pinerluttulerinermi inatsimmi § 111 a pillugu unioqutitsinerit pinerluttoqarsimaneranik paasiniaaffigineqarneranni politiit tallimaattut sunniinarsinnaapput.

Aaqqissuussinermi siunnersuutigineqartumi taamaallaat aningaasatigut peqquserluutinik malunnarunnaarsaanerit, immikkut ittumik inatsimmik unioqutitsinertut ingasattuttut taaneqarsinnaanngitsut ilaatinneqarput. Kisianni inatsimmik unioqutitsineq immikkut ittumik sakkortuutut taaneqarsinnaappat, inatsimmik unioqutitsinermik immikkut ittumik sakkortussusilimmik pinerluttoqarsimaneranik paasiniaaneq pillugu § 349, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassaaq.

Aaqqissuussineq siunnersuutigineqartoq malillugu, suliani, inatsimmik unioqutitsineq internetti atorlugu pisimappat, Ikiaroorartut pillugit Inatsisartut inatsisaannik unioqutitsinerit pillugit pinerluttoqarsimaneranik paasiniaanermi politiit arferngattut sunniiniarsinnaapput.

Ikiaroorartut pillugit Inatsisartut inatsisaanni § 5 malillugu, inerteqqutigineqartoq unioqutikkaanni pinerluttulerinermi inatsimmi malittarisassat malillugit pineqaatissiinermik kinguneqarsinnaavoq. Tassani ikiaroorartut aalajangersimasut eqqunneqarnerat-anninneqarnerallu, tuniniarneqarnerat, pisiarineqarnerat, tunniunneqarnerat, tiguneqarnerat, sananeqarnerat, suliareqqinneqarnerat aamma pigineqarnerat ilaatinneqarput.

Suliani internettikkut ikiaroorartunik tuniniaanerni, eqqartuussisarnermik inatsimmi § 349 a, imm. 2-tut aalajangersagassatut siunnersuutigineqartumi, ilaanngitsunut aaqqissuussinerup siunnersuutigineqartup atorneqarnissaa eqqarsaatigineqarpoq.

Inatsisinik unioqutitsinerit annikitsuinnarnut aaqqissuussinerup siunnersuutigineqartup atorneqannginnissaa naatsorsuutigineqarpoq. Pisuni taamaattuni politiit aaqqissuussinerimmi siunnersuutigineqartumi sunniiniarneq pillugu malittarisassat atorsinnaanaviangilaat.

Inatsimmik unioqutitsinerup aalajangersimasup suliat annikitsuarakasiunissannut killiliussap ataanniissanersut nalilerneqarnerani, ilaatigut inatsimmik unioqutitsinerup annertussusaa navianassusaalu politiit pingaartissinnaavaat.

Ikiaroorartut pillugit Inatsisartut inatsisaannik immikkut ittumik sakkortuumik unioqutitsinerit, § 349 a, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassapput.

Aaqqissuussineq siunnersuutigineqartoq malillugu, inatsimmik unioqutitsineq internetti atorlugu pisimappat, suliani Sakkut pillugit Kalaallit Nunaannut inatsimmik unioqutitsineq pillugu pinerluttoqarsimaneranik paasiniaanermi politiit arfineq aappassaattut sunniiniarsinnaapput.

Inatsimmi aalajangersakkanik arlalinnik kiisalu inatsit malillugu najoqqutassanik unioqqutitsinerit pinerluttulerinermi inatsit malillugit pineqaatissiiernik kinguneqarsinnaasut, Sakkut pillugit Kalaallit Nunaannut inatsimmi § 13-imi takuneqarsinnaavoq. Tassani Kalaallit Nunaanni politiinit akuersissummik peqqaarani eqqunneqarsinnaannginnerat, sananeqarsinnaannginnerat, pissarsinerineqarsinnaannginnerat, pigisaqarnerineqarsinnaannginnerat, sakkut, imassat aamma qaartartut ilaasa, tigummineqarsinnaanerat imaluunniit atorneqarnerat ilaatinneqarput.

Aaqqissuussineq siunnersuutigineqartoq internettimi sakkunik qaartartunillu il.il inatsisit unioqqutillugit tuniniaanermi, eqqartuussisarnermik inatsimmi pissutsinut § 349 a, imm. 2-tut aalajangersagassatut siunnersuutigineqartup ataaniinngitsunut, tunngatillugu atorneqarnissaa eqqarsaatigineqarpoq.

Inatsisunik unioqqutitsinernut annikitsuinnarnut aaqqissuussinerup siunnersuutigineqartup atorneqannginnissaa naatsorsuutigineqarportaaq. Pisuni taamaattuni politiit aaqqissuussinermi siunnersuutigineqartumi sunniinarneq pillugu malittarisassat atorsinnaanaviangilaat.

Inatsimmik unioqqutitsinerup aalajangersimasup suliit annikitsuarakasiunissannut killiliussap ataanniissanersut nalilerneqarnerani, ilaatigut inatsimmik unioqqutitsinerup annertussusaa navianassusaalu politiit pingaartissinnaavaat.

Sakkut pillugit Kalaallit Nunaannut inatsimmik immikkut ittumik sakkortuumik unioqqutitsinerit, § 349 a, imm. 1, nr. 3-tut aalajangersagassatut siunnersuutigineqartumi pineqartumi siullermi ilaatinneqassapput.

Inatsisissamut siunnersuutip nalinginnaasumik oqaaseqaatitaani immikkoortoq 2.2.2.3 aamma innersuussutigineqarpoq.

#### *§ 349 a, imm. 2-imut*

Inatsimmik unioqqutitsinermi pissutsit pingaarutillit tamatumuuna politiit sunningipatigit, imaluunniit taamatut kajumissarineq pisinnaatitaaffinnik atortunik tigussaasunik imaluunniit atortussanik allanik erseqqinnerusumik annertussusilimmik internettikut tuniniarneqartunik politiit taamaallaat pissarsinerattut ippat, kialluunniit inatsimmik unioqqutitsinissaanut imaluunniit inatsimmik unioqqutitsinerata



ingerlatiinnarnissaanut kajumissaarneqarnissaa siunertaralugu iliuitsit imm. 1-imi ilaatinneqannginnissaat pillugit, eqqartuussisarnermik inatsimmi, § 349 a, imm. 2 aqutigalugu piunasaqaammik ilanngussisoqarnissaa siunnersuutigineqarpoq.

Suliniut § 349 a, imm. 1-imi sunniiniarneq pillugu oqaasertsip imarisaanit ilaatinneqassanngitsoq tassaavoq, politiit aaqqissukkamut aaqqissuunneqareersumut ilaatillugu, kialluunniit inatsimmik unioqutitsinissaanut imaluunniit inatsimmik unioqutitsinerata ingerlatiinnarnissaanut kajumissaarneqarnissaa siunertaralugu iliuuserisaat (sunniiarneq pillugu oqaatsip imaani pineqartup aappaa).

Ingammik tunniussinernik nakkutigineqartunik taaneqartartut § 349 a, imm. 2-mi pineqartumi siullermi aalajangersagassatut siunnersuutigineqartumi anguniarneqarput. Tunniussineq nakkutigineqartoq ima paasineqassaaq, assersuutigalugu ikiaroonartumik annertuumik eqqussisoqarnissaa pillugu politiit ilisimasaqalerpata, assersuutigalugu ikiaroonartumik aatsisup akitsuuserivimmi paasineqarneratigut, aamma angallassinermi inuit tunuliaqutaasut paasineqarnissaat siunertaralugu pineqartup tigusarineqarnissaagaluanut taarsiullugu naammassiniakkaminik ingerlatsiinnarnissaa pillugu isumaqatigiissuteqarfigineqarnera.

Aatsisoq aqutigalugu – sioqqutsisumik pinerluttuliornermi aaqqissugaasumi politiit annikinnerusumik akuliussinnaanerat, matumuuna sunniiniarneq pineqanngikkaluartoq – aalajangersakkap qulakkiissallugu siunertaraa. Politiit assersuutigalugu ikiaroonartunik tunniussinerep naammassineqarnissaanut annikinnerusumik sunniisinnaanerat, suliniutit sunniiniarneq pillugu malittarisassanut ilaatinngikkaluarlugit, matumuuna periarfissinneqarpoq. Taamaalillutik siunnersuut malillugu politiit assersuutigalugu ikiaroonartumik tunniussassat atortussamik navianaateqanngitsumik taarsersinnaalissavaat, aatsisoq hotelimi inississinnaassallugu kiisalu aatsisup inunnik tunuliaqutaasunik assigisaannillu oqaloqateqarnera isertortumik tusarnaarsinnaalissallugu.

Aatsisoq – politiitit nakkutigineqartilluni – inunnit tunuliaqutaasunit peqqunneqarnini malillugu kisimiilluni suliaqartillugu, sunniiniarneq uani pineqanngilaq, kisianni siunnersuut malillugu politiit kajumissaarinerisigut inunnik tunuliaqutaasunik, pinerluuteqarnerup naammassineqarnissaanut pingaaruteqanngitsunik aamma tekniskiunerusumik sunniisumik, immikkualuttut pillugit oqaloqatiginnissinnaavoq. Inatsimmi unioqutitsinermi pissutsit pingaarutillit aatsisumit matumuuna

sunnerneqannginnerat uani pingaernerpaavoq. Aatsisup assersuutigalugu naapinnissamut piffissaliussat sumilu naapiffissat kiisalu assartuinnermi aqut nutaaq pillugit allannguinerit isumaqatigiissutigisinnaavai, taamaalluni politiit inuit tunuliaqutaasut kikkuunerinik paasinnissinnaanissaat pitsaanerulersinneqassamat.

Ingerlatsinermi pilersaarutaareersumi allannguinerit annikinnerusut suliarineqarnissaanut aalajangersakkap politiit taamaallaat periarfississavai. Kisianni politiit iliuutsinik, tassani pinerluuteqarnernik nutaanik suliniuteqartoqarluni, soorlu assersuutigalugu aatsisoq aqutugalugu ikiaroorartumik nutaamik tunniussinerit, iliuuseqarsinnaanngillat. Pisoq taamaattoq sunniinarneq pillugu § 349 a-mi killissarititaasut iluanniissaaq, aamma aalajangersakkami piumasagaatit allat naammassineqarpata aatsaat suliarineqarsinnaalluni.

Aatsisup nammineq aallartitamik politiinut saaffiginnippat, imaluunniit pisut ingerlaneranni pineqartoq paasineqarpata aamma inuit tunuliaqutaasut kikkuunerisa paasineqarnissaat siunertaralugu ingerlaqqinnissaminut akuersippat, siunnersuut malillugu pingaaruteqanngilaq.

Pisumi, pinerluutigineqartup paasineqarnissaanut aatsisup politiinik ikiuisimanerani, iliuutsip politiinik attaveqarneq/isumaqatigiissut sioqqullugu iliuuserineqartup, pinerluttoqarnera pillaasoqarnissaalu pillugit inatsisini aalajangersakkat atuuttut malillugit malersuisoqarsinnaaneranut pingaaruteqannginnera maluginiarneqassaaq. Pineqartup politiinik ikiuisimanagera pisimasoq, taamaattoq pineqaatissiinerup aalajangerneqarnissaanut pingaaruteqarsinnaavoq.

Politiit kimulluunniit inatsisinik unioqutitsinissamik imaluunniit inatsimmik unioqutitsinerup ingerlaannartinneqarnissaanut kajumissaarinerat politiit pisinnaatitaaffinnik, pigisanik tigussaasunik imaluunniit atortussanik allanik, erseqqinnerusumik annertussusilimmik internettikkut tuniarniqartunik pissarsinerannik taamaallaat kinguneqarpata, tamanna sunniinarnerussanngitsoq § 349 a, imm. 2-mi pineqartut aappaata kingunerissavaa.

Ilaatigut nioqutissianik tillitanik, ikiaroorartunik, sakkunik qaartartunillu pisineq aalajangersakkap atuuffissaata iluaniippat. Aaqquussineq siunnersuutigineqartoq taamaattoq taamaallaat pisinnaatitaaffinnut, pigisanut tigussaasunut atortussanullu killilerneqanngilaq, taamaammata aamma assersuutigalugu sukasaatinut atortut, qummoroortatit inatsisinik

unioqqutitsisut, takussutissiat ilumuunngitsut, tusarnaartitsinermut billettit il.il. aamma ilaatinneqassapput, soorlu aamma nioqqutissat, pigisat tigussaasut atortullu allat tigussaasuusinnaasut tigussaasuunngitsuusinnaasullu, matumani elektroniskiusumik tusagassiuutit, filit imaluunniit innersuussissutit ilanngullugit. Taamatuttaaq assersuutigalugu inissiamik attartornissamut neqeroorummik akuersissuteqarneq aamma immikkut aalajangersagassatut siunnertuutigineqartup atuuffissaani ilaatinneqassapput.

Piffissami politiit pinerluttoqarsimaneranik paasiniaanerat naammassereersimappat, ullumikkutut sunniiniarneq pillugu malittarisassat atunngikkaluarlugit, politiit pigisanik tigussaasunik il.il. pissarsisinnaammata maluginiarneqassaaq. Taamaalilluni ilaatitsinnginnissamut periarfissatut siunnersuutigineqartoq pisuni taamaattuni naleqqutinngilaq.

Pisinnaatitaaffik, pigisaq tigussaasoq imaluunniit atortussaq erseqqinnerusumik annertussusilerlugu internetikkut tuniniarneqarsimanissaa ilaatitsinnginnissamut malittarisassap siunnersuutigineqartup atornissaanut piumasqaataavoq.

Assersuutigalugu tamanna ima paasineqassaaq, suussutsit tuniniaanermi takuneqarsinnaassasut aamma aallaaviatigut amerlassusaat, assersuutigalugu oqimaassusaat, qassiunerat imaluunniit suussusaat taaneqarsimassallutik. Taamaalilluni suup tuniniarneqarnera, tuniniakkap qanoq annertutiginera, aamma qanoq akeqarnera paatsuugassaassanngilaq. Taamaalilluni innuttaasup nalinginnaasup internettimi atisanik imaluunniit pigisanik niuerneranut, aamma tassani pisinermi nioqqutissiaq suna tiguneqassanersoq qularutigineqarani, tamanna assingussaaq. Pisuni taamaattuni aqqissuussineq siunnersuutigineqartoq aqqutigalugu politiit, sunniiniarneq pillugu malittarisassat atunngikkaluarlugit, pigisanik tigussaasunik il.il. pissarsinissaminnut periarfissalissapput.

Internettikkut quppersakkami assigisaanniluunniit tuniniaanermi imaluunniit paarlaasseqatigiinnermi, pissarsineq sioqqullugu sioqqutsisumik pisinissamik taamatut soqutiginnittoqarnerata piumasqaataanera erseqqissumik takuneqarsinnaappat, politiit taamaallaat sivikitsuaqqamik aamma qulaajaaviusumik tuniniaaratarsinnaasumik oqaloqatiginninnermik naammassinnissinnaanerak akornuserneqanngilaq.

Oqaloqatiginninneq qulaajaanerusoq qaqugukkulluunniit pisinnaatitaaffimmut, pigisamut tigussaasumut imaluunniit atortussamut, internettikkut tuniniarneqartumut, tunngassuteqassaaq, aamma taamaalilluni pisinnaatitaaffinnut, pigisanut tigussaasunut imaluunniit atortussanut allanut, aallaqqaataani tuniniaanermi ilaatinneqanngitsunut tunngassuteqassanngilaq. Tamatuma saniatigut politiit naleqquttumik pissutissaqartillugit pinerluutinngortinneqartumik inatsimmik unioqquטיםisoqarneranik pasitsaassineranni oqaloqatiginninneq qulaajaanerusoq taamaallaat aallartinneqarsinnaavoq.

Pisuni pigisap tigussaasup tuniniarneqartup il.il. pissusaa taamaallaat tuniniaanermi takuneqarsinnaappat, aamma paasissutissat amerlanerusut, matumani suussusaat, oqimaassusaat, amerlassusaat imaluunniit akii, taamaallaat tuniniaasumik piviusumik oqaloqatiginninnikkut paasineqarsinnaatillugit, oqaloqatiginninneq qulaajaaviusoq assersuutigalugu pisariaqarsinnaavoq. Tassunga atatillugu, taassuma pisiarinissaa siunertaralugu, pigisap tigussaasup il.il. suussuaata, amerlassutsit pisiarineqarsinnaasut minnerpaaffissaata imaluunniit nalinginnaasumik akiata aalajangerneqarnissaanut oqaloqatiginninneq qulaajaaviusoq taamaallaat atorneqassaaq.

Pissarsinermi siunertarineqartoq taamaallaat tassaammat tuniniaasup imaluunniit tuniniaasup attaveqarfiini pinerluttuliortut kikkuunerisa paasineqarnissaat tassunga atatillugu isiginiarneqassaaq. Taamaalilluni nioqquutigineqartup pigisap tigussaasup suuneranik, suussusaanik, amerlassusaanik imaluunniit akianik sioqqutsisumik oqaloqatiginninnermi sugaluartumilluunniit sunniisoqannginnissaa pingaaruteqarpoq.

Assersuutigalugu internettikkut quppersagaq pineqarpat, tassani hash-imik isertuannngitsumik tuniniaasoaarluni, taava hash-imik ima annertutigisumik, pissutsit malillugit internettikkut quppersakkami pineqartumi annertussutsit minnerpaaffissaatut isumaqarfigineqartumik, pisinissamik soqutiginninnermut politiit sioqqutsisumik oqaloqatiginninnertik killilissavaat. Internettikkut quppersakkami pineqartumi annertussutsip minnerpaaffissaa pisiarineqarsinnaasoq imaluunniit nalinginnaasumik akigitinneqartoq politiit nalornissutigunikku, politiit assersuutigalugu tuniniaasumut saaffiginnissinnaapput apeqquteqaatigalugulu annertussutsit minnerpaaffissaat qanoq annertutigisoq tunniussinnaaneraa, imaluunniit taanna akinut allattuiffimmik nassiusisinnaannginnersoq, tamannalu tunngavigalugu annertussutsip minnerpaaffissaatut isigineqartumik piserusullutik imaluunniit nalinginnaasumik akilimmik piserusullutik.

Suliami pinerluttoqarsimanera pillugu paasiniaanermi sunniiniarnissaq tunngavissaqarnersoq pillugu politiit pitsaanerusumik naliliisinnaanngornissaat, sioqutsisumik oqaloqatiginninnerup qulaajaaviusup taamaalilluni aamma kingunerisinnaavaa.

Pissarsiarinninnerit tuniniaasup imaluunniit tuniniaasup attaveqarfiini pinerluttuliortut kikkunerisa paasineqarnissaannik siunertaqanngippata, aallaaviatigut aamma aalajangersagassatut siunnersuutigineqartumi killissarititaasut iluanni, tuniniaasumit taassuminnga pigisat tigussaasut tuniniakkat arlaleriarlutik pissarsiarineqarsinnaanngimmata maluginiarneqassaaq.

Tamanna assersuutigalugu tuniniaasup aatsisuata tigusarinqarnerani aamma politiinit nakkutigineqarnerani, tassuuna tuniniaasup aatsisuata aappaata kinaassusersinissaanut pisariaqarpat, aamma suli piseqqinnissaq pisariaqarsinnaavoq. Aatsisup nammineersinnaajunnaarsitaasup iperagaanerani aamma taassuma tamatuma kingorna aatsisutut sulinerminik nangitseqqinnerani tamanna aamma atuutissaaq.

Pisinnaatitaaffinnik, pigisanik tigussaasunik aamma atortussanik allanik internettikkut tuniniaaneq amerlanertigut pisarmat, taamaalilluni tuniniaaneq internettikkut pislarluni, massa tuniniaanermi kiisalu tunisinerup naammassineqarnerani pissutsit erseqqinnerusut ilisaqqunnartumik internettip avataatigut pislarlutik, assersuutigalugu inuit naapeqatigiinnerisigut, oqarasuaatikkut oqaloqatigiinnerisigut il.il. maluginiarneqassaaq.

Pisinnaatitaaffiup, pigisap tigussaasup imaluunniit atortussap tuniniarneqarnera immiini internettikkut pinissaa, ilaatitsinnginnissamik malittarisassatut siunnersuutigineqartup atorneqarnissaanut pingaaruteqarpoq, tamatumali peqatigisaanik tunisinnermut tunngasumik kingusinnerusukkat attaveqarneq aamma naammassininnermut periaaseq, matumani tunisinnermut aallerneq ilanngullugu, pingaaruteqanngitsut.

Pasineqartumut attaveqarneq, assersuutigalugu pigisap tigussaasup atortussalluunniit aaneqarnissaanut atatillugu inuit naapissappata naapinnerat, pigisamut tigussaasumut imaluunniit atortussamut piviusumut internettikkut tuniniarneqarsimasumut taamaallaat tunngassuteqassammat, tassunga atatillugu maluginiarneqassaaq. Naapinneq taamaalilluni assersuutigalugu nutaanik inniminniinnermut imaluunniit assigisaannut

isumaqatigiissusiornernut imaluunniit oqaloqatiginninnernut tunngassuteqassanngilaq, tassami taamatut iliornerit, eqqartuussisarnermik inatsimmi sunniiniarneq pillugu malittarisassatut siunnersuutigineqartup § 349 a, imm. 1-ip ataaniissammata, taamaammallu eqqartuussiviup sioqqutsisumik akuersissuteqarnissaanik piumasaqaateqarfiummata.

Soorlu pinerluttoqarsimaneranik paasiniaanernik suliat allat assigalugit, aamma ilaatitsinnginnissamik periarfissap siunnersuutigineqartup malitsigisaanik pissarsinerit tamaasa sioqqullugit, politiit pasitsaassineq pillugu piumasaqaatip eqqortinneqarnissaa qulakkiissavaat, imaappoq pinerluutinngortinneqarsimasumik inatsimmik unioqqutitsisoqarsimaneranik pasitsaassisoqarsimassaaq.

Pisuni ikiaroorartunik, sakkunik imaluunniit qaartartunik tuniniaasoqartillugu, pissutsit isertuannngitsumik inatsisunik unioqqutitsisuunerisa pasitsaassineq pillugu piumasaqaat naammassereerpaat.

Pisuni allani, matumani ingammik nioqqutissianik tillitanik tuniniaanermi, nioqqutissiamik tuniniarneqartumik taassuminnga pisisoqartinnagu, politiit aalajangiinermut tunngaviit arlallit ataatsikkut nalilersussavaat.

Nioqqutissiat tillitaanersut nalilernerqarnissaannut paasinarsisitsissutsit tulluuttut ilaatigut pingaartissavaat: Nioqqutissiaq immikkut ittumik akikitsillugu tuniniarneqarpoq. Nioqqutissiaq tuniniaasumit, piaaraluni kinaassutsiminik isertuiniartumit, assersuutigalugu kinaassutsiminik isertuussilluni saqqummertup imaluunniit isertuannngitsumik ilumuunngitsumik ilisaritsissut atorlugu kinaassutsiminik isertuussisoq. Nioqqutissiap tuniniarneqartup tillitaanera pillugu innuttaasumit imaluunniit allatigut politiit ilisimatinneqartut. Tuniniaasup oqarasuaammut normua immertagaavoq nalunaarsorneqarsimanngitsoq. Tuniniaasop siusinnerusukkut nioqqutissianik akikitsuarakasinnik tuniniaasarsimavoq. Tuniniaasop nioqqutissiaq taannaqqissaq amerlasoorujussuariarlugu internettikkut tuniniartarsimavaa. Tuniniaasup e-maili taannaqqissaq atorpa, kisianni ilisarisitsissutit oqarasuaatilluunniit normui allanngorartippai.

Piumasaqaatit piffissap ingerlanerani amerliartuinnavissut uani pineqanngimmata maluginiarneqassaaq. Paasinarsisitsissutit qulaani pineqartut pingaartinneqarnerat politiit assigiinngitsumik

oqimaalutarsinnaavaat, aamma naammattumik pasitsaassisoqarnerisq pisuni tamani piviusumik naliliinermik taamaalilluni tungaveqassaaq.

Aammattaaq inatsisissatut siunnersuummut oqaaseqaatini nalinginnaasuni immikkoortoq 2.2.1 aamma 2.2.3 innersuussutigineqarput.

§ 349 b, *imm. 1-imut*

Iliuutsit § 349 a-mi taaneqartut inatsimmik unioqutitsinerup annertussusaata sakkortussusaataluunniit annertunerulernissaannik kinguneqassanngitsut, eqqartuussisarnermik inatsimmi § 349 b, *imm. 1-ikkut* siunnersuutigineqarpoq.

Politiit sunniiniarnermi atorsinnaasaminni sunniisinnaaneranut killiliussaq ima aalajangerneqassasoq, pinerluuteqarnermi iliuutsip suliarineqarnerani imaluunniit ingerlatiinnarneqarnerani inuup sunniiniartartup sunniutaa, inatsimmik unioqutitsinerup annertussusaanik imaluunniit ingasassusaanik annertusisitsinermik kinguneqassanngitsoq, aalajangersagassatut siunnersuutigineqartup kingunerissavaa.

Inatsisinik unioqutitsineq siulianili suliarineqalersimangippat imaluunniit misilinneqalersimangippat, politiit sunniiniarnermikkut inatsimmik unioqutitsinermik pilersitsinnginnissaat, killissaliussanik nalunaaqutsiinerup taassuma malitsigaa. Aamma inatsimmik unioqutitsinermi suliarineqalersumi imaluunniit misilinneqartumi, politiit ima sunniuteqartigissanngillat, inatsimmik unioqutitsineq taanna allatut pissuseqalissalluni, tassami taamaaliornikkut inatsimmik unioqutitsineq annertusineqarsinnaammat imaluunniit sakkortusineqarsinnaammat.

Inuup sunniiniartartup sunniiniarnermini inatsimmik unioqutitsinerup, misileraaffimmiittup, naammassineqarnissamut qanillisinneqarnera, immaqalu taamaalilluni naammassineqarnera, pisuni arlalinni killissarititaasup aalajangerneqarnissaannut siunnersuutigineqartumit akornuserneqanngilaq. Matumuuna pisut ilaanni inatsimmik unioqutitsinerup annertussusaa imaluunniit sakkortussusaa tassa annertusineqassanngilaq.

Inatsimmik unioqutitsinermi pissutsit pingaanginnerusut suussusaanik allanngineq, pillaatissiissutaasinnaasunut annertusaatanngitsut, assersuutigalugu ikiaroomartumik aalajangersimasumik annertussusilimmik tuniniarnissaa siunertaralugu piginnineq, taamaalilluni

taassuminnga tuniniaanermut allanngortinneqarnera, sunniiniarnerup kingunerissappagu, killiliinerup aamma akornusissanngilaa.

Illuatungaani inuup sunniiniartartup suliaqarnerata malitsigisaanik pinerluttuliortut akuusut allanngornerisa, aaqqissuusaasumik suliaq, qaffasinnerpaamik killiliussatut taaneqartartumut imaluunniit aalajangersimasumik qisuariartitsiniarnermik inerteqquteqarnermut, akerliutilersinnaavaa. Sunniiniarneq inunnut, siuliani inatsimmik unioqqutitsinermut attuumassuteqarsimanngisunut, sammitinneqarpat, taamaalilluni taakku pinerluuteqartutut ilanngutitinneqarlutik, inunnut taakkununnga tunngatillugu – kisianni aallaqqaataani pinerluttuliortunut tunngatinnagu – sunniiniarneq, sunniiniarnerup akuerisaasup avataaniissaaq.

Kisianni pissutsit nalaatsornerinnakkut pisut pissutigalugit, politiit suliaqarneranni inuup pingajuusup ilanngutitinneqarnera, aaqqissuusaasumik suliap, qutsinnerpaamik killiussaq qaangertissanngilaa. Assersuutigalugu inuup tunuliaqutaasup inummik sunniiniartartumik isumaqatigiissuteqarluni ikiaroornatup tunniussiffissamut aanniarlugu aatsisartoq nalinginnaasumik atortakkani atornagu aatsisumik allamik atuinissani qinersinerani, tamanna eqqarsaatigineqarsinnaavoq.

Aammattaaq nalinginnaasumik oqaaseqaatini imm. 2.2.4 aamma isumaliutissiissummi quppernerit 162-imiit 168 ilanngullugu innersuussutigineqarput.

*§ 349 b, imm. 2, oqaaseqatigiinnut siullernut*

Eqqartuussisarnermi inatsimmi § 349 b, imm. 2, oqaaseqatigiit siulliit atorlugit politiini tjenestemandit aamma politiini atorfilinnit immikkut ittumik pinerluttoqarsimaneranik paasiniaanermik piginnaasalinnit iliuutsit taamaallaat suliarineqartassasut siunnersuutigineqarpoq.

Politiini tjenestemandit politiinilu atorfillit immikkut ittumik pinerluttoqarsimaneranik paasiniaanermik piginnaasallit kisimik § 349 a, imm. 1-imi aalajangersagassatut siunnersuutigineqartup malitsigisaanik inuttut sunniiniartartutut sulisinnaasut aalajangersagassatut siunnersuutigineqartup kingunerissavaa.

Politiini tjenestemandit inuttut sunniiniartartutut atorneqarnissaat aalajangersakkap periarfississavaa, kisianni tamatuma peqatigisaanik aamma assersuutigalugu inuit ilisimatusarfinni ilinniarsimanermik



tunuliaqutallit, suliassa qarfiup aalajangersimasup iluani piginnaasaqartut, aamma assersuutigalugu internettimi pinerluuteqarnerit pinerluttoqarsimaneranik paasiniaaffigineqarneranni atussallugit naleqquttuusinnaasut, atorneqarnissaat aalajangersakkap periarfississavai. Taamaalilluni malittarisassaq malillugu politiini atorfillit ikittuinnaat inuttut sunniiniartartut atorneqarsinnaapput, tassami assersuutigalugu politiini allaffimmi- aamma sullissinermik suliaqartut, ilinniartut ikiortigineqartut il.il. inuttut sunniiniartartut atorneqarsinnaanngillat.

Inuit, politiini tjenestemandiunngitsut politiini atorfeqarnissaat, inuit taakku politiitut allatulluunniit ilinniagaqarnermik tunuliaqutaqarnerat apeqqaatinnagu, aammattaq taamatut pinerluttoqarsimaneranik paasiniaanissamut suliaqarnissamik eqqortunik piginnaasaqarnissaat, inuttut sunniiniartartut sulinissamut piumasaqaataamat maluginiarneqassaaq. Pineqartoq eqqortumik aamma naleqquttumik inuttut sunniiniartartut sulinissamut pisariaqartinneqartunik piginnaaneqarnerisooq, pisuni ataasiakkaani tamani naliliiffigineqartassaaq.

Pineqartup politiitut tunuliaqutaqarnera aamma taamaamat ilinniarsimanermigut pinerluttoqarsimaneranik paasiniaanerup qanoq ililluni nalinginnaasumik naammassineqartariaqarnera pillugu ilisimasaqareenera, ilaatigut pingaaruteqarsinnaavoq. Illuatungaanili atorfillit politiitut tunuliaquteqanngitsut inuttut sunniiniartartut atorneqarneranni immikkut ittumik tunuliaquteqarnissamik ilisimasaqarnissamilluunniit piumasaqaateqartoqassasoq uani aamma naatsorsuutigineqarpoq. Taakku assersuutigalugu ilisimatusarfinni ilinniagaqarsimallutik misissueqissaartartuusinnaapput “open source-intelligence”-imik taaneqartartumik immikkut ilisimasaliullutik, imaappoq internettimi paasissutissiiffinni ammasuni pinerluttoqarsimaneranik paasiniaanermik suliaqartartuullutik.

Aamma inatsisissatut siunnersuummi nalinginnaasumik oqaaseqaatini imm. 2.2.5 innersuussutigineqarpoq.

#### *§ 349 b, imm. 2, oqaaseqatigiit aappaannut*

Ikiuunneq ikiuutigineqartoq inatsimmik unioqqutitsinermit naleqqiullugu annikitsuarakasiuppat, inuit uniforme qanngitsut politiinik isumaqatigiissuteqarlutik inatsimmik unioqqutitsinerup, pinerluttoqarsimaneranik paasiniaaffigineqartup, suliarinissaanut imaluunniit ingerlateqqinnissaanut ikiuussinnaanerit § 349 b, imm. 2, oqaaseqatigiit aappat atorlugu siunnersuutigineqarpoq.

Inuit uniformeqaangitsut politiinik isumaqatigiissuteqarnikkut inuttut sunniiniartartutut annikinnerpaamik ikiuussinnaasut aalajangersagassatut siunnersuutigineqartup kingunerissavaa. Ikiuineq inuttut sunniiniartartutut inuit uniformeqaangitsut suliarissallugu matumuuna periarfissariligaat, pissutsinut politiit nammineeurlutik suliniuteqarnermikkut kimulluunniit inatsimmik unioqutitsinissamat imaluunniit inatsimmik unioqutitsinerup nangiinnarnissaanut ikiuinissamat neqerooruteqarnerannut tunngassuteqarpoq (inuk sunniiniartartoq pillugu oqaatsip imarisaa siulleg).

Pisuni inuup politiinik isumaqatigiissuteqarluni, politiini inuttut sunniiniartartup ilisaritinneqarnissaa siunertaralugu, tassunga atatillugu inatsimmik unioqutitsinermi, pinerluttoqarsimaneranik paasiniaaffigineqartumi inatsimmik unioqutitsinerup suliarineqarnissaanut imaluunniit ingerlateqqinnissaanut ikiuunnissamik neqerooruteqarnermigut avatangiisini attavissanik ujarlernerani, aalajangersakkap taamaalilluni atuunnissaa anguniarneqarpoq. Inuup politiit isumaqatigereerlugit pisiniartup ilumuunngitsup (politiit) ikiaroonartumik pisiniarnerani akunnermuliuttusaarnera aamma tassunga atatillugu nioqutissiamut misiligummik inniminniinera assersuutigalugu uani pineqarsinnaavoq.

§ 349 b, imm. 2, oqaaseqatigiit aappaanni aalajangersakkap, aamma § 349 a-mi sunniiniarnermut nassuiaatissatut siunnersuutigineqartumi imminermi, inatsisip unioqutinneqartup, pinerluttuliortoqarneranik paasiniaaffigineqartup, aamma peqataalluni iliutsip, inuup uniformeqaangitsup iliuuserisaata, akornanni naapertuuttoqarnissaa malitsigaa. Nioqutissiamut misiligummik inniminniineq tassunga atatillugu inatsimmik unioqutitsinermi annertuumi, pinerluttoqarsimaneranik paasiniaaffigineqartumi, peqataanertut (assersuutigalugu ikiaroonartumik tunniussineq) isigineqassaaq.

Pinerluummik naammassineqareersumik ikiunneq sunniiniarneq pillugu malittarisassani ilaatinneqarnaviangilaq, tassami politiit pisumi taamaattumi § 349 a, imm. 1-itut matumuuna aalajangersagassatut siunnersuutigineqartoq malillugu, kialluunniit inatsimmik unioqutitsinissaanut imaluunniit inatsimmik unioqutitsinerata ingerlatiinnarnissaanut kajumissaarneqarnissaa siunertaralugu iliuseqassanngimmata.

Suliniutigineqartoq, sunniiniarnermut piumasqaatit allatut naammassineqarsimappata – inuup uniformeqaangitsup inatsisit

unioqutinnagit suliarisinnaasaa (imaappoq inatsimmik unioqutitsineq, ikiuinerup kingunerisaa) – inatsimmut unioqutinneqartumut pinerluttoqarsimaneramik paasiniaaffigineqartumut naleqqiunneqassaaq. Inuup ikiuinerana (assersuutigalugu nioqutissiamut milisiutip annertussusaa) inatsisinik unioqutitsinernik ilungersunartunik pinerluttoqarsimaneramik paasiniaanernit annertunerujussuusinnaanera, assersuutigalugu ikiaroomartut annertoourujussuaq uani pineqarluni, tamatuma kingunerisinnaavaa. Ikiuinerup annikitsuarakasiunissaata, inatsimmik unioqutitsinerup pinerluttoqarsimaneramik paasiniarneqartup paasineqarnissaanut naleqqiullugu ikiuunnerup piviusumik pingaaruteqartuunnginnissaanik kisianni tamanna kinguneqanngilaq. Suliani ikiaroomartut pillugit pinerluuteqarnernik ilungersunartunik pinerluttoqarsimaneramik paasiniaasoqartillugu, ilisimatitsissutigineqartut malillugit amerlanertigut ima pisoqartarpoq, inuk uniforme qanngitsoq siullertut nioqutissiamut misiliummik inniminniisimatinnagu, inuk pisuunerpaq, politiit peqataanerannik pasitsattarluni.

§ 349 b, imm. 2, oqaaseqatigiit aappaanni aalajangersagassatut siunnersuutigineqartuq malillugu inuup uniforme qanngitsup ikiuunnera, piviusumik sunniiniarnermut, suli politiini tjenestemandinit imaluunniit politiini atorfilinnit pinerluttoqarsimaneramik paasiniaanissamut immikkut ittumik piginnaasalinnit taamaallaat suliarineqarsinnaasunut naleqqiullugu killilerneqassaaq. Inatsimmik unioqutitsinermut, pinerluttoqarsimaneramik paasiniaaffigineqartumut, ikiuunneq annikitsuinnartut taaneqarsinnaanngippat, ikiuunneq taamaallaat politiini atorfilinnit suliarineqarsinnaavoq. § 349 b, imm. 1-imi qutsinnerpaamik killiliussa, aamma inuup uniforme qanngitsup ikiuunneranut aamma atuummat, tassunga aamma ilaavoq. Inuup uniforme qanngitsup ikiuunnerata inatsimmik unioqutitsinerup annertusineqarneramik imaluunniit sakkortusineqarneramik kinguneqannginnissaa tamatuma kinguneraa.

Inuit uniforme qanngitsut politiinik isumaqatigiissuteqarlutik inatsisinik unioqutitsisinnaanerat § 349 b, imm. 2, oqaaseqatigiit aappaanni aalajangersagassatut siunnersuutigineqartup tunngaviusumik kinguneraa. Kisianni inuup uniforme qanngitsup ikiuinerana sunniiniarneq pillugu malittarisassatut § 349 a-tut siunnersuutigineqartumi ilaatinneqassaaq. Politiit inummik uniforme qanngitsumik atuilersinnagit, assersuutigalugu nioqutissiamut misiliummik pisisutut, pasitsaassineq pillugu piumasaqaat, ilisarnaatit pillugit piumasaqaatit aamma pinerluttuliorneq pillugu piumasaqaat naammassineqarsimassasut tamatuma kinguneraa, soorlu

aamma § 349 c-mi aalajangersagassatut siunnersuutigineqartoq malillugu suliniutip aallartinneqannginnerani iliuitsit aallaaviatigut eqqartuussivimmit akuersissutigineqaqqaarsimassasut.

Iliuitsit inuup uniformeqanngitsup § 349 b, imm. 2, oqaaseqatigiit aappaanni siunnersuutigineqartoq malillugu iliuserisinnaasai ilaatigut, aamma kinaassusersiunngitsumik isigalugu inatsit aqputigalugu pinerluutinngortinneqartut, politiit isumaqatigiissuteqarfigalugit iliuserineqarput, taamaattoqarneralu materiel atypicitet<sup>3</sup>-imik imaluunniit inatsisinik unioqputitsisoqarsimaneranik tunngaviit malillugit pinerluttoqarnera pillaasoqarnissaalu pillugit inatsisini aalajangersakkat atuuttut malillugit pineqaatissiinerit atorneqannginnissaannik kinguneqarlutik.

Aammattaq oqaaseqatigiinni nalinginnaasuni imm. 2.2.6 innersuussutigineqarpoq.

#### § 349 c-mut

§ 349 a malillugu pineqaatissiinermik aalajangiineq eqqartuussiviup aalajangereratigut pissasoq, taannalu tunngavilersorneqassasoq, eqqartuussisarnermi inatsimmi § 349 c, imm. 1 aqputigalugu siunnersuutigineqarpoq. Tamanna pillugu apeqqut unnerluussiffiusumi imaluunniit unnerluussiffissatut naatsorsuutigisami imaluunniit allakkut iliuitsit naammassineqarnissaat pillugit politiit aalajangiiffigisimasaanni eqqartuussivimmut saqqummiunneqassaaq.

Eqqartuussiviup aalajangernerani suliami piviusut taaneqarnissaat § 349 c, imm. 3-kkut siunnersuutigineqarpoq, tassuunalu iliuitsit naammassineqarnissaannut piumasaqaatit naammassineqarsimanagerat tapersersorneqarpoq. Aalajangiineq qaqugukkulluunniit allannngortinneqarsinnaavoq.

Iliuitsit siunertaat maangaannartinneqassappat, eqqartuussiviup aalajangiinera utaqqineqassappat, iliuitsit naammassineqarnissaat politiit aalajangersinnaagaat § 349 c, imm. 3-kkut siunnersuutigineqarpoq. Taamaattoqassappat piaarnerpaamik aamma iliuitsit aallartinneqarneraninngaanniit kingusinnerpaamik nalunaaquttap akunnerisa 24-it iluanni politiit suliaq eqqartuussivimmut

---

<sup>3</sup> Materiel atypicitet: Tilfælde, hvor gerningsindholdet for så vidt er realiseret med den fornødne tilregelse, men hvor handlingen er af en helt anden beskaffenhed end den, lovgiver har villet kriminalisere. = Pisimasut, tassani suliat imarisaat pisariaqartinneqartumik akisussaaitaanissamat naammassineqarsimagaluartut, kisianni iliuseqarneq inatsisiliortup pinerluutinngortinniagaanit allaanerujussusoq (Den Store Danske Lex.dk skrevet af professor emerit, cand. Jur. Lars Bo Langsted-imit allanneqartoq).

saqqummiutissavaat. Iliuutsit akuerineqassanersut, kiisalu attatiinnarneqassanersut eqqartuussiviup aalajangiinermigut aalajangissavaa. Eqqartuussiviup isumaa malillugu iliuutsit suliarineqartariaqarsimangippata, eqqartuussiviup tamanna Inatsiseqarnermut ministereqarfimmut nalunaarutigissavaa. Politiit sunniiniarnermik aallartitsinerat sioqqutsisumik eqqartuussivimmit akuerineqassasoq, aalajangersagassatut siunnersuutigineqartup kingunerissavaa. Imm. 3-tut siunnersuutigineqartoq malillugu taamaattoq periculum in mora pillugu malittarisassaq atuutissaaq, taamaalilluni eqqartuussiviup aalajangernissaata utaqqineqarnissaa pissutigalugu siunertaq maangaannartinneqassappat, sioqqutsisumik eqqartuussivimmit aalajangiisoqartinnagu sunniiniarnermik aallartinneqarsinnaassalluni. Taamaattoqartillugu piaarnerpaamik aamma iliuutsip aallartinneqarsimanerata kingorna nalunaaquttap akunnerisa 24-it iluanni, politiit apeqqut eqqartuussivimmut saqqummiutissavaat.

Ilaatigut suliniutip aallartinneqarnissaanut piumasqaatit naammassineqarnersut imaluunniit naammassineqarsimanersut, ilaatigullu aalajangersimasumik qisuariartitsiniarnermik inerteqquteqarneq qaangerneqarsimanersoq imaluunniit qaangerneqartussaannersoq nalilissallugu taamatut eqqartuussivinnit nakkutilliinerani siunertaavoq. Iliuutsit pisortatigoortumik inatsisitigut malinninersut pillugit, matumani aalajangersimasumik qisuariartitsiniarnermik inerteqquteqarneq qaangerneqarsimanersoq imaluunniit qaangerneqartussaannersoq pillugu, aamma aarlerinangitsumik suliarineqarsimanersoq pillugu, matumani inuup sunniiniartartup inuttaanik toqqaanerup eqqarsaatigineqarnera pillugu isummeq eqqartuussiviup nakkutilliinerani ilaatinneqassapput.

Qallunaat eqqartuussisarnermik inatsisaanni § 754 c, aalajangersakkap assigaa.

Aammattaaq oqaaseqaatini nalinginnaasuni imm. 2.2.7 innersuussutigineqarpoq.

#### *§ 349 d-mut*

349 a-mi taaneqartunik iliuusissanik aalajangiisoqartillugu, aamma inatsimmik unioqqutitsineq pillugu unnerluussisoqartillugu, iliuutsit pillugit illersuisumut nalunaarutiginnittoqassasoq, eqqartuussisarnermik inatsimmi § 349 d-kkut siunnersuutigineqarpoq. Naalagaaffinnut pissaanilissuarnut, naalagaaffiup isumannaatsuunissaanut, suliap paasinarsisinneqarnissaanut, imaluunniit inummut pingajuusumut eqqarsaatiginninnissaq

qaqutigoortumik tamatuma pisariaqartissappagu, oqaaseqatigiit siulliit malillugit paasissutissat illersuisup tigusimasaasa ingerlateqqinneqannginnissaat politiit illersuisumut peqqussutigisinnaavaat.

Politiit inunnik sunniiniartartunik atuisimatillugit, illersuisup nalunaarfigineqarnissaa pillugu eqqartuussisarnermik inatsimmi § 349 d-*kkut* malittarisassamik erseqqissumik ilanngussisoqarnissaa aalajangersagassatut siunnersuutigineqartup kingunerissavaa.

§ 349 d-tut aalajangersagassatut siunnersuutigineqartoq malillugu nalunaarutiginninneq taamaallaat pisuni unnerluussisoqarnerani tunniunneqarsinnaavoq, aamma aatsaat tassunga atatillugu. Pissaanilissuit, naalagaaffiup isumannaatsuunissaa imaluunniit suliap paasineqarnissaa pillugit eqqarsaatiginninnissaq imaluunniit § 349 d, oqaaseqatigiit aappaattut siunnersuutigineqartoq malillugu inuup pingajuusup eqqarsaatigineqarnissaata tamanna qaqutiguinnaq pisariaqartilerpagu, paasissutissat tiguneqartut ingerlateqqinneqannginnissaat pillugit politiit illersuisoq peqqusinnaagaat aammattaaq siunnersuutigineqarpoq. Illersuisumut nipangiusisussaatsineq taasuma unnerluunneqartoq paasissutissanik ingerlatitseqqissinnaannginneranik kinguneqarpoq.

Tamanna pillugu paasissutissat allatigut nassaarineqarsinnaanngippata, eqqartuussisarnermik inatsimmi § 339 malillugu killisiuinerit pinerluttoqarsimaneranillu paasiniaanermi iliuutsit allat pillugit politiit piaarnerpaamik nalunaarusiussapput. § 340, imm. 1 malillugu illersuisoq suliami politiit paasissutissaataanik ilisimatinneqartussaavoq, aamma illersuisoq nalinginnaasumik paasissutissat assilillugit sanaqqinneqarnerinik pinissaminik pisinnaatitaavoq. Taamaattoq pissaanilissuit, naalagaaffiup isumannaatsuunissaa imaluunniit suliap paasineqarnissaa pillugit eqqarsaatiginninnissat imaluunniit § 340, imm. 4 malillugu inuup pingajuusup eqqarsaatigineqarnissaata tamanna qaqutiguinnaq pisariaqartilerpagu, § 340, imm. 1 saneqqunneqarsinnaavoq.

Politiit pinerluttoqarsimaneranik paasiniaanerminnut atatillugu iliuutsit aalajangikkatik pillugit politiit nalunaarusiami allatuinissaat, aamma illersuisup paasissutissanik taakkuninnga pissarsisinnaanera, aalajangersakkat taakku kinguneraat.

Pisuni unnerluussisoqarsimatinnagu inummik sunniiniartartumik atuisimaneq pillugu illersuisumut nalunaarutiginnittoqarsimatillugu,

Kalaallit Nunaanni eqqartuussisarnermik inatsimmi § 340, imm. 4 malillugu illersuisoq nipangiussisussaataitanermik peqquneqarsinnaassaaq.

Paasissutissat sulinermut tunngaviliisuusimappata, ilaatigut paasissutissiisartumut eqqarsaatiginninnernut illersuisumut nipangiussisussaataitanermik peqqusineq pingaaruteqarsinnaavoq. Pineqartoq politiini inuup sunniiniartartup suliaqarnerani isiginiarneqarsimappat, pasineqartullu tamanna paasippagu – aamma avatangiisit pinerluttuliorfiusut allat – pisut ilaanni, politiit paasissutissat suminggaanniit pisimasinnaaneraat naatsorsorsinnaassavaat. Tamanna paasissutissiisartumut pillaatitut akiniuteqarnermik kinguneqarsinnaavoq, aamma pineqartup isumannaatsuunissaa navianartilersinnaavaa.

Peqqussut suogaluartorluunniit pillugu politiit illersuisullu isumaqatigiinngissuteqassagunik isumaqatigiinngissutaat eqqartuussisarnermik inatsimmi § 341 malillugu eqqartuussivimmit aalajangiiffiqeqassaaq.

Oqaaseqaatini nalinginnaasuni imm. 2.2.7 aamma isumaliutissiisummi quppernerit 180-imiit 181 ilanngullugu aamma 207-imiit 208 ilanngullugu innersuussutigineqarput.

#### *§ 349 e-mut*

Pinerluttulerinermi inatsimmi kapitali 7 aamma §§ 27-imiit 35 ilanngullugu unioqqutitsinerit pillugit pinerluttoqarsimaneranik paasiniaanerni §§ 349 a-miit 349 d ilanngullugu malittarisassat siunnersuutigineqartut atorneqannginnissat eqqartuussisarnermik inatsimmi § 349 e-kkut siunnersuutigineqarpoq.

Naalagaaffiup namminersorneranut isumannaatsuuneranullu pinerluutit pillugit pinerluttulerinermi kapitali 7 aamma pinerluttulerinermi inatsimmi peqqarniisaarnianeq il.il. pillugit §§ 27-imiit 35 ilanngullugu pinerluutit pillugit pinerluttoqarsimaneranik paasiniaanermi politiit sunniiniarnermut malittarisassat siunnersuutigineqartut atorneqassanngitsut, aalajangersagassat siunnersuutigineqartup kingunerissavaa.

Suliat suussusaat sorliit malittarisassanut ilaatinneqassanersut pillugit, qallunaat inatsisissat siunnersuutaata suliarineqarneranut atatillugu, suliani naalagaaffiup namminersorsinnaaneranut isumannaatsuunissaanullu il.il. pinerluuteqarnerit (pinerluttulerinermi inatsimmi kapitali 7 aamma §§ 27-imiit 35 ilanngullugu) pineqartillugit, suliani taakkunani

pinerluttoqarsimaneranik paasiniaanissami immikkut ittumik eqqarsaatigisassat atuuttut, Inatsiseqarnermut ministereqarfiup nalilerpaa. Eqqarsaatigisassat taamaattut Kalaallit Nunaanni suliani taamaattuni Inatsiseqarnermut ministereqarfiup naliliinera malillugu aamma atuupput. Suliani taamaattuni allakkut amerlanertigut sivisoorujussuusinnaasartuni, pinerluttoqarsimaneranik paasiniaanerup isertuulluinnarneqarnissaa pisariaqartarmat tassunga aamma ilaavoq. Malittarisassatut siunnersuutigineqartut – soorlu qallunaat eqqartuussisarnermik inatsisaanni sunniinarneq pillugu malittarisassat assigalugit – ima ilusilersorneqartariaqartut taamaalillunik § 349 e-tut siunnersuutigineqartoq malillugu, pinerluttulerinermi inatsimmi kapitali 7-imik aamma §§ 27-imiit 35 ilanngullugu politiit inatsisunik unioqqutitsisoqarsimaneq pillugu pinerluttoqarsimaneranik paasiniaanerat ilaatinneqassanngitsoq, Inatsiseqarnermut ministereqarfiup taamaammatt inerniliuppaa.

Aammattaaq oqaaseqaatini nalinginnaasuni imm. 2.2.1 innersuussutigineqarpoq.

Nr. 7-imut

Sulisaatsimi nalinginnaasumi politiini tjenestemandi imaluunniit politiini atorfilik, eqqartuussivimmi nassuiaasusaaq, sumi sulinera ilanngullugu uppersaasatit pillugit nalunaarsuiffimmi allanneqartarput. Politiini tjenestemandinut aamma politiini atorfilinnut najugaqarfik matumuuna suliffiup sumiiffiatut paasineqassaaq.

§ 443-imi nutaamik *imm. 3-mik* ilanngussisoqarnissaa siunnersuutigineqarpoq, tamatumalu kingorna politiini tjenestemandip imaluunniit politiini atorfillip, iliutsinik § 349 a-mi taaneqartunik iliuseqarsimasut, aamma politiini tjenestemandit immikkut ittumik kiffartuussinermik ingerlatsisut, tassanilu immikkut ittumik kiffartuussinermi kinaassutsip isertuunneqarnissaa pisariaqartinneqarluni, aterinngisaminik allamik atilerluni aamma najugaqarfik taanagu taaneqarsinnaalissapput.

Politiini tjenestemandit imaluunniit politiini atorfillit inuttut sunniiniartartutut atorineqarsimasut, aamma politiini tjenestemandit immikkut ittumik kiffartuussinermik ingerlatsisut, tassani immikkut ittumik kiffartuussinermik ingerlatsineq taanna eqqarsaatigalugu kinaassutsip isertuunneqarnissaa pisariaqartinneqartillugu, uppersaasatit pillugit nalunaarsuutini ati alla atorlugu, nammineq ateringissaat aamma



najugaqarfiat taanagu, allanneqarsinnaalersut aalajangersagassatut siunnersuutigineqartup kingunerissavaa.

Taama tulleriillutik, § 458, imm. 2-mi, tamatuma kingorna politiini tjenestemandi imaluunniit politiini atorfilik, inuttut sunniiniartartut atorneqarsimasoq, atini najukkanilu taanagit ilisimannittut nassuiaateqarsinnaavoq, aamma § 458, imm. 3, tamatuma kingorna ilisimannittup immikkut ittumik kiffartuussinermik ingerlatsisimanerata pingaarutilimmik eqqarsaatigineqarnissaasa tunngavissaqartippagu, aamma paasissutissat unnerluutigineqartup illersorneqarneranut pingaaruteqanngitsutut isumaqarfigineqarpata, politiini tjenestemandip atini najukkanilu ilisimatitsissutigineqartup ilisimannittut nassuiaasinnaanera siulittaasup aalajangersinnaavaa.

Pineqartup atia najugaalu uppersaait pillugit nalunaarsuiffimmi allanneqassappata, § 458, imm. 2-mi aamma 3-mi aalajangersagassatut siunnersuutigineqartup pingaaruteqarnaviannigillat. Allanguutissat siunnersuutigineqartoq atorlugu, uppersaait pillugit nalunaarsuiffimmi politiini tjenestemandip imaluunniit politiini atorfillip atorfiata taaguutaata aamma atiata allap (aamma taaneqartartoq) taamaallaat allanneqarnissaat periarfissaassaaq.

Qallunaat eqqartuussisarnermik inatsisaanni § 837, imm. 3 aalajangersakkap assigaa.

Aammattaaq oqaaseqaatini nalinginnaasui imm. 2.2.8.1 aamma 2.10 innersuussutigineqarput.

Nr. 8-mut, 9-mut aamma 10-mut

§ 448, imm. 1-imi aalajangersagaq atuuttoq malillugu, pingaarnertut isumaqatigiinniarnaq sioqqullugu unnerluussisussaataasut, illersuisup imaluunniit ilisimannittup noqqaassuteqarnerisigut, 1) § 113, imm. 3 malillugu inuit imaluunniit inuit eqimattakkuutaat aalajangersimasut peqataatinneqannginnissaat pillugit, 2) §§ 114 aamma 115 malillugit matut matuneqarnissaat, 3) § 120 malillugu imaqarniliornissamik inerteqquteqarneq pillugu, 4) § 123 malillugu atit taaneqarnissaannik inerteqquteqarneq pillugu, 5) § 155, imm. 3 malillugu meeqqap 15-it inorlugit ukiullip qanoq ililluni kimillu killisiorneqarnissaa pillugu imaluunniit, § 155, imm. 3 malillugu inuup video atorlugu killisiorneqartussap qanoq ililluni pinissaa pillugu, imaluunniit 6) § 458, imm. 1 malillugu ilisimannittup killisiorneqarnerani unnerluunneqartup

eqqartuussivimmik qimatsinissaa pillugu, eqqartuusivik aalajangersinnaavoq.

§ 448, imm. 2 malillugu kingusinnerpaamik uppersaatit pillugit nalunaarsuiffiup tunniunneqarnerata peqatigisaanik illersuisumut eqqartuussivimmullu, apeqquummik imm. 1-imi taaneqartumik peqarneraq pillugu unnerluussisussaataasut nalunaarutiginnissapput.

Siullertut § 448, imm. 1, nr. 5-imi »§ 155, imm. 3, imaluunniit,« ima allanngortinneqassasoq »§ 155, imm. 3,« siunnersuutigineqarpoq. Inatsisissatut siunnersuummi § 1, nr. 10 malillugu normumik tulliusumik (nr. 7-imi) ilanngussinerup malitsigisaanik allannguutit kingunerisaannik naqqiinerit uani pineqarput.

Eqqartuussisarnermik inatsimmi § 448, imm. 1, nr. 6-imi, § 458, imm. 4-tut aalajangersagassatut siunnersuutigineqartumut innersuussummik ilanngussisoqarnissaa aappaattut siunnersuutigineqarpoq, tamatumalu kingorna unnerluussisussaataasut, illersuisup imaluunniit ilisimannittup noqqaassuteqarnerisigut, politiini inuttut sunniiniartartup imaluunniit politiini tjenestemandip immikkut ittumik kiffartuussisarnermik ingerlatsisup killisiorneqarnerani unnerluunneqartup eqqartuusivik qimassaneraa, eqqartuussiviup aalajangersinnaavaa.

Qallunaat eqqartuussisarnermik inatsisaanni § 845, imm. 1 nr. 6-imi innersuussut aalajangersakkap assigaa.

Eqqartuussisarnermik inatsimmi § 448, imm. 1, nutaamik nr. 7-imi ilanngussisoqassasoq pingajuattut siunnersuutigineqarpoq, tamatumalu kingorna eqqartuunneqarnissamik isumaqatigiinniarnaq sioqqullugu, unnerluussisussaataasut, illersuisup imaluunniit ilisimannittup noqqaassuteqarnerisigut, § 458, imm. 3-mi aalajangersagassatut siunnersuutigineqartoq malillugu politiini tjenestemandip atia aamma najugaa taaneqassanngitsoq, eqqartuussiviup aalajangersinnaavaa.

Qallunaat eqqartuussisarnermik inatsisaanni § 845, imm. 1, nr. 8 aalajangersakkap assigaa.

Nr. 11-imut

Nangaassuteqanngitsumik nassuiaanissap anguneqarsinnaannginnera pillugu immikkut ittumik tunngavissaqartoq isumaqartoqarpat, eqqartuussisarnermik inatsimmi § 458-imi, imm. 1-imi malittarisassat

atuuttut malillugit, ilisimannittoq imaluunniit unnerluunneqaqataasup killisiorneqarnerani unnerluunneqartup ini eqqartuussiviusoq qimassagaa, eqqartuussivik aalajangersinnaavoq. Unnerluunneqartoq inimi eqqartuussivimmeeqqilerpat, taanna imm. 1 imaluunniit § 141, imm. 5 malillugu aalajangiinerup malitsigisaanik ilisimannittup unnerluunneqaqataasulluunniit killisiorneqarnerani isiginnaartuusimanngippat, imm. 2 malillugu unnerluunneqartoq unnerluunneqartup peqannginnerani kina nassuiaasimanersoq pillugu paasitinneqassaaq. Aammattaaq nassuiaaneq unnerluunneqartumut tunngassuteqarpat, unnerluunneqartoq nassuiaatigineqartup imaanik paasitinneqassaaq. Nassuiaanerup oqaluttuareqqinneqarnera unnerluussaasup nammineq nassuiaanissaa sioqqullugu imaluunniit kingoqqullugu pisinissaa, eqqartuussiviup aalajangissavaa.

Eqqartuussisarnermik inatsimmi § 458-imi imm. 2-miit 6 ilanngullugu aqqutigalugit nutaanik ilanngussisoqarnissaa siunnersuutigineqarpoq. Aalajangersagassatullu siunnersuutigineqartut taakku qallunaat eqqartuussisarnermik inatsisaanni § 856, imm. 5-imiit 6 ilanngullugu, 8, 9 aamma § 856, imm. 11-imi ilaasut nalequttut assigat.

*§ 458, imm. 2-mut*

Politiini tjestemandi imaluunniit politiini atorfilik, § 349 a-mi taaneqartunik iliuuseqarsimasoq, atini najukkaniluunniit taanagit nassuiaasinnaasoq eqqartuussisarnermik inatsimmi § 458, imm. 2 aqqutigalugu siunnersuutigineqarpoq.

Ati alla atorlugu politiini inuttut sunniiniartartoq piumasaqaatitaqanngitsumik eqqartuussivimmi sassarsinnaasinnaalissasoq aalajangersagassatut siunnersuutigineqartup kingunerissavaa.

Aalajangersagassatut siunnersuutigineqartumi »najugaq« ima paasineqassaaq suliffiup sumiiffia.

Politiini inuttut sunniiniartartup kinaassusaata isertuunneqarnissaa aalajangersakkami siunertarinqarpoq, taamaalilluni pineqartoq suliani kingusinnerusuni inuttut sunniiniartartutut atorneqaqqissinnaaniassamat.

Aalajangersagaq matut matuneqarnissaat pillugu § 115, imm. 3-tut aalajangersagassatut siunnersuutigineqartumut, uppersaatit pillugit nalunaarsuiffimmi paasissutissat pillugit § 443, imm. 3-imut, kiisalu ilisimannittut nassuiaanerup nalaali unnerluunneqartup

eqqartuussivimmiinnissaa pillugu § 458, imm. 4-mut atatillugu isiginiarneqassaaq.

Unnerluunneqartup, eqqartuussiviup imaluunniit illersuisup politiini inuttut sunniiniartartup kinaassusaa ilisimalissanngikkaat, § 443-p allanngortinneqarnissaa peqatigalugu aalajangersagassatut siunnersuutigineqartup kinguneraa. Politiini tjenestemandi imaluunniit politiini atorfilik pineqartutut kilitsisiaanersoq pillugu allakkatigut uppersaammik, taamaalillunilu § 349 b, imm. 2, oqaaseqatigiit aappaattut siunnersuutigineqartumi piumasqaammik naammassinninnermik, eqqartuussivik piumasqaateqarsinnaavoq. Pineqartup atorfinitsinneqarsimaneranik politiini aqutsisut qullersaanit allakkatigut nalunaarut, tassunga atatillugu pisariaqartinneqartumik uppersaatitut isigineqassaaq. Inuk sunniiniartartoq nunanit allaneersoq pineqartillugu, nunani allani politiini oqartussaasut qullersaanit nalunaarutip naammattumik uppersaatitut isigineqarnissaa assigisaanik naatsorsuutigineqarpoq.

Aamma oqaaseqaatini nalinginnaasuni imm. 2.2.8.1 innersuussutigineqarpoq.

#### *§ 458, imm. 3-mut*

Ilisimannittup immikkut ittumik kiffartuussinermik ingerlatsinerannut pingaarutilimmik eqqarsaatigisassat tamanna pissutissaqartippassuk, aamma unnerluunneqartup illersorneqarneranut paasissutissat pingaaruteqanngitsutut isigineqarpata, politiini tjenestemandip, ilisimannittutut nassuiaasup, atiata aamma najugaata paasissutissiissutigineqannginnissaat eqqartuussiviup siulittaasuata aalajangersinnaagaa § 458, imm. 3-ikkut siunnersuutigineqarpoq.

Aalajangersagassatut siunnersuutigineqartup politiini tjenestemandip, taassuma immikkut ittumik kiffartuussinermik ingerlatsineranut pineqartup kissaassusaata ilisimaneqalinnginnissaa apeqqutaatinneqarluni, kinaassusaata isertuunneqarnissaa siunertarivaa. Uani ilaatigut politiini tjenestemandit ikittuinnaat, immikkut ittumik isertortumik sulinissamik ilinniartinneqarsimasut pineqassapput. Aamma assersuutigalugu politiini tjenestemandit, isertuussamik tusarnaarnissamut atortunik ikkussuisinnaapput imaluunniit inummik aalajangersimasumik isertortumik malersuisinnaallutik.

Taamaalilluni matut matuneqarnissaat pillugu § 114, imm. 2, nr. 2-tut aalajangersagassatut siunnersuutigineqartumut, uppersaait pillugit nalunaarsuiffimmi paasissutissat pillugit § 443, imm. 3-imut, aamma ilisimannittut nassuiaanerup nalaali unnerluunneqartup eqqartuussivimmiinnissaa pillugu § 458, imm. 4-mut atatillugu aalajangersagaq isiginiarneqassaaq.

Aalajangersagassatut siunnersuutigineqartoq malillugu, ilisimannittup immikkut ittumik kiffartuussinermik ingerlatsinerata eqqarsaatigineqarnissaata pingaaruteqartuunissaa piumasaqaataavoq. Inuup pineqartup taamatut immikkut ittumik kiffartuussinermik ingerlatsinersoq, aamma tassunga pingaarutilimmik eqqarsaatigisariaqartunik peqarnersoq, taamaalilluni nalilerneqassaaq.

Politiini tjenestemandip atia najugaalu pillugit paasissutissat unnerluunneqartup illersorneqarneranut pingaaruteqanngitsutut isumaqarfigineqarneri aammattaaq piumasaqaataavoq. Unnerluunneqartup ilisimannittup nassuiaataanut isummernissaminik periarfissaataa, politiini tjenestemandip nammineq atianik najugaanillu ilisimasaqannginneranik killilerneqarnersoq, uani pingaaruteqarlunnassaaq.

Pineqartoq politiini tjenestemandiunersoq pillugu allakkatigut uppersaammik eqqartuussivik piumasaqarsinnaavoq. Pineqartup atorfinitsinneqarsimaneranik politiini aqutsisut qullersaannit allakkatigut nalunaarut, tassunga atatillugu pisariaqartinneqartumik uppersaaitut isigineqassaaq. Inuk sunniiniartartoq nunanit allaneersoq pineqartillugu, nunani allani politiini oqartussaasut qullersaannit nalunaarutip naammattumik uppersaaitut isigineqarnissaa assigisaanik naatsorsuutigineqarpoq.

Aamma nalinginnaasumik oqaaseqaatini imm. 2.2.9 innersuussutigineqarpoq.

#### *§ 458, imm. 4-imut*

Politiini tjenestemandi imaluunniit politiini atorfilik, § 349 a-mi taaneqartunik iliuuseqarsimasoq, imaluunniit politiini tjenestemandi immikkut ittumik kiffartuussinermik ingerlatsisimasoq, killisiorneqartussaaitillugu, tamanna politiini tjenestemandip imaluunniit politiini atorfillip kinaassusaata isertuunneqarnissaa eqqarsaatigalugu aamma unnerluunneqartup illersorneqarneranut tamanna pingaaruteqanngitsutut isigineqarsinnaappat, unnerluunneqartup

eqqartuussivik qimassagaa, eqqartuussivimmi siulittaasup aalajangersinnaagaa eqqartuussisarnermik inatsimmi § 458, imm. 4 aqqutigalugu siunnersuutigineqarpoq.

Politiini tjenestemandip imaluunniit politiini atorfillip killisiorneqarnerata nalaali unnerluunneqartup eqqartuussivimmit qimagutsinneqarnissaanut, politiini tjenestemandip imaluunniit politiini atorfillip kinaassusaata isertuunneqarnissaata eqqarsaatigineqarnera piunasaqaataassaaq. Pisumi unnerluunneqartup politiini tjenestemandimik imaluunniit atorfilimmik takunninnerata, aalajangersagassatut siunnersuutigineqartoq § 349 a malillugu politiit pineqartumik politiini inuttut sunniiniartartutut atuisinnaajunnaarneranik kinguneqarsinnaanera, imaluunniit politiini tjenestemandi immikkut ittumik kiffartuussinermik ingerlatsisinnaajunnaarneranik kinguneqarsinnaanera, assersuutigalugu immikkut ittumik nakkutiginnittuni ilaasinnaajunnaarnera, uani pingaaruteqassaaq. Ingerlatsinernut taamaattunut politiini tjenestemandip imaluunniit politiini atorfillip pineqartup suli atorneqarsinnaanerata qanoq pingaaruteqartiginera pillugu aalajangiisoqarnissaa aammattaaq pingaaruteqassaaq, matumani ingammik pineqartoq taamaaliornissamut immikkut ittumik ilinniagaqarsimanersoq imaluunniit immikkut ittumik misilittagaqarnersoq ilanngullugit. Naggataagut – unnerluunneqartup eqqartuussivimmit qimagutinneqarnissanut qinigassatut allatut – qanoq iliornissamut piareersaasoqarsinnaannginnersoq eqqarsaatersuutigineqartariaqarpoq, taamaaliornikkut politiini tjenestemandi imaluunniit atorfilik ilisarineqarsinnaajunnaarsinneqassalluni, assersuutigalugu assersuutigalugu ilisaritinniarani atisalersorneqarnera ikiortigalugu.

Politiini tjenestemandip imaluunniit atorfillip nassuiaanerani unnerluunneqartup isiginnaannginneranut, unnerluunneqartup illersorneqarneranut nassuiaanerup pingaaruteqannginnissaa piunasaqaataavoq. Illersuisup ilisimannittup nassuiaaneranik isiginnaarnissamut pisinnaatitaaffia, malittarisassatut siunnersuutigineqartumit sunnerneqanngimmat tassunga atatillugu maluginiarneqassaaq. Ilisimannittup unnerluunneqartoq peqartinnagu nassuiaanerata imaanik ilisimatinneqarnissamik piunasaqaatitaqanngitsumik unnerluunneqartup piunasaqaateqarsinnaaneranut tamanna assigisaanik atuuppoq.

Aammattaaq nalinginnaasumik oqaaseqaatini imm. 2.2.8. aamma 2.2.9 innersuussutigineqarput.

*§ 458, imm. 5-imut*

Imm. 3 aamma 4 malillugit, noqqaassutit saqqummiunneqartut pillugit sioqqutsilluni isumaqatigiinniarnep nalaani, unnerluussaasup eqqartuussivimmit qimagunnissaa pillugu, eqqartuussivimmi suliap ingerlanneqarnerani eqqartuussivimmi siulittaasoq aalajangiisinnaasoq, eqqartuussisarnermik inatsimmi § 458, *imm. 5-ikkut* siunnersuutigineqarpoq.

Imm. 3 malillugu politiini tjenestemandip atiata najugaatalu isertuunneqarnissaat pillugit, imaluunniit imm. 4 malillugu unnerluunneqartup ini eqqartuussiffiusoq qimassaneraa, sioqqutsisumik isumaqatigiinniarnerni eqqartuussiviup siulittaasuata aalajangissagaa, aalajangersagassatut siunnersuutigineqartup kingunerissavaa.

*§ 458, imm. 6-imut*

Imm. 3 malillugu politiini tjenestemandip atiata najugaatalu isertuunneqarnissaa, imaluunniit imm. 4 malillugu unnerluunneqartup ini eqqartuussiffiusoq qimassagaa, eqqartuussiviup aalajangernerani aalajangiiffigissagaa, taannalu tunngavilersorneqassasoq, eqqartuussisarnermik inatsimmi § 458, *imm. 6-ikkut* siunnersuutigineqarpoq. Aalajangernermi suliami pisut piviusut taaneqassapput, tassanilu isertuussinissamut piumasagaatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq. Eqqartuussiviup aalajangiinera imm. 3 aamma 4 malillugit aalajangigassanngorteqqinneqarsinnaavoq.

§ 458, imm. 3-imi aamma 4-imi aalajangersagassatut siunnersuutigineqartut malillugit politiini tjenestemandip atiata najugaatalu isertuunneqarnissaat pillugu, imaluunniit unnerluunneqartup ini eqqartuussiffiusoq qimassagaa pillugu aalajangiineq, eqqartuussiviup aalajangiineratigut aalajangerneqassasoq, aalajangersagassatut siunnersuutigineqartup kingunerissavaa. Suliami pissutsit piviusut taaneqarnissaat aammattaaq piumasagaataassaaq, tassani isertuussinissamut piumasagaatit naammassineqarsimanerat taparserneqassalluni. Aalajangiineq qaqugukkulluunniit allanngortinneqarsinnaavoq, soorlu aamma eqqartuussiviup aalajangiinera imm. 3 aamma 4 malillugit aalajangigassanngorteqqinneqarsinnaasoq.

Nr. 12-imut

Imm. 1 malillugu aalajangiinerup malitsigisaanik imaluunniit § 141, imm. 1 malillugu unnerluunneqartup ilisimannittumik imaluunniit unnerluunneqaqataasumik killisiuineq isiginnaangippagu, unnerluunneqartoq, taanna eqqartuussivimmi najuuteqqilerpat, unnerluunneqartup peqannginnerani kikkut nassuiaateqarsimaneri pillugit ilisimatinneqassasoq, eqqartuussisarnermik inatsimmi § 458, imm. 2-mi oqaaseqatigiinni siullerni takuneqarsinnaavoq.

Eqqartuussisarnermik inatsimmi § 458, imm. 2-mi, oqaaseqatigiinni siullerni, imm. 7, oqaaseqatigiit siullinngortumi, »imm. 1«-ip kingorna ima ilanngussisoqassasoq: »imaluunniit imm. 4« siunnersuutigineqarpoq.

§ 458, imm. 4-imi aalajangersagassatut nutaatut siunnersuutigineqartoq malillugu aalajangiinerup malitsigisaanik unnerluussaasup politiini tjenestemandip imaluunniit politiini atorfillip killisiorneqarnera isiginnaangippagu, unnerluussaasup peqannginnerani kikkut nassuiaateqarsimanersut pillugit, aamma nassuiaatigineqartup imai, tassani unnerluunneqartoq pineqassalluni, pillugit, unnerluussaasoq inimi eqqartuussivimmeeqqilerpat paasitinneqassasoq, aalajangersagassatut siunnersuutigineqartup kingunerissavaa.

Qallunaat eqqartuussisarnermik inatsisaanni § 856, imm. 10-mi oqaaseqatigiit siulliit aalajangersakkap assigaa.

*§ 2-mut*

Inatsisip ullormi 1. juli 2024-imi atuutilernissaa siunnersuutigineqarpoq.



# Inatsisissatut siunnersuutip inatsimmut atuuttumut ataatsimoortinneqarnera

*Oqaasertaliussat atuuttut*

*Inatsisissatut siunnersuut*

## § 1

**§ 114.** Eqqartuussisut aalajangersinnaavaat eqqartuussineq matoqqasumik ingerlanneqassanersoq (matunik matusineq),

1-3) ---

*Imm.* 2. Pinerlunnernik suliasani aammattaq matunik matusinissaq aalajangiiffigineqarsinnaavoq,

1-3) ---

*Imm.* 3. Eqqartuussutissap aalajangiiffiginiarnerani imm. 2, nr. 3 naapertorlugu matunik matusineq eqqartuussivimmi siullermeeriffiusumi taamaallaat pisinnaavoq aamma aatsaat ilimagineqartariaqarpat suliasap suliarineqrnerani unnerluutigineqartut saniasigut innut allanut pisimasut taakkorpiat pillugit kingusinnerusukkkut unnerluussissuteqartoqassaqassasoq, aammalu pingaartitassat immikkut illuinnartut matunik matusinissaq pisariaqartippassuk. Eqqartuussutissamik

Inatsimmut nalunaarut nr. 1581, 13. december 2016-imeersoq malillugu Kalaallit Nunaanni eqqartuussisarnermi inatsimmi, ilaatigut inatsisimmi nr. nr. 572-imi, 10. maj 2022-imeersumi § 1-ikkut allanngortinneqartumi aamma kingusinnerpaamik inatsimmi nr. 414-imi, 25. april 2023-imeersumi § 2-ikkut allanngortinneqartumi, makkuninnga allannguisoqassaaq:

**1.** § 114, *imm.* 2-mi, nr. 1-ip kingorna normutut nutaatut ilanngunneqassaaq:

»2) politiitut tjenestemandimit immikkut ittumik kiffartuussinermik ingerlatsisumit, aamma tamanna immikkut ittumik kiffartuussineq eqqarsaatigalugu kinaassutsip isertuunneqarnissaa pisariaqartinneqarpat,«

Tamatuma kingorna nr. 2-3, 3-4-nngussapput.

**2.** § 114, *imm.* 3-imi, »imm. 2, nr. 3« ima allanngortinneqassaaq: »imm. 2, nr. 4«.

isumaqatigiinniuteqarneq  
eqqartuussisut suliaannik  
allassimaffimmut ima  
sukumiitigisumik  
issuarneqartassaaq,  
eqqartuussutip  
nalunaarutigineqarnerani  
eqqartuussutissap  
isumaqatigiinniutigineqarnerata  
ingerlasimanera avammut  
ilisimatinneqarsinnaalersillugu,  
matunik matusinermi  
siunertarisat annertussusaat  
naapertorlugu.

**§ 115. ---**

*Imm. 2. ---*

**§ 144. ---**

*Imm. 2. Aamma*  
nassuiaateqarnissaq  
pisussaaffiussanngilaq,  
nassuiaateqranikkut  
ilianassappat

1-2) ---

3) ilisimannittoq nammineq  
imaluunniit taassumap  
qaniginerpaasai annertuumik  
ajoquserneqassasut.

*Imm. 3. ---*

**§ 153.** Ilisimannittoq  
killisiorneqalersinnagu  
eqqartuussisut ilisimannittup

**3. § 115-imi imm. 3-tut**  
ilanngunneqassaaq:

»*Imm. 3.* Politiitut tjestemandi  
imaluunniit politiini atorfeqartoq  
iliuutsinik § 349 a-mi taaneqartunik  
suliaqarsimatillugu,  
unnerluussisussaataitaasut  
piumasarippassuk, taassuma  
nassuiaanerani matut  
matuneqassapput.«

**4. § 144-imi imm. 4-itut**  
ilanngunneqassaaq:

»*Imm. 4.* Ilisimannittoq  
iliuutsinik § 349 a-mi taaneqartunik  
suliaqarsimappat, aamma suliap  
qanoq issusia pineqartumullu  
akuusumut imaluunniit  
inuiaqatigiinnut  
pingaaruteqarnerata tamanna  
naapertuuttutut isigisariaqartippagu,  
pisuni imm. 2-mi nr. 3-mi  
taaneqartuni eqqartuussiviup  
aammattaaq ilisimannittoq  
nassuiaateqaqqullugu  
peqqusinnaavaa.«

kinaassusaa qularnaassavaat,  
aammalu ilisimannittup  
nassuiaateqarnissaanut  
sumilluunniit  
akornutissaqartoqannginnera.  
Tamatuma kingorna  
eqqartuussisut ilisimannittoq  
eqqortumik oqaloqqullugu  
ilungersortumik peqqussavaat  
aamma ilisimannittoq  
eqqunngitsumik  
nassuiaateqarnermi  
akisussaaffimmik  
ilisimatissavaat.

**Kapitali 34.** Paasiniaasarneq  
killisiuisarnerillu pillugit  
aalajangersakkat nalinginnaasut.

§§ 337-349. ---

5. § 153-imi »ilisimannittup  
kinaassusaa«-ta kingorna  
ilanngunneqassaaq: », taamaattoq §  
458, imm. 2 aamma 3 takukkit«

6. Kapitalip 34-ip kingorna  
ilanngunneqassaaq:

»Kapitali 34 a  
*Pinerluttoqarsimaneranik  
paasiniaanermi immimkkut ittumik  
iliuutsit*

§ 349 a. Inatsisunik  
unioqutitsineq pillugu  
pinerluttoqarsimaneranik  
paasiniaanermut atatillugu,  
kialluunniit inatsimmik  
unioqutitsinissaanut imaluunniit  
inatsimmik unioqutitsinerata  
ingerlatiinnarnissaanut  
kajumissaarneqarnissaa  
siunertaralugu, ikiuinissamik  
neqeroorfigineqarnera imaluunniit  
iliuutsinik aalajangiisoqarnera,  
politiit peqataaffigissanngilaat, ima  
pisoqartinnagu:

4) inatsimmik  
unioqutitsisoqalersoq  
imaluunniit inatsimmik  
unioqutitsineq  
misilinneqarsimasoq pillugu  
pissutissaqartumik  
pasitsaassisoqartoq,

- 5) pinerluttoqarsimaneramik  
 paasiniaanermi iliuuseq  
 pinerluttoqarsimaneramik  
 paasiniaanermi  
 pingaarutilimmik  
 kinguneqartussatut  
 isumaqarfigineqartoq,  
 aamma
- 6) pinerluttoqarsimaneramik  
 paasiniaaneq immikkut  
 ittumik sakkortuumik  
 inatsisinik  
 unioqqutitsinermut  
 tungassuteqartoq  
 imaluunniit  
 pinerluttulerinerami  
 inatsimmi § 85, imm. 1-ip  
 imaluunniit 2-ip, § 104-ip, §  
 105-ip, § 108-ip, § 111,  
 imm. 1-ip, imaluunniit § 111  
 a-p  
 unioqqutinneqarnerannik  
 tungassuteqartoq,  
 inatsisinillu unioqqutitsineq  
 internetti atorlugu  
 unioqqutitsinerutillugu,  
 Ikiaroorartut pillugit  
 Inatsisartut inatsisaannik  
 imaluunniit Sakkut pillugit  
 Kalaallit Nunaannut  
 inatsimmik  
 unioqqutitsinermik  
 tungassuteqartoq.

*Imm. 2.* Kialluunniit inatsimmik  
 unioqqutitsinissaanut imaluunniit  
 inatsimmik unioqqutitsinerata  
 ingerlatiinnarnissaanut  
 kajumissaarneqarnissaa  
 siunertaralugu iliuutsit, politiit  
 inatsimmik unioqqutitsisoqartillugu  
 pissutsit pingaarutilimmik

sunnii vigissanngippassuk,  
imaluunniit taamatut  
kajumissaarinninneq taamaallaat  
pisinnaatitaaffinnik, pigisanik  
tigussaasunik imaluunniit  
atortussanik allanik,  
erseqqinnerusumik  
annertussusilinnik internettikkut  
tuniniarneqartunik taamaallaat  
pissarsineruppata, iliuutsit  
kialluunniit inatsimmik  
unioqqutitsinissaanik imaluunniit  
ingerlatitsiinnarnissaanik  
kajumissaarinninnissaq  
siunertaralugu aalajangerneqartut,  
imm. 1-imi ilaatinneqassanngillat.

§ 349 b. Iliuutsit § 349 a-mi  
taaneqartut, inatsisinik  
unioqqutitsinerup annertussusaata  
peqqarniisaarnerulluunniit  
annertusineqarnissaanik  
kinguneqassanngillat.

*Imm. 2.* Politiini tjenestemandinit  
aamma politiini atorfilinnit  
pinerluttoqarsimanageranik  
paasiniaanissamut immikkut ittumik  
piginnaasaqartunit iliuutsit  
taamaallaat suliarineqarsinnaapput.  
Taamaattoq, ikiuonneq  
tunniunniunneqartoq, inatsisinik  
unioqqutitsinermut naleqqiullugu  
killilerujussuuppat, inuit  
uniformeqanngitsut politiinik  
isumaqatigiissuteqarnikkut  
inatsimmik unioqqutitsinerup,  
pinerluttoqarsimanageranik  
paasiniaaaffigineqartup,  
ingerlanneqarnissaanut  
nanginneqarnissaanulluunniit  
ikiuissinnaapput.

§ 349 c. § 349 a malillugu iliuitsit  
akuersissutigineqartut  
eqqartuussiviup aalajangerneratigut  
pissapput, taamaaliernerlu  
tunnqavilersorneqassaaq. Tamanna  
pillugu apeqqut eqqartuussivimmi,  
unnerluussutip  
saqqummiunneqarfissaani  
imaluunniit  
saqqummiunneqarfissaatut  
naatsorsuutigineqartumi  
saqqummiunneqassaaq, imaluunniit  
sumiiffimmi allami iliuitsit  
naammassiniarlugit politiit  
aalajangiiffigisaanni pissalluni.

*Imm. 2.* Eqqartuussiviup  
aalajangiinerani suliami piviusuiit  
taaneqassapput, tassanilu iliuitsit  
naammassineqarnissaannut  
piumasaqaatit  
naammassineqarsimanagerat  
taparserneqassaaq. Aalajangerneq  
qaqugukkulluunniit  
allangortinneqarsinnaavoq.

*Imm. 3.* Iliuitsit siunertaat  
maangaannartinneqassappata,  
eqqartuussiviup aalajangernera  
utaqqineqassappat, iliuitsit  
naammassineqarnissaat politiit  
aalajangersinnaavaat.  
Taamaattoqarpat iliuitsit  
aallartinneqarnerannit  
piaarnerpaamik aamma  
kingusinnerpaamik akunnerit 24-it  
iluanni politiit suliaq  
eqqartuussivimmut  
saqqummiutissavaat. Iliuitsit  
akuerineqarsinnaanersut, kiisalu  
atatiinnarneqassanersut  
eqqartuussiviup aalajangernermigut

aalajangiiffigissavai. Iliuutsit suliarineqarsimasussanngikkaluartu t eqqartuussivik isumaqarpat, eqqartuussiviup tamanna pillugu Inatsiseqarnermut ministereqarfik nalunaaruteqarfigissavaa.

§ 349 d. § 349 a-mi iliuutsit taaneqartut pillugit aalajangiisoqarsimappat, aamma inatsisinik unioqqutitsineq pillugu unnerluussisoqarpat, iliuutsit pillugit illersuisumut nalunaarutiginnittoqassaaq.

Naalagaaffinnut pissaanilissuarnut, naalagaaffiup isumannaatsuunissaanut, suliap paasinarsisinneqarnissaanut, imaluunniit inummut pingajuusumut qaqutigoortumik eqqarsaatiginninnissaq tamatuma pisariaqartissappagu, oqaaseqatigiit siulliit malillugit paasissutissat illersuisup tigusimasaasa ingerlateqqinneqannginnissaat politiit illersuisumut peqqussutigisinnaavaat.

§ 349 e. 349 a-miit 349 d ilanngullugu malittarisassat pinerluttulerinermi inatsimmi kapitali 7 aamma §§ 24-imiit 35 ilanngullugu malillugit unioqqutitsisoqarsimanersoq pillugu pinerluttoqarsimaneramik paasiniaanermi atorneqassanngillat.«

7. § 443-imi imm. 2-p kingorna immikkoortut nutaatut ilanngunneqassaaq:

§ 443. Unnerluussisummik tunniussaqaarnermut peqatigitillugu eqqartuussivimmut tunniunneqassapput suliasami uppersaatissatut allakkiat taakkualuunniit nuutsinneqarneri kiisalu ilisimannittut suliasap suliarineqarnerani uppersaatinneqartussat uppersaatissallu upatsisiginiarneqassamaartut allattorsimaffiat.

*Imm. 2. –*

§448. Matut matuneqrnissaat, issuaaqqusinnginneq, atinik taaseqqusinninneq pillugu aamma ilisimannittunik killisiuisoqartillugu unnerluutigineqartup inimiit eqqartuussiviusumiit qimagunnissaanik eqqratuussutissap isumaqatigiinniutigineqarnissaa

sioqqullugu  
aalajangiisoqarsinnaavoq,  
tamanna politiinit, iolleruisumit  
imaluunniit ilisimannittumit  
noqqaassutigineqarpat

1-4) ---

5) § 155, imm. 3 malillugu  
meeqqap 15-it inorlugit ukiullip  
qanoq ililluni kimillu  
killisiorneqarnissaa imaluunniit,  
inuup video atorlugu  
killisiorneqartussap qanoq  
ililluni pinissaa, imaluunniit

6) § 458, imm. 1 malillugu  
ilisimannittup  
killisiorneqarnerani  
unnerluunneqartup inimi  
eqqartuussiviusumit aninissaa.

§ 458. Eqqartuussisut  
aalajangersinnaavaat  
unnerluutigineqartup ini  
eqqartuussiviusoq qimassagaa  
ilisimannittup imaluunniit  
unnerluutigineqataasup  
killisiorneqarnerani, immikkut  
tunnqavissaqarpat  
isumaqassallunilu  
taamaattoqanngippat  
nassuitsumik  
nassuiaasoqarsinnaanngitsoq.

»Imm. 3. Politiini tjenestemandit  
imaluunniit pilitiini atorfillit, § 349  
a-mi iliuutsinik taaneqartunik  
suliarinnissimasut, aamma politini  
tjenestemandit immikkut ittumik  
kiffartuussinermik ingerlatsisut,  
tassani immikkut ittumik  
kiffartuussinermik ingerlatsineq  
eqqarsaatigalugu kinaassutsip  
isertuunneqarnissaa  
pisariaqartinneqarluni, atimik  
allamik nammineq  
aterinngisaminnik  
taaneqarsinnaapput [aamma  
najugaqarfik taanagu].«

8. § 448, imm. 1, nr. 5-imi, »§ 155,  
imm. 3, imaluunniit,« ima  
allanngortinneqassaaq: »§ 155,  
imm. 3,«

9. § 448, imm. 1, nr. 6-imi, »imm.  
1«-ip kingorna ilanngunneqassaaq:  
»imaluunniit 4, imaluunniit«.

10. § 448-imi nr. 6-ip kingorna  
nutaatut normutut  
ilanngunneqassaaq:  
»7) § 458, imm. 3 malillugu politiini  
tjenestemandip atia najugaalu  
nalunaarutigineqassanngitsoq.«



**11. § 458-imi imm. 1-ip kingorna**  
immikkoortut nutaatut  
ilanngunneqassapput:

»*Imm.* 2. Politiini  
tjenestemandiusoq imaluunniit  
politiini atorfilik, § 349 a-mi  
taaneqartunik iliuitsinik  
suliaqarsimasoq, nammineq atini  
[najugaqarfinilu] taanagit  
nassuiaasiorsinnaavoq.

*Imm.* 3. Ilisimannittup immikkut  
ittumik sullissinerata  
pingaarutilimmik  
eqqarsaatigineqarnissaata tamanna  
tunngavissaqartippagu, aamma  
paasissutissat unnerluutigineqartup  
illersorneqarneranut  
kingunertussaangitsutut  
isigineqarpata, politiini  
tjenestemandiusup immikkut  
ittumik kiffartuussinermik  
ingerlatsisup, ilisimannittutut  
nassuiaasup atiata  
[najugaqarfiatalu]  
paasissutissiissutigineqannginnissa  
at eqqartuussiviup siulittaasuata  
aalajangersinnaavaa.

*Imm.* 4. Politiini  
tjenestemandiusoq imaluunniit  
politiini atorfilik, § 349 a-mi  
taaneqartunik iliuitsinik  
suliaqarsimasoq, imaluunniit  
tamanna politiini tjenestemandip  
imaluunniit atorfillip kinaassusaata  
isertuunneqarnissaa  
eqqarsaatigalugu  
pisariaqartinneqarpat, politiini  
tjenestemandi immikkut ittumik  
sullissisoq killisiorneqartillugu,  
aamma unnerluunneqartup  
illersorneqarneranut tamanna

*Imm. 2.* Unnerluutigineqartoq imm. 1 malillugu aalajangiinerup kingunerisaatut imaluunniit § 141, imm. 5 naapertorlugu ilisimannittumik imaluunniit unnerluutigineqataasumik killisiuinermut najuussimanani eqqartuussiviup initaanut iseqqikkuni ilisimatinneqassaaq qimagusimanermini kina nassuiaateqarsimanersoq. Unnerluutigineqartoq tamatuma saniatigut nassuiaatigineqartunik ilisimatinneqassaaq, nassuiaataasut unnerluutigineqartoq nammineq nassuiaateqalersinnagu imaluunniit nassuiaateqareerneratigut issuarneqssanersut.

pingaarutilimmik  
kinguneqartussaannigitsutut  
isigineqarpat, unnerluunneqartup  
eqqartuussinermi ini  
eqqartuussiffiusoq qimassagaa,  
eqqartuussiviup siulittaasuata  
aalajangersinnaavaa.

*Imm. 5.* Imm. 3 aamma 4 malillugit noqqaassutit pillugit sioqqutsisumik isumaqatigiinninniarnert nalaanni unnerluunneqartup ini eqqartuussiffiusoq qimassagaa, eqqartuussiviup siulittaasuata aalajangersinnaavaa.

*Imm. 6.* Imm. 3 aamma 4 malillugit politiini tjenestemandip imaluunniit atorfillip atiata najugaqarfiatalu isertuunneqarnissaat pillugu aalajangiineq, eqqartuussiviup aalajangiineratigut aalajangerneqassaaq, taannalu tunngavilersorneqassaaq. Aalajangiinerani suliami piviusuiit taaneqassapput, tassanilu isertuussinissamut piumasaqaatit naammassineqarsimanerat taparserneqassaaq. Aalajangerneq qaqugukkulluunniit allanngortinneqarsinnaavoq. Imm. 3 aamma 4 malillugit eqqartuussiviup aalajangernera suliareqqitassanngortinneqarsinnaavoq.«

Imm. 2 tamatuma kingorna imm. 7-inngussaaq.

**12. § 458, imm. 2, oqaaseqatigiinni siullerni, imm. 7-imi oqaaseqatigiit siullinngortumi, »imm. 1«-p**

kingorna: »imaluunniit 4«  
ilanngunneqassaaq.

**§ 2**

Inatsit 1. juli 2024 atuutilissaaq.